

Ka Gospel Kat Kum U Mathaios

Ka Jingiathuh Shaphang Ka Longiing U Jisu Khrist

(Lk. 3:23–38)

1 Kane ka dei ka jingiathuh lyngba ka jingthoh shaphang ka longiing U Jisu Khrist. U wan na ka longiing u Dabid, uba long ruh na ka longiing u Abraham.

2 U Abraham u dei u kpa u Isaak. U Isaak u dei u kpa u Jakob. U Jakob u dei u kpa jong u Judah bad ki hynmen ki para jong u.

3 U Judah u dei u kpa jong u Phares bad u Sera. Ka kmie jong ki ka dei ka Tamar.

U Phares u dei u kpa jong u Esron.
U Esron u dei u kpa jong u Aram.

4 U Aram u dei u kpa jong u Amminadab. U Amminadab u dei u kpa jong u Nahshon. U Nahshon u dei u kpa jong u Salmon.

5 U Salmon u dei u kpa jong u Boas. Ka kmie jong u ka dei ka Rahab.

U Boas u dei u kpa jong u Obed. Ka kmie jong u ka dei ka Ruth.

U Obed u dei u kpa jong u Jesse.

6 U Jesse u dei u kpa jong u Syiem Dabid. U Dabid u dei u kpa jong u Solomon. Ka kmie jong u ka la long ka tnga u Uriah.

7 U Solomon u dei u kpa jong u Rehoboam. U Rehoboam u dei u kpa jong u Abijah. U Abijah u dei u kpa jong u Asa.

8 U Asa u dei u kpa jong u Jehoshaphat. U Jehoshaphat u dei u kpa jong u Jehoram. U Jehoram u dei u kpa jong u Ussiah.

9 U Ussiah u dei u kpa jong u Jotham. U Jotham u dei u kpa jong u Ahas. U Ahas u dei u kpa jong u Hesekaiah.

10 U Hesekaiah u dei u kpa jong u Manasseh. U Manasseh u dei u kpa jong u Amon. U Amon u dei u kpa jong u Josaiah.

11 U Josaiah u dei u kparad jong u Jehoiakin bad ki hynmen ki para jong u, kiba la im ha ka por ba la ialam mraw ia ki sha Babylon.

12 Hadien ba la ring mraw ia ki sha Babylon: u Jehoiakin u dei u kpa

jong u Shealtiel. U Shealtiel u dei u kparad jong u Sorobabel.

13 bad U Sorobabel u dei u kpa jong u Abiud. U Abiud u dei u kpa jong u Eliakim. U Eliakim u dei u kpa jong u Asor.

14 U Asor u dei u kpa jong u Sadok. U Sadok u dei u kpa jong u Akhim. U Akhim u dei u kpa jong u Eliud.

15 U Eliud u dei u kpa jong u Eleasar. U Eleasar u dei u kpa jong u Mathan. U Mathan u dei u kpa jong u Jakob.

16 U Jakob u dei u kpa jong u Joseph. U Joseph uba dei u tnga ka Mari, bad ka Mari ka dei ka kmie jong U Jisu, ia uba la khot U Khrist.

17 Kumta ki la don khatsaw pateng bynriew naduh u Abraham haduh u Dabid. Ka la don ruh khatsaw pateng bynriew naduh u Dabid tad haduh ba la ringmraw ia kita ki briew sha Babylon. Bad ka la don shuh sa khatsaw pateng bynriew naduh ka por ba la ringmraw ia ki briew sha Babylon tad haduh ban da kha ia U Khrist.

Ka Jingkha Ia U Jisu Khrist

(Lk. 2:1–7)

18 Kane ka long ka jingjia ia ka jingkha ia U Jisu Khrist. Ka kmie jong u ka Mari ka la dep iateh ktien ban iapoi kha bad u Joseph. Hynrei ha shuwa ba kin iapoi kha, u la tip ba ka la punkhun. Ka la punkhun te da ka bor U Mynsiem Bakhuid. ¹⁹U Joseph, u tnga ka Mari, u la long u briew uba bha. Um shym la kwah ban wanrah ka jingpynjah burom ia ka hakhmat u paiddah, kumta u la thmu ban iapyllait tnga noh jar jar.

²⁰Hynrei hadien ba u Joseph u la pyrkhath ia kane, u angel U Trai u la paw ha u ha ka jingphohsniew. U angel u la ong, "Joseph, U Khun u Dabid, wat sngewsheptieng ban pdiang ia ka Mari kum ka tnga jong me. I khun iba haphong jong ka i long na U Mynsiem Bakhuid. ²¹Ka te kan sa kha ia u khun shynrang. Men buh kyrteng ia u, U Jisu.^a Namar ba un pynim ia la ki briew na ki pop jong ki." ²²Baroh kane ka la jia ban pynpaw shai ia ka jingmut jong kaei kaba U Trai u la lah kren lyngba

^a **1:21 Jisu** Ka kyrteng Jisu ka mut "U Jehobah u pynim."

ki nongiathuhlypa: ²³“Ka theisotti kan punkhun bad kan kha ia u khun. Kin ai kyrteŋg ia u “U Emmanuel.” Emmanuel kaba mut “U Blei lem bad ngi.”

²⁴Haba u Joseph u la kyndit, u la leh thik kumba la iaathuh ia u da u angel U Trai. U la shim kurim ia ka Mari. ²⁵Hynrei u Joseph um shym la iaopoikha bad ka tad haduh ba kan da kha ia u khun. Bad u la buh kyrteŋg ia u, U Jisu.

**Ki Riewstad Ki Wan Ban
Jngoh Ia U Jisu**

2 ¹La kha ia U Jisu ha ka shnong Bethlehem ha Judia ha ka por ba u Herod u long u syiem. Haden ba la kha ia U Jisu, la don katto katne ki riewstad kiba la wan na ri mihngi sha Jerusalem. ²Ki la kylli na ki brieve, “Hangno uta U Khunlung ba la kha u ban sa long u syiem jong ki jiw? Ngi la iohi ia u khlur kaba pyni ba la kha ia u. Ngi la iohi ba u mih ha ka sahit bneng ha ka phang mihngi bad ngi la wan ban mane ia u.”

³Haba u Herod u la iohsngew ia kane, ka la pynkulmar ia u bad kumjuh ruh ia baroh kiba ha Jerusalem. ⁴U Herod u la ialum lang ia baroh ki lyngdoh jiw kiba kham hakmat bad ruh ia ki nonghikai ka hukum. U la kylli na ki hangno ba yn sa kha ia U Khrist. ⁵Ki la jubab, “Ha ka shnong Bethlehem ha Judia, kumba la thoh da u nongiathuhlypa:

⁶“Ko Bethlehem, ha ka ri Judah, pha long kaba kongsan hapdeng ki nongsynshar ka Judah. Shisha, u nongsynshar un wan na pha bad uta u nongsynshar un ialam ia ki brieve jong nga ki Israel.”

Mikah 5:2

⁷Haden kane u Herod u la don ka jingiakynduh kaba rieh bad ki riewstad kiba na ka ri mihngi. U la tip na ki ia ka por kaba biang mynba ki la iohi ia uta u khlur. ⁸Te u la phah noh ia ki sha Bethlehem. U da ong, “Khie bad to wad bniah ia uta u khunlung. Haba phin shem ia u, wan iaathuh lem ia nga ba nga ruh ngan iohe leit mane ia u.”

⁹Haden ba ki riewstad ki la iohsngew na u syiem ki ruh ki la mih noh. Te ki la iohi ia uta ujuh u khlur uba ki la iohi ha ri mihngi bad ki la bud ia u. U khlur u la leit ha shuwa jong ki tad haduh ba un da sangehang na ka jaka ba u don uta u khunlung. ¹⁰Ki la kmen bad shad kmen ban iohi pat ia uta u khlur.

¹¹Ki riewstad ki la wan shapoh kata ka iing ha kaba la don uta u khunlung bad ka kmie jong u ka Mari. Ki la dem bad mane ia u. Haden kata ki plied ia la ki song jingai sngewbha kiba ki la wanrah na ka bynta jong u. Ki la ai ia u ia ka ksiar, ka jingiwbihi bad ka mirr. ¹²Hynrei U Blei u la maham ia ki riewstad ha ka jingphohsniew ba kin ym leit phai pat sha u Herod. Kumta ki la leit phai sha la ka ri na kawei pat ka lynti.

**Ki Kmie Ki Kpa U Jisu Ki La
Ialam Ia U Sha Ijipt**

¹³Haden ba ki riewstad ki la mih, u angel U Trai u la paw ha u Joseph ha ka jingphohsniew. U la ong, “feng joit! To shim ia u khunlung bad ia ka kmie jong u bad to phet noh sha Ijipt. Naba u Herod u kwah ban pyniap ia u khunlung bad shen un sa wad ia u. Shong hangta tad haduh ba ngan da ong ia me ban wan phai pat.”

¹⁴Kumta u Joseph u la khreh bad leit noh sha Ijipt. Ki la mih te ha ka por mynmiet. ¹⁵U Joseph u la shong ha Ijipt tad haduh ba u Herod un da iap. Kane ka la pyndep ia ka jingmut shaphang kaei kaba U Trai u la kren lyngba ki nongiathuhlypa: “Nga la khot noh ia la u khun na Ijipt.”

**U Herod U Pyniap Ia Ki Khun
Shynrang Ha Bethlehem**

¹⁶U Herod te u la sngewthuh ba ki riewstad ki la thok ia u bad u la bitar shikatdei eh. Kumta u la ai hukum ban pyniap ia baroh ki khun shynrang ha Bethlehem bad ha baroh ki phang sawdong ka Bethlehem. U Herod u la tip ruh na ki riewstad ia ka por ba la kha ia uta u khunlung. Ka la long mynta ar snem naduh kata ka por. Kumta u la hukum ban pyniap ia baroh ki khun shynrang kiba la ar snem ka rta bad kiba kham hapoh. ¹⁷Kane ka la pyndep ia kaei kaba U Blei u la kren lyngba u Jeremiah u nongiathuhlypa:

¹⁸“Ia ka jingsawa la iohsngew ha Ramah, Ka jingiam kthang bad ka jingsngewsih kaba khraw. Ka Rakhel ka iam na ka bynta la ki khun bad ym lah ban pyntngen ia ka, namar ki khun jong ka baroh kim don shuh.” *Jeremiah 31:15*

**U Joseph Bad Ka Mari Ki
Wan Phai Na Ijipt**

¹⁹Te u Herod u la khlad noh katba u Joseph u dang don ha Ijipt. U angel U Trai u la

paw pat ha u Joseph ha ka jingphohsniew²⁰ bad u la ong, “To ieng joit! To shim ia u khunlung bad ia ka kmie jong u bad to leit pat sha Israel. Kita kiba pyrshang ban pyniap ia u mynta ki la iap.”

²¹Kumta u Joseph u la shim ia u khunlung bad ia ka kmie bad ki la leit phai sha Israel. ²²Hynrei u la iohsngew ba u Arkhelos u la long mynta u syiem ha Judia. U Arkhelos u la long u syiem haba u kpa jong u, u Herod u la iap. Kumta u Joseph u la sngew sheptieng ban leit shata. Te, hadien ba la maham ia u ha ka jingphohsniew, u la kynriah noh sha ki phang ka Galilaia. ²³U la leit sha kata ka shnong ba la khot ka Nasaret bad u la shong hangta. Kane ka la pyndep ia kaei kaba U Blei u la kren lyngba ki nongiathulypa. U Blei u la ong ba ia U Khrist yn khot ia u, u nong Nasaret.

U Ióannis U Pynkhreh Ka Lynti Na Ka Bynta U Jisu

(Mk. 1:1–8; Lk. 3:1–9, 15–17; Ió. 1:19–28)

3 Haba ka ia ka la dei, u Ióannis u Nongpynbaptis u la sdang ban iathuh ia ki brier ia ka khubor na U Blei. Kane ka la long ha ka ri khlaw Judia. ²U Ióannis u la ong, “To kylla kaba mut, namar ba ka hima U Blei ka long hajan eh mynta.” ³U Ióannis u dei uta ia uba u Isaiah u nongiathuhlypa u la kren mynba u la ong,

“Don uwei uba pyrta ha ka ri khlaw:
“Pynkhreh ka lynti na ka bynta U Trai.
Pynlong ka surok bah kaba beit na
ka bynta jong u.” *Isaiah 40:3*

⁴Te ki jaiñkup u Ióannis ki la long na u shñiuh ut bad u la don u panpoh snieh ha ka syngkai jong u. Ka jingbam jong u ka long da ki puit bad ka ngap khlaw. ⁵Te ki brier ki wan sha u Ióannis na Jerusalem bad kiba sah ha Judia baroh bad na ki phang ka rud wah Jordan. ⁶Ki da phla ia ki pop jong ki bad u Ióannis u la pynbaptis ia ki ha ka wah Jordan.

⁷Shibun ki Pharisi^a bad ki Saddusi^b ki la wan sha ka jaka ha kaba u Ióannis u la pynbaptis. Haba u Ióannis u la ióhi ia ki, u la ong, “Phi ki khun ki ksiew ki bseñ! Mano ba la maham ia phi ban phet na ka

^a **3.7 Pharisi** U brier uba long na ka kynhun nongialam niam ki Ji w uba bud pyrkhing ia ki niam ki rukom jong ki Ji w.

^b **3.7 Saddusi** Ka kynhun nongialam niam ki Ji w, kiba pdiang tang ia ki san tylli ki kitab ba shakhmat jong ka Testamen Barim bad ki bymngseit ia ka jingmihpat kiba iap.

jingbishar U Blei ka ban sa wan?⁸To kylla kaba mut! Bad to pyni da ka rukom im ba phi la kylla shisha. ⁹Nga tip aiu ba phi ia pyrkat. Phi kwah ban ia ong, ‘hynrei u Abraham u dei u kpa jong ngi!’ Kata kam don jingmut ei ei ruh em. Nga ong ha phi, ba U Blei u lah ban pynlong khun na kine ki maw na ka bynta u Abraham. ¹⁰Mynta la pynkhreh ia u sdie ban khet noh ia u dieng. Baroh u dieng u bym pynmih ia u soh uba bha yn khet noh bad yn bret noh ruh sha ka ding.

¹¹“Nga pynbaptis ia phi da ka um ban pyni ba phi la kylla kaba mut. Hynrei don uwei u ban sa wan hadien uba lah ban leh kham khraw ban ia kaba nga la leh. Ngam long uba bit wat tang ban rah ia ki juti jong u. Uta un pynbaptis ia phi da U Mynsiem Bakhuid bad ka ding. ¹²Un wan uba la khreh ban pynkhuid ia u symboh kew. Un pyniakhlad ia u symboh kew uba bha na u jyntang bad un buh ia kata ka bynta kaba bha sha ka thiar jong u. Hadien kata un thang ia u stait da ka ding ka bymjulip.”

La Pynbaptis Ia U Jisu Da U Ióannis

(Mk. 1:9–11; Lk. 3:21–22)

¹³Hadien kane U Jisu u la wan na Galilaia sha ka wah Jordan. U la wan sha u Ióannis, u da kwah ba u Ióannis un pynbaptis ia u. ¹⁴Hynrei u Ióannis u la pyrshang ban pynsangeh ia u. U Ióannis u la ong, “Balei ba me wan sha nga ban ioh pynbaptis? Ka dei ia nga ba yn pynbaptis da me!” ¹⁵U Jisu te u la jubab, “To shah mynta. Kumne ngi dei ban pyndep ia ka hok jong U Blei baroh.” Kumta u Ióannis u la mynjur ban pyndep.

¹⁶Kumta la pynbaptis ia U Jisu. Kumne kumne te haba u la mih noh na ka um, ka bneng ka la plie bad u la ióhi ia U Mynsiem U Blei ba u da wan hiar kum ka paro ha u. ¹⁷Ka sur na bneng ka la ong, “Une u dei U Khun jong nga, ia uba nga ieid. Nga da sngewbha eh ia u.”

Ka Jingpynshoi Ia U Jisu

(Mk. 1:12–13; Lk. 4:1–13)

4 ¹Hadien kane U Mynsiem u la ialam ia U Jisu sha ka ri khlaw. La ialam ia u shata khnang ban shah pynshoi ha u Soitan. ²Hadien ba U Jisu u la shah jingit sawphew sngi bad sawphew miet, u la sngew thngan eh. ³Te u Soitan u la wan ia ka ban pynshoi ia u bad u la ong, “Lada me long U Khun U Blei, ong ia kine ki maw ba kin kylla kpu.”

⁴U Jisu u la jubab ïa u, “Ka Jingthoh Bakhuid ka ong,

‘Ym tang da u kpu ba ki brieve ki lah ban im.

Ka jingim jong ki ka shong eh ha ka ktien kaba U Blei u kren.”

Deuteronomi 8:3

⁵Te u Soitan u la ïalam pat ïa U Jisu sha Jerusalem ka nongbah bakhuid bad u la buh ïa u ha kliar eh jong ka dong ka Templ. ⁶U la ong ïa U Jisu, “Lada me long U Khun U Blei, to ryngkoh shapoh, namar ka Jingthoh Bakhuid ka ong,

‘U Blei un hukum ïa ki angel jong u ban iarap ïa me,

bad kin rah ïa me ha ki kti jong ki, ba kumta men ym tyngkhuh ïa la ka kjat ha u maw.” *Salm 91:11-12*

⁷U Jisu u la jubab, “Ka Jingthoh Bakhuid ka ong ruh, ‘Men ym tynjuh ïa U Trai U Blei jong me.”

⁸Te hadien kane u Soitan u la ïalam pat ïa U Jisu sha kliar u lum ba jrong bad u la pyni ha u ïa ki hima jong ka pyrthei bad ïa kiei kiei kiba itynnad ha ka. ⁹U Soitan u la ong, “Lada men dem bad mane ïa nga, ngan ai ïa kine kiei kiei baroh ha me.”

¹⁰U Jisu u la ong ha u, “Khie leit noh na nga, me u Soitan! Ka Jingthoh Bakhuid ka ong,

‘Men mane tang ïa U Trai U Blei jong me.

Bad tang ïa u ruh men shakri!”

Deuteronomi 6:13

¹¹Kumta u Soitan u la iehnoh noh ïa u. Bad ki angel ki la wan sha U Jisu bad ki la shakri ruh ïa u.

U Jisu U Sdang ïa Ka Kam Jong U Ha Galilaia

(Mk. 1:14-15; Lk. 4:14-15)

¹²Te U Jisu u la ïohsngew ba la set byndi ïa u Ioannis, kumta u la leit phai pat sha Galilaia. ¹³Hynrei um shym la sah ha Nasaret. U la leit ban sah ha Kapernam, ka shnong hajan ka Duriaw Galilaia hajan ki phang ka Sabulon bad Naphtali. ¹⁴U la leh ïa kane khnang ban pyndep ïa kaei kaba u nongiathuhlypa Isaiaha u la ong:

¹⁵“To shahshkor, phi ka ri Sabulon bad Naphtali,

ki ri ha ka lynti bah sha ka duriaw, ki phang sha lyndet ka wah Jordan, ka Galilaia, ha kaba kiwei pat ki jaitbynriew ki shong.

¹⁶U paitlang ba la shong ha ka jingdum ba kynja mynsiem

ki la iohi ïa ka jingshai kaba khraw.

Ka jingshai ka tyngshaiñ na ka bynta kito kiba shong ha ka ri kaba dum tliw tliw kum ka syrngiew ka jingiap.” *Isaiah 9:1-2*

¹⁷Naduh kata ka por U Jisu u la sdang ban iathuh ïa u paidbah ïa la ka khubor: “To kylla kaba mut, namar ba ka hima U Blei ka long hajan eh mynta.”

U Jisu U Jied ïa Ki Nongbud

(Mk. 1:16-20; Lk. 5:1-11)

¹⁸Katba U Jisu u dang ïaid harud ka duriaw Galilaia, u la iohi ïa ki ar ngut shipara, ïa u Simon, ba la sin Petros bad ïa u Andriw u para jong u. Kine shipara ki la long ki nongtong dohkha bad ba ki dang ïatong dohkha da ki jar ha kata ka duriaw. ¹⁹U Jisu u la ong ïa ki, “To wan, bud ïa nga bad ngan pynlong ïa phi ki nongtong brieve.” ²⁰Kumta kumta hi u Simon bad u Andriw ki la iehnoh ïa la ki jar bad ki la bud ïa u.

²¹U Jisu u la nang ïaid harud ka duriaw Galilaia. U la iohi ïa ki ar ngut shipara, ïa u Jakob bad ïa u Ioannis, ki khun jong u Sebedi. Ki ruh ki la don ha la ka lieng bad la u kpa, u Sebedi. Ki dang pynkhreh ïa la ki jar ban tong dohkha. U Jisu u la ong ïa ki ban bud ïa u. ²²Ki ruh kumta kumta hi ki la iehnoh ïa la ka lieng bad ïa la u kpa bad ki la bud ïa U Jisu.

U Jisu U Hikai Bad U Pynkhiah ïa Ki Brieve

(Lk. 6:17-19)

²³U Jisu u la leit kylleng ka ri Galilaia. U da hikai ha ki synagog bad iathuh ïa ka Khubor Babha shaphang ka hima U Blei. Bad u da pynkhiah ïa baroh ki jingpang jingshitom jong ki brieve. ²⁴Te ka jingbna shaphang U Jisu ka la phriang sted kylleng ka Syria bad ki brieve ki la wallam ha u ïa kiba pang baroh. Kiba la shah pynjynjar da ki jait jingpang bad ki jingshitom ba har rukom. Don kiba shong ksuid, don kiba shitom na ka jingpang ring, don pat kiba pang ïapshiliang. Te U Jisu u la pynkhiah ïa ki baroh. ²⁵Te u paidbah ba bun u la bud ïa u, kiba na Galilaia, na Dekapolis, na Jerusalem, Judia bad kiba na sha shiliang ka wah Jordan.

U Jisu U Hikai Āa Ki Briew

(Lk. 6:20-23)

5 ¹Haba U Jisu u la iohi ĩa u paidbah hangta, u la kiew sha u lum bad u la shong hangta. Ki synran jong u ki la wan bad shong ha syndah jong u. ²Te U Jisu u la sdang ban hikai ĩa ki. U la ong,

³“Ka jingkyrkhu bakhraw ka long ĩa kito kiba sngewthuh ba ki duk ha ka mynsiem.

Ka hima U Blei ka long na ka bynta jong ki.

⁴ Ka jingkyrkhu bakhraw ka long ĩa kito kiba sngewsih;

naba U Blei un pyntngen ĩa ki.

⁵ Ka jingkyrkhu bakhraw ka long ĩa kito kiba jemnud;

naba kin ioh kynti ĩa ka khyndew.

⁶ Ka jingkyrkhu bakhraw ka long ĩa kito kiba thrang ban leh ĩa ka hok palat ban ĩa kiei kiei kiwei pat.

U Blei un ai ka jinghun ba dap biang ĩa ki.

⁷ Ka jingkyrkhu bakhraw ka long ĩa kito kiba isynei ĩa kiwei;

naba kin ioh ĩa ka jingisynei.

⁸ Ka jingkyrkhu bakhraw ka long ĩa kito kiba khuid ha ka dohnud;

naba kin ioh long lem bad U Blei.

⁹ Ka jingkyrkhu bakhraw ka long ĩa kito kiba wallam ĩa ka jingsuk;

naba yn khot ĩa ki, ki khun U Blei.

¹⁰ Ka jingkyrkhu bakhraw ka long ĩa kito kiba shah shitom haba ki leh ĩa ka hok;

naba ka hima U Blei ka long na ka bynta jong ki.

¹¹“Namar ba phi bud ĩa nga ki briew kin ibeiñ bad pynmong ĩa phi. Kin shukor bad kin kren sniew shaphang jong phi. Hynrei haba kin leh ĩa kata, to tip ba ki jingkyrkhu ba khraw ki long ki jong phi. ¹²To sngewkmen shaphang kata. To shadkmen ruh namar phi don ka nong kaba khraw kaba ap ĩa phi ha bneng. Ha kajuha rukom ki briew ki la leh sniew ĩa ki nongiathuhlypa kiba la im ha shuwa jong phi.

Phi Long Kum Ka Mluh Bad Ka Jingshai

(Mk. 9:50; 4:21; Lk. 14:34-35; 8:16)

¹³“Phi long ka mluh jong ka pyrthei. Hynrei lada ka mluh ka la duh noh ĩa ka jingmad, ym lah shuh ban pynbang ĩa ka sa shisien. Ka mluh ka long ka bym myntoi shuh lada

ka la duh noh ĩa ka jingmad. Yn bret noh ĩa ka shabar ha kaba ki briew kin iuh halor jong ka.

¹⁴“Phi long ka jingshai kaba tyngshaiñ ba ka pyrthei kan iohi. Phi long kum ka nongbah ba la tei halor jong u lum ka bymlah ban buhrieh. ¹⁵Ki briew kim ju buhrieh ĩa ka sharak hapoh u khiew. Ki buh ĩa ka halor jong u dieng pynieng sharak. Te ka jingshai ka pynshai na ka bynta baroh kiba hapoh ka iing. ¹⁶Ha kajuha rukom, phi dei ban long ka jingshai na ka bynta kiwei pat. To im kumta ba kin iohi ĩa ki jingleh babha jong phi bad kin iarah ĩa U Kpa jong phi uba ha bneng.

U Jisu Bad Ka Hukum

¹⁷“Wat tharai ba nga la wan ban pyndam noh ĩa ka Hukum u Moses lane ka jinghikai jong ki nongiathuhlypa. Nga la wan ym ban pyndam ĩa ka jinghikai jong ki hynrei ban pyndep ĩa ka jingmut jong ki. ¹⁸Nga pynskhem ĩa phi ba yn ym don ei ei ka ban jah noh na ka hukum tad haduh ba ka bneng bad ka khyndew hi kin leit noh. Wat iwei i dak rit ne i bynta barit eh jong ka hukum in ym duh noh tad ynda la pyndep ĩa ki baroh.

¹⁹“U briew u dei ban kohnguh ĩa baroh ki kyndon jong ka hukum, wat ĩa kita ki bym da i donkam. Uno uno uba kyntait ban kohnguh ĩa kano kano ka hukum bad u da hikai ĩa kiwei ban ym kohnguh ĩa ka un long u barit tam ha ka hima U Blei. Hynrei uno uno uba kohnguh ĩa ka hukum bad uba da hikai ruh ĩa kiwei ban kohnguh un long uba khraw ha ka hima U Blei. ²⁰Nga ong ĩa phi ba phi dei ban kham tam ban ĩa ki nonghikai jong ka hukum bad ĩa ki Pharisi. Lada ka jingleh jong phi ban pynsngewbha ĩa U Blei kam palat ban ĩa ka jong ki, phi ruh phin ym ioh leit rung sha ka hima U Blei.

U Jisu U Hikai Shaphang Ka Jingbitar

²¹“Phi la iohsngew ba la ong ĩa ki briew jong ngi na mynbarim, ‘Men ym pyniap. Bad jar uba pyniap yn bishar ĩa u.’ ²²Hynrei nga ong ĩa phi, wat khih bitar pyrshah iano iano. Lada phi bitar iano iano, yn bishar ĩa phi. Bad lada phi leh ibeiñ iano iano, yn bishar da ka iing bishar kaba ha khlieh. Bad lada phi khot iano iano u bieit, phi don ha ka jingma jong ka dujuk ding.

²³“Haba kumta, kumno te phin leh lada phi tyrwa ĩa ka jingainguh jong phi ha ka duwan bad ba phi da kynmaw ba mano-re-mano u don kaba pyrshah ĩa phi? ²⁴To ieh

ia ka jinganguh jong phi hangta bad leit ban ia suk shuwa bad uta u briew. Te sa wan ban tyrwa ia ka jinganguh jong phi.

²⁵“Lada uno uno u kwah ban tian bishar ia phi. To iasuk kloī lan bad ki. Pырshang ban leh ia kata ha shuwa ba phin poi sha ka iing bishar. Lada phim leh kumta, ki lah ban ai noh ia phi sha u nongbishar. Bad u nongbishar un aiti ia phi ha u nongap pahara, u ban sa thep ia phi sha ka iingbyndi. ²⁶Nga iathuh shai ia phi ba phin ym ioh mih noh nangta tad haduh ba phin da siew dep ia kiei kiei baroh.

U Jisu U Hikai Shaphang Ka Pop Klim

²⁷“Phi la iohsngew ba la ong, ‘Men ym klim.’ ²⁸Hynrei nga ong ha phi ba lada u briew u peit ia ka briew bad u kwah ban leh pop awria bad ka, u lah dep klim lypa ha la ka jingmut. ²⁹Lada ka khmat kamon jong me ka pynleh pop ia me, khlaw noh bad bret noh ruh ia ka. Kan khambha ban duh noh kawei ka bynta jong ka met ban ia kaba shah bret baroh kawei ka met sha dujok. ³⁰Lada ka kti kamon jong me ka pynleh pop ia me, ot noh bad bret noh ruh ia ka. Kan khambha ban duh noh kawei ka bynta jong ka met ban ia kaba baroh kawei ka met ka leit sha dujok.

U Jisu U Hikai Shaphang Kaba İayyllait Tnga

(Mt. 19:9; Mk. 10:11–12; Lk. 16:18)

³¹“La ong ruh, ‘Uno uno u ban pyllait noh ia la ka tnga u dei ban ai ka kot iayyllait tnga.’ ³²Hynrei nga ong ha phi ba uno uno uba pyllait noh ia la ka tnga, lait noh namar ka pop awria, u pynlong ia ka kaba rem na ka pop klim. Bad uno uno uba shongkurim ia ka, u ruh u long uba rem na ka pop klim.

U Jisu U Hikai Shaphang Ki Kular

³³“Phi la iohsngew ba la ong ha ki briew jong ngi mynbarim, ‘Haba phi pynlong ia ka jingsmai, phim dei ban pynkheñ ia la ka kular. Bat ia ka kular kaba phi la pynlong sha U Trai.’ ³⁴Hynrei nga ong ha phi, haba phi pynlong ia ka kular, wat pyrshang ban pynlong ia ka kaba teh da ka jingsmai. Wat pynlong ia ka jingsmai da kaba jer ia ka bneng, namar ka dei ka khet jong U Blei. ³⁵Wat pynlong ia ka jingsmai da kaba jer ia ka khyndew, namar ka khyndew ka long ka jong u ^a. Wat pynlong ia ka jingsmai da

kaba jer ia ka Jerusalem, namar ka long ruh ka jong u, uba long u syiem bakhraw. ³⁶Bad wat pynshisha ia la ka jingkular da kaba smai halor la ka khlieh; naba phim lah ban pynlieh ne pyniong ia uwei ruh u shñiuh ha ka khlieh. ³⁷Shu ong ‘hoodid’ lada phi mut shisha ‘hoodid’ bad ong ‘em’ lada phi mut ‘em’. Lada phi kren palat na kata, ka dei na uta uba bymman.

U Jisu U Hikai Shaphang Kaba İaleh Markylliang

(Lk. 6:29–30)

³⁸“Phi la iohsngew ba la ong, ‘Ka khmat namar ka khmat bad ka bniat namar ka bniat.’ ³⁹Hynrei nga ong ha phi, wat ialeh markylliang pyrshah ia uta uba thmu ban pynsnew ia phi. Lada ki thab ia phi na ka ngab kamon, ai kin thab ruh ia kawei pat ka ngab. ⁴⁰Lada uno uno u kwah ban tian bishar ia phi ha iingbishar bad ban shim noh ruh ia ka sopti lor jong phi, ai un shim noh ruh ia ka sopti poh jong phi. ⁴¹Lada uno uno u pynbor ia phi ban leit bad u shimer, leit bad u ar mer. ⁴²Ai ha uta uba pan ei ei na phi. Wat kyntait ban ia ia uta uba kwah ban pan kylliang na phi.

Ieid İa Ki Nongshun Jong Phi

(Lk. 6:27–28, 32–36)

⁴³“Phi la iohsngew ba la ong, ‘Ieid ia u para marjan jong phi bad shun ia u nongshun jong phi.’ ⁴⁴Hynrei nga ong ia phi, ieid ia ki nongshun. Duwai na ka bynta kiba leh sniew ia phi. ⁴⁵Lada phi leh ia kane, phin long da shisha kum U Kpa jong phi uba ha bneng. Uba pynlong ia ka sngi ba kan mih na ka bynta ki briew baroh, la ki long kiba bha ne kiba sniew. U phah ia u slap na ka bynta kita kiba leh hok bad kiba leh bymhok. ⁴⁶Lada phi ieid tang ia kito kiba ieid ia phi, balei phi khmih lynti ia ka nong? ⁴⁷Bad lada phi leh baba tang ia ki paralok jong phi, phim long khambha ban ia kiwei pat. Namar wat ki briew ki bymtip ia U Blei ki ruh ki leh bha ia la ki lok. ⁴⁸Kaei kaba nga mut ban ong ka long ba phi dei ban long janai, kumba U Kpa jong phi uba ha bneng u long uba janai.

U Jisu U Hikai Shaphang Ka Jingai

6¹“To sumar! Haba phi leh ei ei kaba bha, wat leh ia ka hakmat jong kiwei ba kin iohi. Lada phi leh kumta, phin ym ioh shuh ka nong na U Kpa jong phi uba ha bneng.

²“Haba phi ai sha kiba duk, wat ju put ronsing ha shuwa jong phi, kumba ki riew

^a 5:35ka khyndew ... jong u Katba kum ka tynrai ka dei, “ka jingñuh kjat jong u.”

arsap ki leh haba ki don ha ki synagog bad ki lynti bah, khnang ba ki brier kin iohi ia ki ba ki ai. Ki kwah ba baroh kin iaroh ia ki. Da shisha nga ong ha phi, ba tang kata hi kan long ka bainong ia ki.³ Kumta haba phi ai sha kiba duk, wat ai ba kiwei kin tip ia kaei kaba phi leh.⁴ Ka jingai jong phi ka dei ban long ha kaba rieh. U Kpa jong phi u lah ban iohi ia kaei kaba la leh ha kaba rieh bad un ainong ia phi.

U Jisu U Hikai Shaphang Kaba Duwai

(Lk. 11:2-4)

⁵“Haba phi duwai wat long kum ki riew arsap. Ki angnud ban ieng ha ki synagog bad ha ki lynti bah bad ban duwai jam. Ki kwah ba baroh kin iohi ia ki. Da shisha nga ong ha phi, ba tang kata hi kan long ka bainong ia ki.⁶ Hynrei haba phi duwai, phi dei ban rung shapoh ka kamra bad khang ruh ia ka jingkhang. Te sa duwai sha U Kpa uba don ha kata ka jaka kaba rieh bad uba iohi ruh ia kaei ba la leh ha kaba rieh bad un ainong ia phi.

⁷“Bad haba phi duwai, wat long kum ki Jentil kiba kren ia kajuh shi kajuh. Ki pyrkhata ba da kaba ki iai ong kumta, yn iohsngew ia ki.⁸ Wat long kum ma ki. U Kpa jong phi u tip kaei kaba phi donkam ha shuwa ba phin pan na u.⁹ Kumta phi dei ban duwai kumne:

‘Ko Kpa jong ngi uba ha bneng,
ai ba ka kyrteng jong Me kan long ba
la niiew kyntang,

¹⁰ bad ba ka hima jong me kan wan,
Ai ba ka mon jong me ruh yn pyndep
hangne ha pyrthei, kumba ka long
ha bneng.

¹¹ To ai ha ngi ka jingbam kaba man la ka
sngi.

¹² Mab ruh ia ki pop jong ngi,
kumjuh kumba ngi mab ia kita kiba
leh bymdei ia ngi.

¹³ To pyllait ia ngi na ka jingpynshoi,
bad sumar ruh ia ngi na uba uga
sniew. Namar ka hima bad ka
bor bad ka burom ki long ki jong
me na bymjukut sha bymjukut.
Amen.’

¹⁴ Hooiid, lada phi mab ia kiwei ia ki jingbakla kaba ki leh ia phi, te U Kpa jong phi uba ha bneng un mab ruh ia ki jingbakla jong phi.¹⁵ Hynrei lada phim mab ia kiwei, te U Kpa jong phi uba ha bneng un ym mab ruh ia ki jingbakla kiba phi leh.

U Jisu U Hikai Shaphang Kaba Shah Jingit

¹⁶“Haba phi shah jingit, wat leh mynleh sngewsih kum ki riew arsap. Ki imat sngewsih khnang ba ki brier kin iohi ba ki shah jingit. Da shisha nga ong ha phi, ba tang kata hi kan long ka bainong ia ki.¹⁷ Kumta haba phi shah jingit, bta ia la ka khmat bad pynitynnad ialade.¹⁸ Te yn ym don ba tip ba phi shah jingit, lait noh tang U Kpa jong phi, uba don bad phi ha kaba rieh bad uba iohi ruh ia kaei ba la leh ha kaba rieh bad un ainong ia phi.

Phim Lah Ban Shakri Ar Kynrad

(Lk. 12:33-34; 11:34-36; 16:13)

¹⁹“Wat kynshew spah na ka bynta ialade hangne ha ka pyrthei ha kaba ki khñiang bad ka sarang kin pynjot ia ki bad ki nongtuh kin phrung sha ka iing jong phi bad ban lute ia ki.²⁰ Pynban, to kynshew ia ka spah jong phi ha bneng, ha kaba ki khñiang lane ka sarang kim lah ban pynjot ia ki bad ki nongtuh kim lah ruh ban phrung bad ban lute ia ki.²¹ Namar ka dohnud jong phi kan don hangta ha kaba ka spah jong phi ka don.

²²“Ka khmat ka dei tang ma ka, ka thymmei jingshai na ka bynta ka met. Lada ka khmat jong phi ka khuid, ka met jong phi kan long kaba dap da ka jingshai.²³ Hynrei lada ka khmat jong phi ka dum, ka met jong phi kan long kaba dap da ka jingdum. Bad lada kata ka jingshai kaba ha phi ka kylla long jingdum, phi don ia ka jingdum kaba dum hi ngaiñ.

²⁴“Phim lah ban shakri ar kynrad ha kajuh ka por. Phin isih ia uwei bad phin eid ia uwei lane phin kohnguh ia uwei bad leh bym salia ia uwei. Phim lah ban shakri ia U Blei bad ka spah ha kajuh ka por.

Buh Ia Ka Hima U Blei Nyngkong

(Lk. 12:22-34)

²⁵“Te nga ong ha phi, wat pyrkhata khuslai shaphang kiei kiba phi donkam ban im, kum kaei phin bam, phin dih, lane phin phong. Ka jingim ka kham donkam ban ia ka jingbam bad ka met ka kham donkam ban ia kaei kaba phi phong.²⁶ Khmih ia ki sim. Kim thung, kim ot, lymne kim kynshew bam ha ki thiar, hynrei U Kpa ba ha bneng u bsa ia ki. Hato phim tip ba phi long khamkor ban ia ki baroh?²⁷ Phim lah ban pynjrung khyndiat ruh ia ka rta ka jingim jong phi da kaba khuslai.

²⁸“Bad ba balei phi khuslai shaphang ki jaiñphong? Khmih ia ki syntiew khlaw ha

ka lyngkha. Peit kumno ki san. Kim trei lymne thain na ka bynta ialade.²⁹Hynrei nga ong ha phi ba wad u Solomon, u syiem uba riewspah bad bakhrav, um shym la kup itynnad haduh katta katta kumba kup uwei na kine ki syntiew.³⁰Lada U Blei u pynlong ia uta uba mih ha ka lyngkha ba un long uba itynnad haduh katta katta, katno lei phi tharai un leh na ka bynta jong phi? U dei tang u phlang, mynta ka sngi u mih bad ha ka sngi kaba bud lah ban bret noh ia u ha ka ding. Hynrei lada U Blei u pynlong itynnad katta katta ia u, da shisha un leh khambun na ka bynta jong phi. Phi kiba rit ka jingngeit!

³¹“Wat pyrkhat khuslai bad ong, ‘Da ei ngin bam?’ lane ‘Da ei ngin dih?’ lane ‘Da ei ngin phong?’³²Kata ka dei kaei kaba ki Jentil ki ia pyrkhat. Wat khuslai, namar ba U Kpa jong phi uba ha bneng u tip ba phi donkam ia kita baroh.³³Kaei kaba phi dei ban kham thrang, ka dei ia ka hima U Blei bad ban leh ia kata kaba u mon eh ia phi ban leh. Te un sa ai ha phi ia kita kiwei pat kiba phi iadonkam.³⁴Kumta wat ia khuslai shaphang kaba lashai. Kawei pa kawei ka sngi ka don la ka jong ka jingkhuslai. Ka lashai ka don la ki jong ki jingkhuslai.

Sumar Shaphang Kaba Kynthoh ia Kiwei

(Lk. 6:37-38, 41-42)

7¹“Wat bishar ia kiwei bad U Blei un ym bishar ia phi.²Lada phi bishar ia kiwei, yn bishar ruh ia phi kumjuh. Kumba phi leh ia kiwei, yn leh ruh ia phi kumjuh.

³“Kumno phi iohi ia u thngiat uba don ha ka khmat u paralok jong phi, hynrei phim iohi pat ia la u khung uba don halade?⁴Balei phi ong ia la u lok, ‘Shah ia nga ba ngan sei noh ia uto u thngiat na ka khmat jong phi?’ Peit shuwa ialade nyngkong! Phi dang don u khung uba heh ha la ka khmat.⁵Phi long kiba arsap! nyngkong eh, sei shuwa ia u khung na la ka khmat. Te hangta phin sa iohi shai bha kumno ban sei ia u thngiat na ka khmat u paralok jong phi.

⁶“Wat ai ei ei kaba khuid sha ki ksew. Namar kin phai bad kin pynmysaw ia phi. Bad wat bret ia ki mawkordor sha ki sniang. Namar kin iuh ia ki ha la ki kajat.

Pan Na U Blei ia Kata Kaba Phi Donkam

(Lk. 11:9-13)

⁷“^aIai pan, te U Blei un ai ha phi. Iai wad, te phin sa shem. Iai tied, te yn sa plie ia phi.

⁸Hooiid, uno uno uba iai pan un iohpdang. Uno uno uba iai wad un shem bad uno uno uba iai tied yn plie ia ka jingkhang na ka bynta jong u.

⁹“Uno na phi uba don khun, lada u khun u pan ia u kpu, hato phin ai ia u da u maw?¹⁰Lane lada u pan dohkha, hato phin ai ia u da u bsein? Em, ym kumta!¹¹Ma phi kiba long bymman, hynrei phi tip ban ai kaba bha ia ki khun jong phi. Da shisha U Kpa jong phi uba ha bneng un ai ia kiei kiei kiba bha ha kito kiba pan na u.

Ka Jingkdeu Kaba Donkam Eh

¹²“Leh ia kiwei ia kata kaba phi kwah ba kiwei kin leh na ka bynta jong phi. Kane ka dei ka jingmut jong ka Hukum u Moses bad ka jinghikai jong ki nongiathuhlypa.

Ka Lynti Sha Bneng Bad Sha Dujuk

(Lk. 13:24)

¹³“Phi lah ban rung sha ka jingim kaba shisha tang lyngba ka khyrdop kaba khim. Ka khyrdop sha dujuk ka long kaba iar bad ka don ruh shibun ki lad ha ka lynti ban ialam shata. Shibun te ki brierw ki ialeit na kata ka lynti.¹⁴Hynrei ka khyrdop kaba plie sha ka lynti jong ka jingim ba shisha ka long kaba khim bad ka lynti kaba ialam shata ka long kaba eh ban bud. Tang khyndiat ki brierw kiba shem ia ka.

Aiu Ki Brierw Ki Pynpaw Shaphang Ialade

(Lk. 6:43-44; 13:25-27)

¹⁵“To sumar na ki nongiathuhlypa kiba lamler. Ki wan sha phi bad ki imat jemnud kum ki langbrot, hynrei ki long pynban ki suri ba pynjot.¹⁶Phin ithuh ia kine ki brierw na kaei kaba ki leh. Kiei kiei kiba bha kim ju wan na ki brierw kiba sniew, kumba ki soh wain kim wan na ki dieng sohshiah bad ki soh dumbur kim wan na ki diengshiah.¹⁷Ha kajuh ka rukom, uwei-pa-uwei u dieng uba bha u pynmih ia u soh uba bha bad u dieng uba sniew um lah ban pynmih ia u soh uba bha.¹⁸U dieng uba bha um lah ban pynmih ia u soh uba sniew bad u dieng uba sniew um lah ban pynmih ia u soh uba bha.¹⁹Baroh u dieng u bym pynmih ia u soh uba bha la khet noh ia u bad bret ruh sha ka ding.²⁰Phin ithuh ia kine ki brierw kiba lamler da kaei kaba ki leh.

²¹“Ym baroh kiba khot ia nga Ah Trai ki ban ioh leit rung sha ka hima U Blei. Ki brierw ki ban ioh leit rung ki dei kito kiba leh ia kaei kaba U Kpa ba ha bneng u kwah.²²Ha ka sngi ba khatduh shibun ki ban

khot ia nga Ah Trai. Kin ia ong ruh, 'Ah Trai, Ah Trai, da ka bor kaba ha ka kyrteng jong me ngi la ialap ia U Blei bad da ka kyrteng jong me ngi la beh noh ia ki ksuid bad leh ruh shibun ki kambah.'²³Te ngan ong ia kito ki briew da kaba shai, 'Khie leit noh na nga, phi kiba leh bymman. Ngam ju ithuh ia phi.'

Ar Ki Jait Briew

(Lk. 6:47-49)

²⁴"Uno uno uba iohsngew ia ki jinghikai jong nga bad uba kohnguh ia ki un long kum u briew uba stad uba tei ia la ka iing halor u mawsiang.²⁵U slap bajur u hap, ka jingshleu um ka la wan bad ka lyer ka la beh bad shoh ia kata ka iing. Hynrei kam shym la kyllon namar ba la tei ia ka halor u mawsiang.

²⁶"Uno uno uba iohsngew ia ki jinghikai jong nga bad u bym shym la kohnguh un long kum uto u briew uba bieit uba tei ia la ka iing halor u shyiap.²⁷U slap bajur u hap, ka jingshleu um ka la wan bad ka lyer ka la beh bad shoh ia kata ka iing. Te kata ka iing ka la kyllon da ka jingsawa kaba khraw."

²⁸Haba U Jisu u la dep ban kren, u paidbah u la sngewlyngngoh ia ka jinghikai jong u.²⁹Um shym la hikai kum ki nonghikai ka hukum. U la hikai kum uba don ia ka iktiar.

U Jisu U Pynkhiah Ia U Briew Uba Pang

(Mk. 1:40-45; Lk. 5:12-16)

8¹Te U Jisu u la wan hiar arsut na uta u lum bad u paidbah ba bun u la bud ia u.²Te u briew uba pang ñiangthohlieh u la wan sha u. Uta u briew u la dem khруп hakhmat U Jisu bad u la ong, "Trai, me don ka bor ban pynkhiah ia nga lada me mon."

³U Jisu u la ktah ia uta u briew. U la ong ruh, "Nga mon ban pynkhiah ia me. To long khiah!" Te kumne kumne la pynkhiah ia uta u briew na u ñiangthohlieh jong u.⁴Hadien kane U Jisu u la ong ia u, "Wat iathuh hano hano ia kaei kaba la jia. Hynrei leit bad shah ba u lyngdoh un khmih ia me. Bad to ai ia ka jinganguh kaba u Moses u la hukum na ka bynta ki briew kiba la iohkhiah. Kane kan pyni sha kiwei ba me la iohkhiah da shisha."

U Jisu U Pynkhiah Ia U Shakri U Rangbah Shipai

(Lk. 7:1-10; Io. 4:43-54)

⁵Te U Jisu u la leit sha ka nongbah Kapernam. Haba u la rung ha ka nongbah,

u rangbah shipai u la wan bad kyrpad jingiarap.⁶U da ong, "Kynrad, u shakri jong nga u pang eh ha la iing ha ka jingthiah. Um lah ban pynkhiah ia la ka met bad u don ha ka jingpang kaba jur."

⁷U Jisu te u la ong ha uta u rangbah shipai, "Ngan leit bad pynkhiah ia u."

⁸Uta u rangbah shipai u la jubab, "Kynrad, ngam long u babit kat haduh ba men wan rung ha ka iing jong nga. Me donkam tang ban shu ai hukum bad u shakri jong nga un sa iohkhiah.⁹Nga tip ia kane, namar nga sngewthuh ia la ka iktiar. Don kiwei pat kiba don ka bor halor jong nga bad nga don ia ki shipai hapoh ka iktiar jong nga. Nga ong ia uwei u shipai, 'Leit,' bad u leit. Nga ong ha uwei pat u shipai, 'Wan,' bad u wan. Nga ong ia u shakri jong nga, 'Leh ia kane,' bad u shakri jong nga u kohnguh ia nga."

¹⁰Haba U Jisu u la iohsngew ia kane, u la sngewphylla. U la ong ha kita kiba bad u, "Da shisha nga ong ha phi, une u briew u don ka jingngait kaba kham khraw ban ia uno uno u briew uba nga la shem, wat ha Israel hi.¹¹Shibun kin wan na mihngi bad na sepgi. Kine ki briew kin shong bam bad u Abraham, u Isaak bad u Jakob ha ka hima U Blei.¹²Bad kito kiba dei ban ioh ia ka hima yn bret noh ia ki shabar, sha kaba dum tliw tliw, ha kaba ki briew kin lynnaiar bad kyriat bniat ha ka jingkortit."

¹³Hadien kata U Jisu u la ong ia uta u rangbah shipai, "To khie leit noh sha la iing. U shakri jong me u la khiah katba kum ka jingngait jong me." Ha kata hi ka por u shakri jong u, u la iohkhiah.

U Jisu U Pynkhiah Ia Ki Briew

(Mk. 1:29-34; Lk. 4:38-41)

¹⁴Te U Jisu u la leit sha ka iing jong u Petros. U la iohi ba ka kiaw kurim jong u ba ka don ha ka jingthiah namar ka jingpang khieshoh kaba jur.¹⁵U la ktah ia ka kti jong ka bad ka khieshoh ka iehnoh ia ka. Te ka la ieng joit bad ka la sdang ban shakri ia u.

¹⁶Ha kata ka janmiet ki briew ki la wallam sha U Jisu ia kiba bun kiba shong ksuid ha ki. U la kren da ka ktien bad ki ksuid ki la mih noh na ki. U la pynkhiah ruh ia baroh kiba pang ba shitom.¹⁷Kumta U Jisu u la pyndep ia kaei kaba u Isaiah u nongiathuhlypa u la ong:

"U la shim noh ia ki jingpang jong ngi bad u la bah noh ia ki jingshitom jong ngi."

Isaiah 53:4

Kaba Bud İa U Jisu*(Lk. 9:57–62)*

¹⁸Haba U Jisu u la İohi İa u paidbah ba bun sawdong jong u, u la ong İa İa ki synran jong u ban leit noh sha shiliang jong kata ka duriaw. ¹⁹Te u nonghikai ka hukum u la wan sha u bad u la ong, “Ko Nonghikai, ngan bud İa me shano shano ba me leit.”

²⁰U Jisu u la ong ha u, “Ki myrsiang ki don ki thliw ban shong. Ki sim ki don ki skum. Hynrei U Khun u Briew um don ka jaka ban shongthait.”

²¹Uwei pat na ki nongbud U Jisu u la ong ha u, “Ko Trai, ngan bud İa me, hynrei shah İa nga ban leit bad ban tep shuwa İa u kpa jong nga.”

²²Hynrei U Jisu u la ong ha u, “To bud İa nga bad ai kito kiba İap kin tep İa la kiba İap.”

Ki Nongbud U Jisu Ki İohi İa Ka Bor Jong U*(Mk. 4:35–41; Lk. 8:22–25)*

²³Te U Jisu u la kiew ha ka lieng bad ki synran jong u ki la leit lem bad u. ²⁴Hadien ba ka lieng ka mih na ka rud duriaw, ka eriong kaba jur ka la beh ha ka duriaw. Ki jingatphyllung ki la tap İa ka lieng, hynrei U Jisu u la İohtiah lyngngai. ²⁵Ki synran ki la leit sha u bad ki la kyrsew İa u. Ki la ong, “Kynrad, pynim İa ngi! Ngin sa ngam jyllop!”

²⁶U Jisu u la jubab, “Balei ba phi İa sheptieng? Hato phim don jingngeit?” Haba u la İeng joit bad u la hukum İa ka lyer bad İa ka um. Ka lyer ka la sangeh bad ka duriaw ruh ka la long jai jai.

²⁷Ki te ki la İa sngewlyngngoh. Ki la İa ong, “U briew uba kumno ne? Wat ka lyer bad ka um ki kohnguh İa u!”

U Jisu U Beh Noh İa Ki Ksuid Na Ki Ar Ngut Ki Briew*(Mk. 5:1–20; Lk. 8:26–39)*

²⁸Te U Jisu u la poi sha shiliang jong ka duriaw ha ka ri jong ki nong Gadara. Hangta, ar ngut ki briew kiba shong ksuid ki la wan sha u. Ki shong ha ki krem lum jingtep bad ki la long kiba shyrkhei katba ym don ba nud ban İaid lynti na khmat jong kita ki krem. ²⁹Ki la wan sha U Jisu bad ki la pyrta, “Me donkam aiu bad ngi, Khun U Blei? Hato me la wan shane ban pynshitom İa ngi ha shuwa ka por?”

³⁰Hajan kata ka jaka la don shi kynhun bah ki sniang kiba dang İabam. ³¹Ki ksuid te ki la kyrpad İa U Jisu, “Lada me pynmih İa ngi na kine ki briew, sngewbha phah İa ngi sha kitai ki shi kynhun ki sniang.”

³²U Jisu u la ong İa ki, “Khie leit!” Kumta kita ki ksuid ki la mih na kita ki briew bad ki la leit ban rung ha kita ki sniang. Te kata ka kynhun jong kita ki sniang ki la mareh arsut sha kata ka duriaw bad baroh ki la İap jyllop. ³³Kita ki briew kiba sumar İa kita ki sniang ki la phet bran nangta. Ki la leit sha shnong bad ki la İathuh İa kata baroh kaba la jia, khamtam shaphang kita ki briew kiba la shong ki ksuid ha ki. ³⁴Te baroh shi shnong ki la leit ban İakynduh İa U Jisu. Haba uta u paidbah u la İohi İa u, ki la kyrpad İa u ban mih noh na ki phang jong ki.

U Jisu U Pynkhiah İa U Briew Uba Dkoh*(Mk. 2:1–12; Lk. 5:17–26)*

9¹Te U Jisu u la kiew ha ka lieng bad u la leit pat sha shiliang jong ka duriaw sha la shnong. ²La don te ki briew kiba la wallam ha u İa u briew uba pang İapshiliang bad u da thiah ha ka jingthiah. U Jisu u la İohi ba kita ki briew ki don shisha ka jingngeit. Kumta u la ong ha uta uba pang İapshiliang, “Ko samla, men sngewkmen haba men İohsngew İa kane. La mab noh İa ki pop jong me.”

³Katto katne na ki nonghikai ka hukum ki la İohsngew İa kaei kaba U Jisu u la ong. Ki la İa pyrkhathalade, “Ka dei ka jingkren beİn Blei kaba une u briew u la kren!”

⁴U Jisu u la tip İa kaei kaba ki İa pyrkhath. Kumta u la ong, “Balei ba phi İa pyrkhath İa kiba kum kine ki jingpyrkhath kiba sniew?”

^{5–6}U Khun U Briew u don İa ka bor ha ka pyrthei İa ka ban mab noh İa ki pop. Hynrei da kumno ngan pynshisha sha phi İa kane? Lehse phi İa pyrkhath ba ka kham suk İa nga ban ong, ‘İa ki pop jong me la mab noh.’ Namar kam shym don kano kano ka jingpynshisha ba ka jia da shisha kumta. Hynrei kumno te lada nga ong İa une u briew, ‘İeng joit bad İaid? Te hangta phin İohi ba nga don shisha İa ka bor.’ Kumta U Jisu u la ong İa uta uba pang İapshiliang, ‘İeng joit, rah noh ruh İa ka jingthiah jong me bad to leit noh sha la İing.’

⁷Uta u briew u la İeng joit bad u la leit noh ruh sha la İing. ⁸Te ki briew kiba la İohi İa kane ki la İa sngewlyngngoh. Ki la İaroh İa U Blei namar ba u la ai İa kaba kat kata ka bor ha ki briew.

U Mathaios U Bud İa U Jisu*(Mk. 2:13–17; Lk. 5:27–32)*

⁹Haba U Jisu u la mih noh nangta, u la İohi İa u briew uba kyrteug u Mathaios u da shong ha ka jaka lum khajna. U Jisu u la

ong ia u, “To bud ia nga.” Kumta hi u la ieng joit bad u la bud ia U Jisu.

¹⁰Te U Jisu u la shongbam ha ka iing jong u Mathaios. Shibun te ki nonglum khajna bad kiwei pat ki bym don ia ka nam kaba bha ki la ia shongbam bad u lem bad ki synran jong u ruh. ¹¹Ki Pharisi ki la iohi ba U Jisu u iabam lem bad kine ki brier. Ki la ia kylli na ki synran jong u, “Balei ba u nonghikai jong phi u iabam lem bad ki nonglum khajna bad kiwei pat ruh ki nongpop?”

¹²U Jisu u la iohsngew ba ki ia ong ia kane. Kumta u la ong ha ki, “Dei kiba pang kiba donkam ia u nongpynkhiah, ym kiba khiah. ¹³Phi donkam ban tip ka Jingthoh Bakhuid ka mut aiu haba ka ong: ‘Ngam kwah ia ki jingknia da ki mrad; Nga kwah ia phi ban pyni ia ka jinglehsbun ia ki brier.’ Ngam shym la wan ban khot ia kiba bha. Nga la wan ban khot sngewbha ia ki nongpop.”

U Jisu Um Long Kum Kiwei Pat Ki Nongialam Niam

(Mk. 2:18–22; Lk. 5:33–39)

¹⁴Hadien kane ki nongbud jong u Iöannis ki la wan sha U Jisu bad ki la ong, “Ma ngi bad ki Pharisi bunsien ngi ia shah jingit, hynrei ki synran jong me kim ju shah jingit. Balei?”

¹⁵U Jisu u la jubab, “Ha ka jingkhawai kyntiew kurim ki paralok jong u nongleitkurim kim ju leh sngewsih katba u dang don bad ki. Kumta kim lah ban shah jingit. Hynrei ka por kan sa wan ba ia u nongleitkurim yn sa shim noh na ki. Hangta te kin sa shah jingit.

¹⁶“Haba uno uno u suh syrdep ia ka jingkad jong ka sopti lor, kim ju pyndonkam da ka jaiñ syrdep kaba thymmai. Lada ki leh kumta, kata ka jaiñ syrdep kan ran bad kan tan noh ia kata ka sopti lor. Hangta ka jingkad kan long kaba kham heh. ¹⁷Ruh, ki brier kim ju theh ia ka waiñ thymmai ha ki lywa sniehwaiñ kiba rim. Ki lywa snieh kiba rim kin kad, ka waiñ kan sa hoit lut sharud bad ki lywa sniehwaiñ kin jot noh. Ki brier borabor ki buh ia ka waiñ thymmai ha ki lywa sniehwaiñ kiba thymmai, ka ban ym jot bad ka waiñ ka iaisah kaba bha.”

U Jisu U Pynim Ia Ka Khynnah Kaba La Iap Bad U Pynkhiah Ia Ka Brier Kaba Pang

(Mk. 5:21–43; Lk. 8:40–56)

¹⁸Katba U Jisu u dang iakren, uwei u nongialam ka synagog u la wan sha u. Uta u nongialam u la dem mane hakhmat jong

u bad u la ong, “Ka khun jong nga ka dang shu lah iap. Hynrei lada men wan ban buh kti ia ka, kan im pat.”

¹⁹Kumta U Jisu bad ki nongbud jong u ki la leit bad uta u brier.

²⁰Ha ka lynti, la don ka brier kaba la pang mih snam la khatar snem. Ka la wan hajan U Jisu bad ka la ktah ia ki tduh ka jaiñkup jong u. ²¹Ka la pyrkhath, “Lada lah tang ban shu ktah ia ka sopti lor jong u, ngan sa iohkhiah.”

²²U Jisu u la phai bad u la iohi ia kata ka brier. U la ong, “To sngewkmen, ko ka brier. La pynkhiah ia pha namar ba pha la ngeit.” Kumta hi ka la iohkhiah.

²³U Jisu u la bteng pat ban leit bad uta u nongialam Jiw bad u la rung shapoh ka iing jong u. U la iohi hangta ia ki nongphawar iap brier. Bad u la iohi ruh ia u paidbah ba ki da ia iam lynfiar. ²⁴U Jisu u la ong, “Khie leit noh. Ka khynnah kam shym iap. Ka shu iohthiah.” Hynrei kita ki brier ki la ia rkhie beiñ ia u. ²⁵Hadien ba la pynmih noh ia kita ki brier shabar ka iing, U Jisu u la leit shapoh ka kamra jong kata ka khynnah. U la bat ia ka kti jong kata ka khynnah bad kata khynnah ka la ieng joit. ²⁶Ka khubor shaphang kane ka la phriang kylleng kata ka thaiñ.

U Jisu U La Pynkhiah Ia Shibun Ki Brier

²⁷Katba U Jisu u dang leit noh nangta, ar ngut ki brier kiba matlah ki la bud ia u. Ki la pyrta jam, “To isynei ia ngi, ko Khun u Dabid.”

²⁸Te U Jisu u la rung shapoh iing bad kita ki brier kiba matlah ki la leit lem bad u. U la kylli ia ki, “Phi ngeit ba nga lah ban pynpeit ia ki khmat jong phi.” Ki la jubab, “Hoooid, Trai, ngi ngeit.”

²⁹Te U Jisu u la ktah ia ki khmat jong ki bad u la ong, “Namar ba phi ngeit ba nga lah ban pynpeit ia phi, to ai kan long kumta ha phi.” ³⁰Hangta hi kita ki brier ki la lah ban iohi. U Jisu u la maham tyngeh ia ki. U da ong, “Wat iathuh hano hano shaphang kane.” ³¹Hynrei ki la mih bad ki la pynbna khubor shaphang U Jisu kylleng kita ki thaiñ.

³²Katba kine ki ar ngut ki dang leit, la don kiwei pat ki brier kiba la wallam ia uwei u brier sha U Jisu. Une u brier um lah ban kren namar u don u ksuid hapoh jong u. ³³U Jisu u la beh noh ia uta u ksuid bad uta u brier u la lah ban kren. Te ki brier ki la sngewlyngngoh bad ki la ia ong, “Ngim ju iohi kum kane ha Israel.”

³⁴Hynrei ki Pharisi ki la ong, “Dei u nongsynshar jong ki ksuid uba la ai bor ia u ban beh noh ia ki ksuid.”

U Jisu U La Sngewsynei Ia U Paidbah

³⁵U Jisu u la leit kylleng ki nongbah bad ki nongrit. U da hikai ha ki synagow bad u la iathuh ha ki ia ka Khubor Babha jong ka hima U Blei. U da pynkhiah ia kiba bun ki jingpang bad jingshitom. ³⁶Haba U Jisu u la iohi ia u paidbah u la sngewsynei na ka bynta jong ki namar ki la long kiba tlot bad khlem nongiarap—kum ki langbrot khlem u nongsharai. ³⁷U Jisu u la ong ia la ki synran, “Ka don ka jingot kaba khraw katta katta kaba dei ban wallam shapoh, hynrei don tang khyndiat ki nongot. ³⁸U Blei u long u kynrad jong ka jingot. Pan na u ban phah shuh shuh ia ki nongtrei ban iarap ban lum ia ka jingot jong u.”

U Jisu U Phah Ia Ki Apostol Sha Ka Kam

(Mk. 3:13–19; 6:7–13; Lk. 6:12–16; 9:1–6)

10Te U Jisu u la khot ia ki khatar ngut ki synran jong u halade. U la ai ha ki ia ka bor halor ki mynsiem bymman bad ia ka bor ban pynkhiah ia baroh ki jait jingpang bad jingshitom. ²Kine ki long ki kyrteng jong ki khatar ngut ki apostol:

U Simon, ba la khot ruh u Petros,
U Andriw, u para jong u Petros,
U Jakob, U Khun jong u Sebedi,
U Ioannis, u para jong u Jakob,

³U Philip,
U Bartholomai,
U Thomas,
U Mathaios, u nonglum khajna,
U Jakob, u khun jong u Alphaios,
Thaddaios,

⁴U Simon, uba shitrhem,^a
U Judas Iskariot, uta uba la aiti noh ia
U Jisu ha ka kti kiba shun ia U Jisu.

⁵Te U Jisu u la phah ia kine ki khatar ngut ryngkat bad kine ki jingbtah: “Wat leit sha ki Jentil, lymne sha ki nong Samaria. ⁶Hynrei leit sha u paid Israel, naba ki long kum ki langbrot kiba la jah noh. ⁷Kat shaba phi leit iathuh ha ki ia kane: ‘Ka hima U Blei ka la hajan eh mynta.’ ⁸Pynkhiah ia kiba pang bad ia kiba pang niangthohlieh. Pynim ia kiba ia. Beh noh ruh ia ki ksuid na ki brieve. Nga la ai ei ia ka bor ha phi,

kumta to iarap ei ia kiwei. ⁹Wat rah pisa bad phi, ka ksiar ne ka rupa lymne ka tama. ¹⁰Wat rah pla, lait noh tang ia ki jaiñ bad ki juti ba phi phong. Wat rah ruh bad phi ia u diengduh. U nongtrei u dei ban ioh ia kata baroh kaba u donkam

¹¹“Haba phi rung hapoh ka nongbah ne ka shnong, wad ia u brieve uba dei bang bad to shong bad u haduh ba phin da mih noh. ¹²Haba phi rung hapoh kata ka iing, ong, ‘Long ka jingsuk ia phi.’ ¹³Lada ki brieve hapoh jong kata ka iing ki pdiang sngewbha ia phi, ki long kiba dei hok ban ioh ia kata ka jingsuk bad to ai ba kata kan long ha ki. Hynrei lada kim pdiang ia phi, kim long kiba bit ban ioh ia ka bad ka jingsuk kan wan phai biang sha phi. ¹⁴Bad lada ki brieve ha kata ka iing ne ka shnong ki kyntait ia ka ban pdiang sngewbha ne wat ban shahshkor ia phi, to mih noh na kata ka jaka bad to kynthner noh ruh wat ia ka khyndew na ki pohjat jong phi. ¹⁵Da shisha nga ong ha phi, ba ha ka sngi jingbishar kan long kham shyrkhei ia kata ka shnong ban ia ka Sodom bad Gomorra.

U Jisu U Maham Shaphang Ki Jingjynjar

(Mk. 13:9–13; Lk. 21:12–17)

¹⁶“To sngew! Nga phah ia phi kum ki langbrot hapdeng ki suri. Kumta to long kiba sian kum ki bseñ. Hynrei kiba shida kum ka paro ki ban ym pynmong iano iano ruh. ¹⁷To husiar! Kin don ki ban kem bad ialam noh ia phi sha ki nongbishar bad sympat ruh ia phi ha ki synagow jong ki. ¹⁸Yn pynieng ia phi hakmat ki lat bad ki syiem. Ki brieve kin leh ia kane ia phi namar ba phi bud ia nga. Phin phla shaphang jong nga hakmat ki syiem bad ki lat bad sha ki Jentil. ¹⁹Haba la kem ia phi, wat khuslai ia kaei lane kumno ba phin ong. Yn ai ha phi ha kata ka por ia ki kyntien ban ong. ²⁰Te ym ma phi shuh ki ban kren; hynrei U Mynsiem jong U Kpa jong ym u ban kren lyngba jong phi.

²¹“Ki para kin ialeh pyrshah ia la ki para bad kin aiti noh ia ki ia ka ban pyniap. Ki kpa ruh ia la ki khun bad ki khun kin ialeh pyrshah ia la ki kmie ki kpa bad kin ai noh ruh ia ki ia ka ban pyniap. ²²Baroh kin shun ia phi namar ba phi bud ia nga. Hynrei kita ki ban iaineh haduh kaba kut kin iohlait im. ²³Haba phi shah leh bymdei ha kawei ka nongbah, leit noh sha kawei pat ka nongbah. Nga ong ha phi ba phin ym lah ban pyndep ha kaba leit sha baroh

^a10.4 shitrhem U dkhot ba shit rhem jong kawei na ki kynhun saifñhima sima ha kato ka por.

ki nongbah ha Israel ha shuwa ba U Khun u Briew un wan pat.

²⁴“Kiba shah hikai kim long halor ban ia ki nonghikai jong ki. Ki shakri ruh kim long halor ia la ki kynrad jong ki. ²⁵Kiba shah hikai ki dei ban sngewhun ba la n̄iew ia ki kumjuh kumba ia ki nonghikai. Bad ki shakri ruh kumjuh haba la leh ia ki kumta kum ia ki kynrad. Lada ia nga uba long U Khlieh jong ka iing ki khot ‘u nongsynshar ki ksuid,’ te ka long thikna bha ba kin kren bein ruh kumta ia phi, ki dkhot ka longiing!

Sheptieng İa U Blei, Ym İa Ki Briew

(Lk. 12:2-7)

²⁶“Kumta wat sheptieng ia ki briew. İa kata baroh kaba la buhrieh yn sa pynpaw tyngkrein. Baroh kata kaba rieh yn sa thad madan. ²⁷Nga la ong ha phi ia kane ha kaba rieh, hynrei nga kwah pat ba phin pynbna paidbah ia ka. Kaei kaei kaba nga ong ha phi ha kaba jar jar, phi dei ban pyrta ba baroh kin iohsngew.

²⁸“Wat sheptieng ia ki briew. Ki lah ban pyniap tang ia ka met, hynrei ym ia ka mynsiem. Hynrei to sheptieng ia U Blei, uba lah ban pynjot ia ka met bad ia ka mynsiem jong phi ha dujok. ²⁹Wat lada ar tylli ki sim rit ki shongdor tang ar naia, pynban kin ym iap khlem ka jingtip U Kpa. ³⁰Kumjuh ruh U Blei u tip katno tylli ki shniuh ki don ha ka khlieh jong phi. ³¹Kumta te wat sheptieng. Phi kham kor khambun shah ia ka shi kynhun ki sim.

Wat Sngewlehraiñ İa La Ka Jinggeit

(Lk. 12:8-9)

³²“Lada phi ieng hakhmat kiwei bad long la kloï ban phla ba phi ngeit ha nga, te nga ruh ngan phla hakhmat U Kpa jong nga uba ha bneng ba phi long ki jong nga. ³³Hynrei lada phi ieng hakhmat kiwei bad ba phi phla ba phim ngeit ia nga, te nga ruh ngan ong hakhmat U Kpa jong nga uba ha bneng ba phim long ki jong nga.

Kaba Bud İa U Jisu Ka Lah Ban Wanrah Jingeh İa Phi

(Lk. 12:51-53; 14:26-27)

³⁴“Wat pyrkat ba nga wallam ka jingsuk ha ka pyrthei. Ngam shyam la wallam jingsuk hynrei ia ka jingeh. ³⁵Nga la wan ba kane kan jia:

‘Ba u khun un ialeh ia la u kpa.

Ka khun ia la ka kmie.

Ka pyrta kurim ia la ka kiaw kurim.

³⁶ Wat ki dkhot ka longiing la jong kin long ki nongshun jong phi.’

Mikah 7:6

³⁷“Kita kiba ieid ia la u kpa bad ia la ka kmie khambun ban ia kaba ki ieid ia nga kim long kiba bit ban ioh ia nga. Bad kita kiba ieid ia ki khun khambun ban ia kaba ki ieid ia nga kim long kiba bit ban ioh ia nga. ³⁸Kita ki bymbah ia ka diengphna ba la ai sha ki ban bud ia nga kim long kiba bit ban ioh ia nga. ³⁹Kita kiba pyrshang ban ri ia la ka jingim kin duh ia ka, hynrei kita ki ban duh noh ia la ka jingim na ka bynta jong nga kin shem ia ka jingim kaba shisha.

U Blei Un Kyrkhu İa Kiba Pdiang Sngewbha İa Phi

(Mk. 9:41)

⁴⁰“Uno uno u ban pdiang ia phi u pdiang ia nga ruh bad uno uno uba pdiang ia nga u pdiang ia uta uba la phah ia nga. ⁴¹Uno uno uba pdiang ia u nongiathuhlypa namar ba u dei u nongiathuhlypa un ioh ia ka nong kaba u nongiathuhlypa u ioh. Bad uno uno uba pdiang ia u briew uba riewblei un ioh ia kajuh ka nong kaba u briew uba riewblei u ioh. ⁴²Uno uno u ban iarap ia iwei na kine kiba rit namar ba ki long ki synran jong nga da shisha kin ioh ia la ka nong, wat lada ki ai tang shi khuri ka um khriat ha ki.”

U İoannis U Phah İa Ki Briew Sha U Jisu

(Lk. 7:18-35)

11 ¹Haba U Jisu u la dep ban bthah ia ki khatar ngut ki synran jong u, u la mih noh nangta. Te u la leit sha ki shnong ha Galilaia ban hikai ia ki briew bad ban iathuh ha ki ia ka khubor U Blei.

²Mynba u İoannis u la don ha iingbyndi, u la iohsngew ia kaba la jia baroh—kita kiei kiei kiba U Khrist un leh. Kumta u la phah katto katne na ki synran jong u sha U Jisu. ³Ki la kylli ia u, “Hato me dei uta ia uba ngi la iaï ap khmih lynti, ne ngin ia ap ia uwei pat?”

⁴U Jisu u la jubab, “Khie leit iathuh ha u İoannis ia kaei kaba phi la iohsngew bad iohi: ⁵Kiba matlah ki peit. Kiba dkoh ki iaïd. Kiba pang niangthohlieh ki khiah. Kiba kyllut ki iohsngew. Kiba iap ki im pat bad ia ka Khubor Babha la ialap sha kiba duk. ⁶Ka jingkyrkhu kaba khraw ka long ia kito ki bym don jingeh ban pdiang ia nga.”

⁷Haba ki synran u İoannis ki la mih, U

Jisu u la sdang ban iakren bad u paidbah shaphang u Ióannis. U la ong, “Ia ka ban lei ba ki briew ki leit sha ri khlaw ban jngoh? Ia uba tlot, kum u jyntang phlang ba la beh da ka lyer?”⁸Da shisha, phi khmih lynti ban iohi aiu? Ia kiba kup da ki jaiñ linen bani? Em, ym kumta. Ki briew kiba kup ia ki jaiñ linen bani ki don ha ki iing syiem.⁹Haba kumta phi ialeit mih ban iohi iano? Ia u nongiathuhlypa? Hooïd, u Ióannis u long u nongiathuhlypa. Hynrei nga ong ha phi, u long kham palat ban ia kata.¹⁰Ia kane ka Jingthoh Bakhuid la thoh shaphang jong u:

‘To shahshkor! Ngan phah ia u
nonglamktien jong nga ha
shuwa jong me.

Un pynkhreh ia ka lynti na ka bynta
jong me.’ *Malakhi 3:1*

¹¹“Da shisha nga ong ha phi, ba u Ióannis u Nongpynbaptis u long uba kham khraw ban ia uno uno uba la wan sha ka pyrthei. Hynrei uta uba rit tam eh ha ka hima U Blei u kham khraw ban ia u Ióannis.¹²Naduh ka por u Ióannis u Nongpynbaptis haduh mynta, ka hima U Blei ka la nang iaid shaphrang ha ka bor bah. Bad ki briew ki la iai pyrshang ban kurup ruh ia ka da ka bor.¹³Ha shuwa ba u Ióannis un wan, ka Hukum u Moses bad baroh ki nongiathuhlypa ki la iathuh ba kane kan sa jia.¹⁴Bad lada phi ngeit ia kaei kaba ki kren, u Ióannis u dei uta u Elijah. U dei ma u, uta ia uba ki la ong ba un sa wan.¹⁵Phi ki paidbah to sngew ia nga, to shahshkor ruh!¹⁶“Kaei ngan ong shaphang ki briew kiba im ha kine ki sngi? Ki long kum kiei? Ki long kum ki khynnah kiba shong ha ki jaka iew. Kawei ka kynhun jong ki khynnah ka khot ia kawei pat ka kynhun,

¹⁷‘Ngi put ia ki tangmuri sha phi,
hynrei phim shym la shad;
ngi rwai ia ki jingrwai shempap,
hynrei phim shym la sngewsih.’

¹⁸Balei ba nga ong ba ki briew ki long kumta? Namar haba u Ióannis u wan, u bym shym la bam lane dih kum kiwei pat, ki briew ki ia ong, ‘U dei uba shong ksuid.’¹⁹U Khun u Briew u wan u iabam iadih, ki briew ki ia ong, ‘Khmih ia u! U bam bad dih waiñ lalot. U lok jong ki nonglum khajna bad ki nongpop.’ Hynrei ia ka jingstad la pynpaw ba ka long kaba dei da kaei kaba ka leh.”

U Jisu U Maham Ia Ki Briew Kiba Kyntait Ban Ngeit

(Lk. 10:13–15)

²⁰Te U Jisu u la kynthoh ia ki shnong ha kiba u la leh shibun ki kambah, namar ki briew hangta kim shym treh ban kylla kaba mut bad ban sangeh na kaba leh pop.²¹U Jisu te u la ong, “Kan long kaba shyrkhei na ka bynta jong pha Khorasin! bad Bethsaida! Lada ia kine kijuh ki kambah la leh ha Tyros bad Sidon, ki briew hangta kin jin da la kup da ka jaiñ byrni bad sleh da u dpei kum ka dak jong ka jingsngewsih namar la ki pop bad kin jin da la kylla kaba mut ruh la mynslem bah.²²Hynrei nga ong ha pha, ba ha ka sngi jingbishar kan long kham shyrkhei ia pha ban ia ka Tyros bad Sidon.

²³“Bad ia pha ruh, Kapernam, hato yn kyntiew ia pha sha bneng? Da lei lei ruh em! Pynban yn bret arsut ia pha sha ka jaka jong ka jingiap. Nga la leh shibun ki kambah ha pha. Lada kine kijuh ki kambah kin jia ha Sodom, ki briew hangta kin jin da la sangeh na kaba leh pop bad ka nongbah kan jin da la sah haduh kine ki sngi.²⁴Hynrei nga ong ha pha, ba ha ka sngi jingbishar kan long kham shyrkhei ia pha ban ia ka Sodom.”

U Jisu U Tyrwa Ia Ka Jingjahthait Sha La Ki Briew

(Lk. 10:21–22)

²⁵Te U Jisu u la ong, “Nga iarah ia me, Ko Pa, U Trai jong ka bneng bad ka khyndew namar me la buhrieh ia kine kiei kiei na kiba stad, hynrei me la pynpaw ia ki sha kita kiba long kum ki khynnah rit.²⁶Hooïd, Ko Pa, me la leh ia kane namar kata ka long kaei kaba me la jied ban leh da shisha.²⁷“U Kpa jong nga u la ai ha nga ia kiei kiei baroh. Ym don ba ithuh ia U Khun, tang U Kpa bad ym don ba ithuh ia U Kpa, tang U Khun. Bad kita ki ban ithuh ia U Kpa ki dei tang kita ia kiba U Khun u la jied ban pynithuh.

²⁸“Wan ha nga phi baroh kiba thait namar kata ka jingkit ba khia ba la tynrong jubor ha phi, ngan ai ha phi ia ka jingjah thait.²⁹Pdiang ia ka jinghikai” jong nga. To nang ruh na nga. Nga long uba jemnd bad sngewrit ha ka mynsiem. Bad phin ioh ia ka jingjahthait.³⁰Da shisha, ka jinghikai

^a **11:29 Pdiang ia ka jinghikai** Katba kum ka tynrai ka dei, “Shim ia ka lyngkor jong nga ha phi.” Ia ka lyngkor la ju buh ha ka ryndang jong ki mrad ban tan ia ka jingkit. Ha ki jiw ka dei ka dur jong ka hukum. Peit ruh Ki Kam 15:10; Gal. 5:1.

kaba phin iohpdiang ka long kaba suk bad ka jingkit kaba ngan ai ka long kaba sting.”

U Jisu U Trai Ka Sngi Sabbaton

(Mk. 2:23–28; Lk. 6:1–5)

12¹Ha kata kajuh hi ka por, katba U Jisu u dang ia'id lyngba ka lyngkha kew ha ka sngi Sabbaton, ki synran ki la don lem bad u bad ki la sngewthngan. Kumta ki la sdang ban kheit ia ki symbob kew ia ka ban bam. ²Ki Pharisi ki la iohi ia kane, ki la ong ia U Jisu, “Khmih! Ki synran jong me ki la leh pyrshah ia kaba la adong ha ka sngi Sabbaton.”

³U Jisu u la ong ha ki, “Phi la pule ia kaei kaba u Dabid u la leh mynba haba kita kiba bad u ki la thngan. ⁴U Dabid u la leit sha ka iing U Blei. Ma u bad kita kiba bad u ki la bam ia uta u kpu ba kyntang. Ka la long be-aiñ ia u Dabid lane ia kito kiba bad u ban bam ia uta u kpu. Dei tang ki lyngdoh kiba bit ban bam na u. ⁵Bad phi la pule ha ka Hukum u Moses man la ka sngi Sabbaton ki lyngdoh ha ka Templ ki pynkheifñ ia ka hukum shaphang ka Sabbaton. Hynrei ym shym la ñiew ia kata kum ka jingpynkheifñ Hukum. ⁶Nga ong ha phi ba don hangne uba kham khraw ban ia ka Templ. ⁷Ka Jingthoh Bakhuid ka ong, ‘Ngam kwah ia ka jingknia kaba da ki mrad; Nga mon ba phin pyni ia ka jingleh sbun sha ki briew.’ Phim tip shisha ka mut aiu kata. Lada phin sngewthuh ia kata, phin ym jin da la bishar ia kita ki bym shym la leh ei ei kaba bakla.

⁸“Naba U Khun u Briew u long U Trai ka Sabbaton.”

U Jisu U Pynkhiah Ha Ka Sngi Sabbaton

(Mk. 3:1–6; Lk. 6:6–11)

⁹Te U Jisu u la leit nangta sha ka synagog jong ki. ¹⁰Ha ka synagog la don u briew uba don ka kti kaba iap. Katto katne na ki jiw ki la wad daw ban mudui ia ki jingleh bymdei U Jisu. Kumta ki la kylli ia u, “Ka long kaba dei ban pynkhiah ha ka sngi Sabbaton?”

¹¹Te U Jisu u la jubab, “Lada uno na phi u don ia ka langbrot bad ba ka da hap hapoh ka thliew ha ka sngi Sabbaton, phin jin da la sei ia kata ka langbrot na kata ka thliew. ¹²Shisha u briew u long kham kongsan ban ia ka langbrot. Namar kata ka long kaba dei ban leh bha ha ka sngi Sabbaton.”

¹³Te U Jisu u la ong ia uta u briew uba don ia ka kti kaba iap, “Kner ia la ka kti.” Uta u briew u la kner ia la ka kti bad la pynkhiah ia ka kum kata kawei pat ka kti.

¹⁴Hynrei ki Pharisi ki la mih nangta bad ki la thaw lad ban pyniap ia U Jisu.

U Jisu U Shakri Ba La Jied U Blei

¹⁵Te U Jisu u la tip ia kaei kaba ki Pharisi ki ia thmu. Kumta u la mih noh na kata ka jaka bad shibun u paidbah u la bud ia u. U da pynkhiah ia kita baroh kiba shitom, ¹⁶hynrei u la maham ia ki ban ym iathuh ba u long uei. ¹⁷Kane ka long ban pyndep ia kaei kaba U Blei u la kren da u nongiathuhlypa Isaiah:

¹⁸ “Hakhmih u shakri jong nga, uta ia uba nga la jied.

U dei une ia uba nga ieid bad nga da sngewbha eh ha u.

Ngan pyndap ia u da U Mynsiem jong nga

bad un wallam ka jingbishar hok sha ki jaitbynriew.

¹⁹ Un ym issaid nia ne pyrta; yn ym don u ban iohsngew ia ka sur jong u ha ki lynti bah.

²⁰ Un ym pynkdiah ia u jyantang phlang uba la kdor.

Un ym pynlip noh ia i phliah ding iba rit.

Un ym kynrandien tad ynda u la pynlong ia ka jingbishar hok kaba jop thiaw.

²¹ Baroh ki jaitbynriew kin kyrmen ha u.”

Isaiah 42:1–4

Ka Iktiar U Jisu Ka Long Na U Blei

(Mk. 3:20–30; Lk. 11:14–23; 12:10)

²²Hadien kane la don ki briew kiba la wanrah ha U Jisu ia u briew uba matlah bad bym nang kren uba shong u mynsiem bymman ha u. Te U Jisu u la pynkhiah ia uta u briew bad u la lah ban kren bad ban iohi. ²³Te baroh ki la sngewphylla namar kaei kaba U Jisu u la leh bad baroh ki la ia ong, “Kat kum ka jingkular une lehse u dei U Khun u Dabid!”

²⁴Haba ki Pharisi ki la iohsngew ia kane, ki la ong, “Une u briew u pyndonkam ia ka bor u Soitan,^a u nongsynshar ki ksuid ban beh noh ia ki na ki briew.”

²⁵U Jisu ba u da tip ia kaei kaba ki ia pyrkat u la ong ha ki, “Ka hima kaba ialeh markynti kan jot noh bad baroh ki shnong lane ki longiing kiba iapait kin ym lah ban neh slem. ²⁶Kumta lada u Soitan u beh noh ia ki ksuid, kaba mut u ialeh pyrshah ialade

^a **12:24 Soitan** - ka mut, “Belsabul” (u ksuid). Kumjuh ruh ha ka dkhot 27.

bad ka hima jong u kan ym neh slem.²⁷Phi ia ong ba da ka bor u Soitan nga beh ksuid. Lada kata ka long kaba shisha, haba kumta ki brierw jong phi ki pyndonkam da ka bor aiu ban beh ksuid? Ki brierw jong phi hi ki pynshisha ba phi bakla.²⁸Hynrei nga, nga pyndonkam da ka bor U Blei ban beh noh ia ki ksuid bad kane ka pynpaw ba ka hima U Blei ka la wan ha phi.²⁹Uno uno uba kwah ban rung sha ka iing jong uba khlain bor bad ban lute ia kiei kiei ki jong u, nyngkong eh u dei ban khum shuwa ia u, te hangta kin sa lah ban lute na u.³⁰Uno uno u bym long ha ka liang jong nga u ialeh pyrshah ia nga. Bad uno uno u bym iatrei lem bad nga u trei ruh pyrshah ia nga.

³¹“Kumta nga ong ha phi, ba ia ka pop baroh kaba ki brierw ki leh bad ia kata ruh kaba ki kren pyrshah ia U Blei lah ban mab ia ki. Hynrei uno uno uba kren pyrshah ia U Mynsiem Bakhuid yn ym mab ia u da lei lei ruh.³²Lah ban mab ia phi wat haba phi kren pyrshah ia U Khun u Brierw. Hynrei uno uno uba kren pyrshah ia U Mynsiem Bakhuid yn ym mab ia u—mynta lane ha ka ban sa wan ruh.

Kaei Kaba Phi Leh Ka Pynpaw İa Kaei Ba Phi Long

(Lk. 6:43-45)

³³“Lada phi kwah ia u soh babha, u dieng u dei ban long uba bha. Lada u dieng um long uba bha, ki soh jong u kin long kiba sniew.³⁴Phi ki khun ki ksiew ki bsein! Phi long bymman haduh katta katta. Kumno phin lah ban kren ia kiei kiei kiba bha? Kaei kaba ki brierw ki kren da la ka shyntur ka mih na ka jingshlei ka dohnud jong ki.³⁵Ki brierw kiba bha ki don ia kiei kiei kiba bha ba la kynshew ha ka dohnud jong ki, na kata ka daw ki kren ia kiei kiei kiba bha. Hynrei kita kiba bymman ki don ia ka dohnud kaba dap da ka jingbymman suda bad dei na kata ka daw ki kren ia kiei kiei kiba sniew.³⁶Nga ong ha phi ba baroh kin hap ai jubab ha ka sngi jingbisher na ka bynta kita ki ktien pathar baroh kaba ki kren.³⁷Da ki ktien jong phi hi yn bishar ia phi. Kata hi kaba phi la kren kan pynpaw shai la phi ksan ne phi rem.”

Don Kiba Artatien İa Ka İktiar U Jisu

(Mk. 8:11-12; Lk. 11:29-32)

³⁸Te la don khyndiat ki Pharisi bad ki nonghikai ka hukum kiba la phai ktien ia U Jisu. Ki la ong, “Ko Nonghikai, ngi kwah ban iohi ba me leh ia ka kambah kum ka dak na U Blei.”

³⁹U Jisu u la jubab, “Ki brierw kiba bymman bad ba pop ki kwah ban iohi ia ka kambah kum ka dak. Hynrei kan ym don kano kano ka dak lait noh tang kata kaba la jia ia u nongiathuhlypa Jonah.⁴⁰Kumba u Jonah u la don ha ka kpoh u dohkha lai sngi lai miet. Ha kajuh ka rukom, U Khun u Brierw u don hapoh ka jingtep lai sngi lai miet.⁴¹Ha ka sngi jingbisher, phi kiba im mynta yn ianujor bad ki nong Ninebe bad kin sakhi pyrshah ba phi long kiba rem. Balei ba nga ong kumta? Namar haba u Jonah u la ialap sha ki, ki la kylla kaba mut. Phi pat phi ia shahshkor ia uta uba kham khraw ban ia u Jonah, hynrei phi la kyntait ban kylla bamut!

⁴²“Ha ka sngi jingbisher, phi kiba im mynta yn ianujor bad ka syiem na Shathie bad kan sakhi pyrshah ba phi long kiba rem. Nga ong ia kane namar ka la wan na sha jingai bah tang ban iohsngew ia ka jinghikai ba stad u Solomon. Nga ong ia phi uba kham khraw ban ia u Solomon u don hangne, hynrei phim kwah ban sngap ia u!

Ka Jingma Jong Ka Jingthylli

(Lk. 11:24-26)

⁴³“Haba u mynsiem bymman u la mih noh na u brierw, u la iaiaid kylleng ki jaka ryngkhiang, u da wad ia ka jaka shongthait, hynrei um shem.⁴⁴Kumta u la ong, ‘ngan leit pat sha ka iing na kaba nga la mih.’ Haba u la wan phai pat, u la shem ba ia kata ka iing la pynbeit itynnad bha hynrei ym shyim la don mano mano ba shong ha ka.⁴⁵Te uta u mynsiem bymman u la mih noh bad u la wallam sa hynfiew kiwei pat ki mynsiem kiba kham bymman ban ia u. Te ki la leit bad shong hangta bad uta u brierw u la nang kham sniew ban ia kaba mynnyngkong. Kumta ruh kan long bad ki brierw kiba bymman kiba im ha kine ki sngi.”

Ki Synran U Jisu Ki Dei Ka Longieng Ba Shisha Jong U

(Mk. 3:31-35; Lk. 8:19-21)

⁴⁶Katba U Jisu u dang iakren bad u paidbah, ka kmie lem bad ki para jong u ki la ieng shabar, ki da kwah ban iakren bad u.⁴⁷Te la don ba la iaathuh ia u, “Ka kmie bad ki para jong me ki ap ia me shabar, ki kwah ban kren ia me.”

⁴⁸U Jisu u la jubab, “Mano ka kmie jong nga? Mano ki para jong nga?”⁴⁹Te u la kdew sha ki synran jong u bad u la ong, “Phi iohi! Kine ki dei ka kmie bad ki para jong nga.⁵⁰Hooiid, kino kino kiba leh ia ka

mon U Kpa jong nga ba ha bneng ki long da shisha ki para bad ka kmie jong nga.”

Ka Pharshi Shaphang U Nongrep Uba Bet Symbai

(Mk. 4:1-9; Lk. 8:4-8)

13 ¹Ha kata kajuh ka sngi U Jisu u la mih na iing bad u la shong harud ka duriaw. ²U paidbah ba bun u la lum sawdang ia u. Kumta u la kiew ha ka lieng bad u la shong ha ka. Baroh te ki la shong harud kata ka duriaw. ³Hadien kata u la iathuh ia ki pharshi ban hikai ia ki shibun kiei kiei: U la iathuh ha ki ia kane:

“U nongrep u la leit ban bet ia u symbai. ⁴Katba u dang bet, don kiba hap ha lynti. Ki sim ki la wan bad ki la puh noh ia uta u symbai. ⁵Kiwei pat ki la hap ha ka jaka maw kaba duna khyndew, te ki la san kloï. ⁶Hynrei haba ka sngi ka la shit, ka la thang ia kita ki jingthung bad namar ba ki thied jong ki kim da ngam jylliew kita ki jingthung ki la iap noh. ⁷Katto katne na kita ki la hap hapdeng ki dieng shiah. Te ki dieng shiah haba ki la san ki la kjap bad ki la khanglad ia kita ki jingthung babha ban san. ⁸Hynrei katto katne ki la hap ha ka khyndew kaba sboh. Hangta ki la san bad seisoh, kiba shispah shah, hynriewphew shah bad laiphew shah. ⁹Phi kiba iohsngew ia nga, to shahshkor bha!”

Balei U Jisu U Pyndonkam Ia Ki Pharshi Ban Hikai

(Mk. 4:10-12; Lk. 8:9-10)

¹⁰Te ki synran ki la wan sha U Jisu bad ki la kylli, “Balei ba me pyndonkam ia kine ki pharshi ban hikai ia ki brierw?”

¹¹U Jisu u la jubab, “Tang ma phi kiba lah ban sngewthuh ia ki jingshisha barieh jong ka hima U Blei, hynrei kiwei pat kin ym lah. ¹²Ha kita kiba don yn nang ai shuh shuh bad yn ai kyrhai ruh ia ki. Hynrei kita ki bym don yn shim noh wat ia kata kaba ki don. ¹³Na kata ka daw balei nga pyndonkam da ki pharshi ban hikai ia ki: Kin peit, hynrei kin ym iohi. Kin sngap, hynrei kin ym iohsngew lymne shemphang. ¹⁴Ba kumta yn pyndep ba kaei kaba u Isaiah u la kren shaphang jong ki ka long kaba shisha:

‘Phi ia shahshkor bad iaisngap,
hynrei phin ym shemphang.
Phin peit bad iaikhmih,
hynrei phin ym iohi da shisha.

¹⁵Hoooid, ki jingmut jong ki, ki long kiba la khang khyrdep.

Ki don ia ki shkor, hynrei kim shahshkor.

Ki don ia ki khmat, hynrei ki la kyntait ban iohi.

Lada ka jingmut jong ki kam long kaba la tap matlah,
ki lah ban iohi da la ki khmat;
ki lah ban iohsngew da la ki shkor;
ki lah ban shemphang da la ka jingmut.

Te ki lah ban phai pat sha nga bad ban iohkhiah.’

Isaiah 6:9-10

¹⁶Hynrei U Blei u la kyrkhu ia phi. Phi shemphang ia kaei kaba phi iohi da la ki khmat bad iohsngew da la ki shkor. ¹⁷Nga pynthikna ia phi, bun ki nongiathuhlypa bad ki brierw kiba riewblei ki kwah ban iohi ia kaei kaba phi iohi mynta, hynrei kim shym la iohi. Bad ki kwah ban iohsngew ia kaei kaba phi iohsngew mynta, hynrei kim shym la iohsngew.

U Jisu U Batai Shaphang U Symbai

(Mk. 4:13-20; Lk. 8:11-15)

¹⁸“To sngap ia ka jingmut jong kane ka pharshi shaphang u nongrep:

¹⁹“Kumno shaphang u symbai uba hap ha ka lynti? Uta u long kum kito ki brierw kiba iohsngew ia ka jinghikai shaphang ka hima U Blei hynrei kim lah ban sngewthuh ia ka. U bymman u wan bad u rong noh ia kata kaba la bet ha ka dohnud jong ki.

²⁰“Kumno pat ia uta uba hap ha ki jaka maw? Uta u long kum kito ki brierw kiba iohsngew ia ka jinghikai bad kloï lan da kaba kmen eh ki pdiang ia ka. ²¹Hynrei kim ailad pat ia kata ka jinghikai ba kan ngam jylliew ha ka jingim jong ki. Ki sumar ia ka tang shipor eh. Shen haba ki jingeh lane ki jingpynshitom beifi ki wan namar kata ki jinghikai, ki phaidien noh.

²²“Bad kumno pat shaphang u symbai uba hap hapdeng ki dieng shiah? Uta u long kum kito ki brierw kiba iohsngew ia ka jinghikai hynrei kiba ailad ba ki jingkluslai shaphang ka jingim bad ka jingieid ia ka spah kan khanglad ia kata ka jinghikai ba kan san. Kumta kam lah ban pynmih soh ha ka jingim jong ki.

²³“Hynrei kumno pat shaphang u symbai uba hap ha ka khyndew kaba sboh? Uta u long kum kito ki brierw kiba iohsngew ia ka jinghikai bad kiba shemphang ia ka. Ki san bad ki pynmih ia u soh uba bha haduh shispah shah, hynriewphew shah bad laiphew shah.”

Ka Pharshi Shaphang U Kew Bad Ki Niut

²⁴Hadien kane U Jisu u la shim sa kawei ka pharshi ban hikai ia ki. U la ong, “Ka hima U Blei ka long kum u briew uba la bet ia u symbai uba bha ha ka lyngkha. ²⁵Ha kata ka miet, katba baroh ki dang iohthiah, u nongshun u la wan bad u la bet ia ki niut hapdeng u kew bad hadien kata u leit noh. ²⁶Hadien ba u kew u la sei speh bad ki shylluit soh ki la mih ha u jingthung, ha kajuha ka por ki niut ruh ki la mih lang. ²⁷Te ki shakri jong uta u briew ki la wan sha u bad ki la ong, ‘Me la bet ia u symbai babha ha ka lyngkha jong me. Nangno kine ki niut ki mih?’

²⁸“Uta u briew u la jubab, ‘U nongshun u la bet ia kine ki niut.’

“Ki shakri ki la kylli ia u, ‘Me kwah ia ngi ba ngin leit bad ban thiew noh ia kine ki niut?’

²⁹“U te u la jubab, ‘Em, namar haba phi thiew ia kine ki niut, ioh phi kum phut lang ruh ia u kew. ³⁰Ai kin ia san lang tad haduh ka aïom ot. Ha ka aïom ot ngan sa bthah ia ki nongtrei ia kane: Nyngkong eh, lum ia ki niut bad khum ia ki shijaka ia ka ban thang. Te hadien sa lum ia u kew bad wallam ia u sha ka thiar jong nga.’”

Ka Hima Ki Bneng Ka Long Kum Kaei?

(Mk. 4:30-34; Lk. 13:18-21)

³¹Hadien kane U Jisu u la iaathuh sa kawei ka pharshi: “Ka hima ki bneng ka long kum u symbai tyrso ha kaba u briew u la leit ban bet ha ka lyngkha jong u. ³²U long u symbai uba rit tam eh na ki symbai baroh. Hynrei ynda u san, u long u jingthung uba kham heh ban ia baroh kiwei pat ki jhur ha ka kper kat haduh ba ki sim ki lah ban wan ban rieh tngen ha ki tnad jong u.”

³³Nangta U Jisu u la iaathuh sa kawei pat ka pharshi: “Ka hima ki bneng ka long kum u thiat ha kaba ka kynthei ka la khleh lang bad u purew ban shna kpu. Te uta u thiat u pynsieb ia uta u purew ba la khleh.”

³⁴U Jisu borabor u ju pyndonkam ia kine ki pharshi ban hikai ia ki briew. ³⁵Kane ka long ban pyndep ia kaei kaba u nongiathuhlypa u la ong:

“Nga kren da ki pharshi;

Nga iaathuh ia kiei kiei ki barieh
naduh mynba la thaw ia ka
pyrthei.”

Salm 78:2

U Jisu U Pynshai Ia Ka Pharshi Shaphang Ki Niut

³⁶Hadien kane U Jisu u la iehnoh ia u paidbah bad u la leit shapoh iing. Ki synran jong u te ki la wan sha u bad ki la ong, “Batai ha ngi ia ka jingmut jong ka pharshi shaphang ki niut ha ka lyngkha.”

³⁷U la jubab, “Uta u briew uba bet ia u symbai babha ha ka lyngkha u dei U Khun u Briew. ³⁸Ka lyngkha ka dei ka pyrthei. U symbai babha dei ki briew ha ka hima U Blei. Ki niut ki dei ki briew jong uta u bymman. ³⁹Bad u nongshun uba bet ia ki symbai kiba sniew u dei u Soitan. Ka aïom ot ka dei ka ia kaba kut jong ka pyrthei. Bad ki nongtrei kiba ot bad kiba lum ki dei ki angel U Blei.

⁴⁰“Kumba ia ki niut la phut bad thang ha ka ding, kan long kumjuh ruh ha ka ia kaba kut jong ka pyrthei. ⁴¹U Khun u Briew un phah ia la ki angel bad kin wad ia kita ki briew kiba pop bad kiba pynleh pop ia kiwei. Te ki angel kin sei noh ia kita ki briew na ka hima jong u. ⁴²Kin bret ia ki ha ka jaka jong ka ding, hangta kan long ka jinglynniar bad jingdait bniat ba kordit. ⁴³Hadien kata kiba hok kin tyngshaiñ kum ka sngi. Kin don ha ka hima jong U Kpa jong ki. Phi kiba iohsngew ia nga, to shahshkor bha!

Ki Pharshi Shaphang Ka Jingkyshew Bad U Mawlynnai

⁴⁴“Ka hima ki bneng ka long kum ka jingkyshew ba la buhrieh ha ka lyngkha. Ha kawei ka sngi uwei u briew u shem ia ka. U la buhrieh pat ia ka bad da ka jingkmn u la leit bad u la die noh ia baroh kaba u don bad u la thied ia kata ka lyngkha.

⁴⁵“Ruh, ka hima ki bneng ka long kum u nongkhai uba wad ban ioh ia ki mawlynnai ba kordor. ⁴⁶Ha kawei ka sngi u la shem ia uwei uba kordor eh. U la leit bad u la die ia baroh kaba u la don ban thied ia u.

Ka Pharshi Shaphang Ka Jar Tong Dohkha

⁴⁷“Kumjuh ruh, ka hima ki bneng ka long kum ka jar ba la bret sha ka duriaw. Te la ngat bun jait ki dohkha. ⁴⁸Ka jar te ka la shlei bad ki nongtong dohkha ki la tan ia ka sha ryngkew. Ki la shong bad lum ia kiba bha ha ki shang. Hadien kata ki bret noh ia kiba sniew. ⁴⁹Kan long kumjuh ha ka ia ba khatduh jong ka pyrthei. Ki angel kin wan bad kin pyniakhlad ia ki briew kiba bymman na kiba hok. ⁵⁰Kin bret ia ki

briew kiba bymman sha ka ding. Hangta kan long ka jinglynniar bad jingdait bnait ba kordit.”

⁵¹Hadien kane U Jisu u la kylli ia la ki synran, “Phi sngewthuh ia kine kiei kiei?”

Ki la jubab, “Hooiid, ngi sngewthuh.”

⁵²Te U Jisu u la ong ia la ki synran, “Baroh u nonghikai jong ka hukum uba la shah hikai shaphang ka hima ki bneng, u long kum u trai iing uba don ia kiei kiei kiba thymmai bad kiba rim ba la tyngkai ha kata ka iing. Te u sei lang ia kita baroh ar.”

U Jisu U leit Sha La Shnong

(Mk. 6:1–6; Lk. 4:16–30)

⁵³Haba U Jisu u la dep ban hikai, u la mih noh nangta. ⁵⁴U la leit sha ka shnong ha kaba u la heh la san. U da hikai ia ki briew ha ka synagog bad baroh ki la sngewphylla. Ki la ia ong, “Nangno une u briew u ioh kat kane ka jingstad bad ka bor ban leh ia ki kambah?” ⁵⁵Hato um dei tang u khun jong u misteri uba ngi ithuh? Hato ka kmie jong u kam dei ka Mari bad ki para jong u ki dei u Jakob, u Josis, u Simon bad u Juda? ⁵⁶Ym dei ba ki para kynthei jong u ki dang sah hangne ha shnong? Kumno u lah ban leh ia kine kiei kiei?” ⁵⁷Kumta ki la shem jingeh ban pdiang ia u.

Hynrei U Jisu u la ong ia ki, “Ki briew kylleng kylleng ki ai burom ia u nongiathuhlypa, hynrei ha la shnong ne ha la iing u nongiathuhlypa um ioh kano kano ka burom.” ⁵⁸Te U Jisu um shym la leh shibun ki kambah hangta, namar kim shym la ngeit ha u.

U Herod U Pyrkhat Ba U Jisu U Dei U Ioannis U Nongpynbaptis

(Mk. 6:14–29; Lk. 9:7–9)

14 ¹Ha kata ka por, u Herod, u syiem uba synshar ha Galilaia, u la iohsngew kumno ki briew ki kren shaphang U Jisu. ²Kumta u la ong ha la ki shakri, “Une u briew da shisha u dei u Ioannis u Nongpynbaptis. U la mihpat na kiba iap bad dei na kata ka daw ba u sa lah ban leh ia kine ki kambah.”

Ka Jingiap U Ioannis U Nongbaptis

³Mynshuwa kata, u Herod u la kem ia u Ioannis. U la khum bad buh ia u hapoh ka byndi. U la kem ia u namar ka Herodia, ka tnga u Philip, u para jong u. ⁴U Ioannis u la ong ia u, “Kam long kaba dei ia me ban shongkurim ia ka Herodia.” ⁵Te u Herod u la kwah eh ban pyniap ia u, hynrei u sheptieng ia u paidbah, namar ki ngeit ba u Ioannis u dei u nongiathuhlypa.

⁶Ha ka sngi kha jong u Herod, ka khun jong ka Herodia ka la shad na ka bynta jong u bad ki briew jong u. U Herod u la sngewbha shikatdei eh ia ka. ⁷Kumta u la kular ba un ai kano kano kaba ka kwah.

⁸Ka Herodia ka la bthah ia la ka khun ia kaei ba ka dei ban pan. Kumta ka la ong ia u Herod, “Ai ia nga ha kane ka pliang ia ka khlieh u Ioannis u Nongpynbaptis.”

⁹U syiem u la sngewsih shikatdei eh. Hynrei u la lah kular ia ka ban ai kano kano kaba ka kwah bad baroh kiba iashong bam lem bad u ki la iohsngew ia ka kular jong u. Kumta u la hukum ban leh ia kata kaba ka la pan. ¹⁰U la phah ia ki briew sha ka iingbyndi, ha kaba ki la khrai ia ka khlieh u Ioannis. ¹¹Bad kita ki briew ki la wallam ia ka khlieh u Ioannis ha ka pliang bad ai ruh ia ka sha kata ka khynnah. Te ka la leit rah ia ka sha la ka kmie, ka Herodia ¹²Te ki synran u Ioannis ki la wan bad ki la shim noh ia ka met jong u bad tep ia ka. Hadien kata ki la leit bad iathuh ha U Jisu ia kaei kaba la jia.

U Jisu U Bsa Ia Ki San Hajar Tam

(Mk. 6:30–44; Lk. 9:10–17; Jo. 6:1–14)

¹³Haba U Jisu u la iohsngew ia kaei kaba la jia ia u Ioannis, u la mih noh da ka lieng weibriew sha ka jaka kynjah. Hynrei u paidbah u la iohsngew ba U Jisu u la mih. Kumta ki la mih na la ki shnong bad ki la bud ia u da ka kjat shaduh ka jaka kaba u la leit. ¹⁴Haba U Jisu u la hiar na ka lieng, u la iohi ia u paidbah babun. U la sngew syei na ka bynta jong ki bad u la pynkhiah ia kita baroh kiba pang ba shitom.

¹⁵Hadien jong ka nohphai sngi, ki synran U Jisu ki la wan bad ki la ong, “Kane ka jaka ka long ka ri kynjah bad ka la dier lypa. To phah noh ia ki ba kumta kin lah ban leit sha la ki shnong bad ban thied jingbam na ka bynta ilade.”

¹⁶U Jisu u la ong, “Kim donkam ban leit. To ai jingbam ma phi ia ki.”

¹⁷Ki synran te ki la jubab, “Ngi don tang san tylli ki kpu bad ar tylli ki dohkha.”

¹⁸U Jisu u la ong, “Wallam ia ki sha nga.”

¹⁹Te u la bthah ia u paidbah ban shong ha u phlang. U la shim ia kita ki san tylli ki kpu bad ar tylli ki dohkha bad haba u la khmied sha bneng u la ainguh ia U Blei namar kata ka jingbam. Hadien kata u la kdiah ia uta u kpu lyngkhot lyngkhot bad u la ai sha ki synran bad ki synran pat sha u paidbah. ²⁰Baroh te ki la bam haduh ban da kdang. Hadien ba la dep bam, ki synran ki la khar khatar shang ia ki lyngkhot jingbam kiba

tam. ²¹Ki la don te kumba san hajar tang ki rangbah kiba la ñabam. La don ruh ki kynthei bad ki khynnah kiba la ñabam.

U Jisu U ñaid Halor Ka Duriaw

(Mk. 6:45–52; İo. 6:16–21)

²²Hadien kata U Jisu u la ong ña ki synran ba kin kiew ha ka lieng. U la ong ruh ña ki ba kin nang leit sha shiliang kata ka duriaw bad ba un sa nang wan nadien katba u dang kyntu ña u paidbah ba kin leit phai noh sha la ñing. ²³Hadien ba U Jisu u la ai khublei ña u paidbah, u la leit kiew sha u lum rit ban duwai. Te ka la miet eh bad u la don hangta tang marwei. ²⁴Ha kata ka por ka lieng ka la long jngai bah na ka ryngkew. Namar ba ka lyer ka la beh pyrshah ña ka lieng, kumta kata ka lieng ka la don hapdeng ka jingeh namar ki jingatphyllung.

²⁵Ha shuwa ba kan shai ka sngi, katba ki synran ki dang don ha ka lieng, U Jisu u la wan sha ki u da ñaid halor ka duriaw. ²⁶Haba ki la ñohi ña u ba u ñaid halor ka duriaw, ka la pynsheptieng ña ki. Ki la lynñiar ha ka jingtieng bad ong ruh “Ka dei ka rngai!”

²⁷Kumta kumta hi U Jisu u la kren sha ki. U la ong, “Long shlur! Dei ma nga! Wat sheptieng.”

²⁸Te u Petros u la ong, “Trai, lada dei shisha ma me, ong ña nga ban wan sha me halor ka um.”

²⁹U Jisu u la ong, “Wan, Petros.”

Te u Petros u la hiar na ka lieng u da ñaid halor um sha U Jisu. ³⁰Hynrei katba u dang ñaid, u la ñohi ña ki jingatphyllung bajur. U la sheptieng bad sdang ban ngam shapoh ka um bad u la pyrta, “Trai, ñarap ña nga!”

³¹Te U Jisu u la kem ña u da la ka kti. U la ong, “Ka jingngeit jong me ka rit than eh. Balei ba me artatien?”

³²Hadien ba u Petros bad U Jisu ki la kiew halor ka lieng, ka lyer ka la sangeh ban beh.

³³Te ki synran hapoh kata ka lieng ki la mane dem ña U Jisu bad ki la ong, “Me long da shisha U Khun U Blei.”

U Jisu U Pynkhiah ña Kiba Pang

(Mk. 6:53–56)

³⁴Hadien ba ki la jam sha shiliang, ki la poi harud duriaw jong ka shnong Gennesaret.

³⁵Katto katne na ki brier ki la ñohi ña U Jisu bad ki la ithuh ña u. Kumta ki la phah ktien sha kiwei pat ha baroh kita ki phang ba U Jisu u la wan. U paidbah u la wanrah ña ki ba pang sha u. ³⁶Ki la kyrpad ña U Jisu ba un shah ña ki ban ktah tang ña ki rymmiang

jaiñkup jong u ban ñohkhiah. Baroh te kiba pang kiba la ktah ña ka jaiñkup jong u la pynkhiah ña ki.

Ka Hukum U Blei Bad Ki Rukom Pateng La Pateng

(Mk. 7:1–23)

15 ¹Te katto katne na ki Pharisi bad ki nonghikai ka hukum na Jerusalem ki la wan sha U Jisu bad ki la kylli ña u, ²“Balei ba ki synran jong me ki ryngkang ña ki rukom pateng la pateng kiba ngi la ñohpdiang na ki nongialam bakhraw jong ngi kiba mynbarim? Ki synran jong me kim ju sait ña la ki kti ha shuwa ba kin bam.”

³U Jisu u la jubab, “Bad balei pat ma phi, phi ryngkang ña ki hukum U Blei ba phin ñoh ban bud ña kita ki rukom pateng jong phi? ⁴U Blei u la ong, ‘Phi dei ban ñiew burom ña la u kpa bad ña la ka kmie.’ Bad U Blei u la kren ruh, ‘Uno uno u ban kren kaba sniew ña la u kpa ne ka kmie ka dei ña u ban ñap.’ ⁵Hynrei phi hikai ba u brier u lah ban ong ña la u kpa ne ka kmie, ‘Nga don ka bynta kaba dei sha phi, pynban ngan ym ai shuh ña ka sha phi, ngan ai noh sha U Blei.’ ⁶Da kaba leh kumta phi ña hikai ban iehnoh bein ña la u kpa ne ña la ka kmie. Kumta phi ryngkang noh ña ka hukum U Blei. Phi pyrkat ba ka long kham donkam ban bud ña ki rukom pateng la pateng jong phi. ⁷Phi kiba arsap! Kadei kaba u Isaiah u nongiatuhlypa u ong shaphang jong phi:

⁸ ‘Kine ki brier ki burom ña nga tang da ki rmiang shyntur,
hynrei ka dohnud jong ki ka jngai bah na nga.

⁹ Ka jingmane jong ki ña nga ka long kaba thala.

Ki hikai ña ki hukum jong ki brier kum ki jinghikai shongtynrai.”

Isaiah 29:13

¹⁰U Jisu haba u la khot ña u paidbah halade u la ong, “To sngap bad to shemphang ña kaei kaba ngan ong. ¹¹Kam dei kaei kaba ki brier ki tian ha ka shyntur kaba pynlong ña ki, ki bymhok. Ka dei kaei kaba mih noh na ka shyntur jong ki kaba pynlong bymhok ña ki.”

¹²Te ki synran ki la wan sha U Jisu bad ki la ong, “Me tip ba ki Pharisi ki la sngewthut shaphang kaei kaba me la kren?”

¹³U Jisu u la jubab, “Baroh u jingthung ña uba U Kpa jong nga uba ha bneng um shyng la thung yn rat noh naduh ka tyllong.

¹⁴To kiar noh na ki Pharisi. Ki ñalam ña u

paidbah, hynrei ki long kum kiba matlah kiba ĩalam ĩa kiwei pat kiba matlah. Lada uba matlah un ĩalam ĩa uba matlah, baroh ar kin hap lang shapoh ka thliw.”

¹⁵U Petros te u la ong, “To pynshai ha ngi ĩa ka pharshi kaba me la kren sha u paidbah.”

¹⁶U Jisu u la ong, “Phi ruh phi dang shem jingeh ban sngewthuh?” ¹⁷Da shisha phi tip ba baroh ka jingbam kaba rung na ka shyntur ka leit sha ka kphoh, nangta ka mih noh na ka met. ¹⁸Hynrei kiei kiei kiba sniew kiba ki briew ki ĩakren da la ka shyntur ka mih na ka rukom pyrkhath. Kata keiñ kaba pynlong bymhok ĩa ki. ¹⁹Baroh kine kiei kiei kiba sniew ki sdang ha ka jingmut: ki jingpyrkhat ba bymman, kaba pyniap, kaba klim, ka pop awria, kaba tuh, kaba shukor bad kaba kren ibeiñ ĩa ki briew. ²⁰Kine ki dei kiei kiei kiba pynlong bymhok ĩa ki briew. Kaba bam khlem da sait ĩa ki kti kan ym pynlong ĩa ki kiba la shah kyntait noh da U Blei.”

U Jisu U ĩarap ĩa Ka Kynthei Jentil

(Mk. 7:24–30)

²¹Te U Jisu u la leit noh nangta sha ki phang ka Tyros bad ka Sidon. ²²Ka kynthei nong Kanaan na kata ka jaka ka la wan bad ka la kyang jam, “Kynrad, me U Khun u Dabid, sngewbha ĩarap ĩa nga! Ka khun jong nga ka shong ksuid bad ka shitom shikatdei eh.”

²³Hynrei U Jisu um shyml la jubab ĩa ka. Kumta ki synran ki la wan sha u bad ki la ong, “Ong ĩa ka ba kan leit noh. Naba ka ĩai kyang bad kam mon ruh ban iehnoh ĩa ngi.”

²⁴U Jisu u la jubab, “U Blei u phah ĩa nga tang sha ki briew ba la jah jong ki Israel.”

²⁵Te kata ka kynthei ka la wan khamjan sha U Jisu bad ka la dem hakhmat jong u. Ka la ong, “Kynrad, ĩarap ĩa nga!”

²⁶U la jubab ĩa ka da kaba ong: “Kam long kaba dei ban shim ĩa u kpu jong ki khun bad ban ai ĩa u sha ki ksew.”

²⁷Kata ka kynthei ka la ong, “Hoooid, Kynrad, wat ki ksew ruh ki ĩabam ĩa kita kiba lyngkhot kiba hap na ka miej jong ki kynrad.”

²⁸Te U Jisu u la jubab, “Ko ka briew, pha don ĩa ka jingngeit kaba khraw! Phan ĩohpdiang ĩa kaei kaba pha la pan.” Bad hangta hi kata ka khun jong ka, ka la ĩohkhiah.

U Jisu U Pynkhiah ĩa Kiba Bun

²⁹Hadien kane U Jisu u la leit nangta sharud ka duriaw Galilaila. Te u la leit kiew sha u lum bad u la shong hangta.

³⁰U paidbah ba bun u la wan ha u. Ki la wallam shibun kiba pang bad ki la buh ĩa ki hakhmat jong u. La don te ki bymlah ban ĩaid, kiba matlah, kiba dkoh bad kiba kyllut bad

shibun ruh kiwei pat. Te U Jisu u la pynkhiah ĩa ki baroh. ³¹Ki briew ki la sngewphylla eh haba ki la ĩohi ba kito ki bymlah kren mynta ki lah lah ban kren. ĩa kiba dkoh la pynkhiah. Ki bym lah ban ĩaid ki ĩaid. Kiba matlah ki la ĩohi. Baroh te ki la ainguh ĩa U Blei ki Israel namar kane.

U Jisu U Bsa ĩa Ki Saw Hajar Tam

(Mk. 8:1–10)

³²Te U Jisu u la khot ĩa la ki synran halade bad u la ong, “Nga sngewsynei na ka bynta kine ki briew. Ki la don bad nga mynta la lai sngi bad mynta kim don ei ei ban bam. Ngam kwah ban phah noh ĩa ki kiba thngan. Ki lah ban kem tlot ha ka lynti sha ĩing.”

³³Ki synran ki la kylli ĩa U Jisu, “Nangno ngin ĩa ĩoh jingbam kaba biang ban bsa ĩa une u paidbah? Naba ngi long jngai ruh na kano kano ka shnong.”

³⁴U Jisu u la kylli, Katno tylli ki kpu ba phi don?”

Ki la jubab, “Ngi don hynñiew tylli ki kpu bad khyndiat ki dohkha rit.”

³⁵U Jisu u la ong ĩa uta u la paidbah ban shong ha madan. ³⁶U la shim ĩa kita ki hynñiew tylli ki kpu bad ki dohkha bad u la ainguh ĩa U Blei na bynta kita ki jingbam. Te u la kdiah ĩa kita ki kpu lyngkhot lyngkhot bad u la ai ha ki synran bad ki synran ki la ai sha u paidbah. ³⁷Baroh te ki la bam haduh ban da kdang. Hadien ba la dep bam, ki synran ki la khar hynñiew shang ĩa ki lyngkhot jingbam kiba tam.

³⁸Ki la don kumba saw hajar ngut tang ki rangbah bad la don ruh ki kynthei bad ki khynnah. ³⁹Hadien ba ki la dep ban bam, U Jisu u la phah noh ĩa ki sha la ĩing. Te u la kiew ha ka lieng bad leit sha ki phang ka Magdala.

La Don Kiba Artatien ĩa

Ka Iktiar U Jisu

(Mk. 8:11–13; Lk. 12:54–56)

16 ¹Ki Pharisi bad ki Saddusi ki la wan sha U Jisu ba ki da kwah ban tynjuh ĩa u. Kumta ki la pan na u ban pyni ha ki ĩa ka dak na bneng.

²U Jisu u la jubab, “Haba phi ĩohi ĩa ka sngi ba ka sep, phi tip kaba kumno ka suiñ bneng kan long. Lada ka suiñ bneng ka saw, phi ong ngin ĩoh ĩa ka suiñ bneng kaba bha. ³Bad ha ka por mynstep, lada ka suiñ bneng ka saw jngut, phi ong ba kan sa long ka sngi kaba slap. Kine ki long ki dak jong ka suiñ bneng bad haba phi ĩohi ĩa ki phi tip ka mut aiu. Ha kajuha ka rukom, phi ĩohi ĩa kine kiei kiei ba ki jia mynta.

Kine ruh ki long ki dak, hynrei phim tip ia ka jingmut jong ki. ⁴Ka dei ka pateng bynriew ba bymman bad ba pop kaba kwah ban iohi ia ka dak na bneng. Hynrei kan ym don kano kano ka dak lait noh tang kata kaba la jia ia u nongiathuhlypa Jonah.” Hadien kata U Jisu u la mih noh nangta.

Ki Synran Ki Sngewthuh Bakla ia U Jisu

(Mk. 8:14-21)

⁵Te U Jisu bad ki synran jong u ki la iaid sha shiliang kata ka duriaw. Hynrei ki synran jong u ki la klet ban rah kpu. ⁶U Jisu te u la ong ia ki, “To phikir bha! To sumar na u thiat ki Pharisi bad ki Saddusi.”

⁷Ki synran te ki la ia said nia ia ka jingmut jong ka. Ki la ia ong, “Hato U Jisu u kren ia kane namar ba ngi la klet ban rah kpu?”

⁸U Jisu u la tip ba ki ia kren shaphang kane. Kumta u la kylli ia ki, “Balei ba phi ia kren shaphang ka jingbym don kpu? Phi kiba rit ka jingngeit. ⁹Hato phim pat sngewthuh? To kynmaw ia ki san tylli ki kpu ba la bsa ia ki san hajar u paidbah bad katno shang ba phi la ia pyndap na kata kaba sah? ¹⁰Bad to kynmaw ia ki hynniew tylli ki kpu ba la bsa ia ki saw hajar u paidbah bad katno shang ba phi la ia pyndap ha kata ka por? ¹¹Kumno te ba phi ia pyrkhata ba nga khuslai shaphang u kpu? Nga ong ia phi ban phikir bad sumar ia u thiat ki Pharisi bad Saddusi.”

¹²Te ki synran ki la sngewthuh u mut aiu U Jisu. Um shym la ong ia ki ban sumar na u thiat ba ju pyndonkam ha u kpu, hynrei pyrshah ia ki jinghikai jong ki Pharisi bad Saddusi.

U Petros U Phla Ba U Jisu U Dei U Khrist

(Mk. 8:27-30; Lk. 9:18-21)

¹³Te U Jisu u la leit sha ki phang ka Kaisaria Philipi. U la kylli ia ki synran, “Ki briew ki ong ba nga long uei?”

¹⁴Ki la jubab, “Don kiba ong ba me dei u Ioannis u Nongpynbaptis. Kiwei ki ong ba me dei u Elijah bad don pat kiba ong ba me dei u Jeremiaiah lane uwei na ki nongiathuhlypa.”

¹⁵Te U Jisu u la kylli ia ki, “Phi pat phi ong ba nga long uei?”

¹⁶U Simon Petros u la jubab, “Me dei U Khrist, U Khun jong U Blei ba im.”

¹⁷U Jisu u la phai ktien, “Me long ba la kyrkhu, khun u Jonah. Ym don ba la hikai ia me ia kata. U Kpa jong nga ba ha bneng u

la pynpaw ha me uei ba nga long. ¹⁸Kumta nga ong ia me, me dei u Petros. Bad ngan tei ia la ka balang halor une u mawsiang. Ka bor ka jingiap^d kan ym lah ban jop ia ka balang jong nga. ¹⁹Ngan ai ha me ia ki shabi sha ka hima ki bneng. Haba men pynbna ia ka jingbishar hangne ha pyrthei, kata ka jingbishar kan long ka jingbishar U Blei hi. Haba me pynbna ia ka jingmab hangne ha pyrthei, kata ka jingmab kan long ka jingmab U Blei hi.”

²⁰Hadien kane U Jisu u la maham ia la ki synran ban ym ia thuh hano hano ruh ba u long U Khrist.

U Jisu U Iathuh Ba Ka Dei Ia U Ban Iap

(Mk. 8:31-9:1; Lk. 9:22-27)

²¹Naduh kata ka por U Jisu u la sdang ban iathuh ha la ki synran ba ka dei ia u ban leit sha Jerusalem. U la batai ba ki nongialam ba kham rangbah jong ki Jiwi, ki lyngdoh ba kham hakhamat bad ki nonghikai ka hukum kin sa pynshitom ia u bad ba ka dei ia u ban iap. Hadien kata, ha ka ngi kaba lai, un sa mihpata na ka jingiap.

²²Te u Petros u la shim kyrpang ia U Jisu napdeng kita kiwei pat ki synran bad u la kynthoh da kaba ong, “Em, ym kumta Kynrad! Kata da lei lei kam dei ban jia ia me!”

²³Te U Jisu u la ong ia u Petros, “Khie me na nga, Soitan! Mem shym iarap ei ei ia nga! Mem don ruh kajuha ka jingpyrkhata ia kiei kiei kiba U Blei u pyrkhata. Me pyrkhata tang ia kita ia kiba ki briew ki sngew ba ki long kiba donkam.”

²⁴Te U Jisu u la ong ia la ki synran, “Lada phi kwah ban long u nongbud jong nga, to wai noh na kaba pyrkhata tang shaphang ialade bad ia la ki jingkwah. Phi dei da ka mon sngewbha ban bah ia ka diengphna ba la ai sha phi kum ki nongbud jong nga. ²⁵Uno uno na phi uba pyrshang ban ri ia la ka jingim un duh noh ia ka. Hynrei uno uno uba kheiinduh ia la ka jingim na ka bynta jong nga, un shem ia ka jingim kaba shisha. ²⁶Ka long ka bym myntoi ei ei ruh em ia u briew ban iohi ia ka pyrthei baroh kawei bad ba un jot noh. Da ei un siew ka dor kaba biang ban iapei ia la ka jingim? ²⁷Naba U Khun u Briew un sa wan pat ha ka burom U Kpa jong u lem bad ki angel jong u. Bad un ainong namar kata kaei kaba ki la leh. ²⁸To ngeit ia nga haba nga

^a 16:18 ka bor ka jingiap - kat kum ka tynrai ka mut, “ki khyrdop ka Dujok.”

ong ba napdeng kiba ieng hangne don ki ban ym iap tad kin iohi ia U Khun u Briew ba u wan lem bad ka hima jong u.”

La Iohi Ia U Jisu Lem Bad U Moses Bad U Elijah

(Mk. 9:2–13; Lk. 9:28–36)

17 Hynriew sngi hadien, U Jisu u la ialab kyrpang ia u Petros, u Jakob bad ia u Ioannis u para jong u shalor u lum uba jrong. ²Katba ki dang iadon hangta, la pynkylla dur ia U Jisu hakhmat jong ki. Ka dur khmat jong u ka la tyngshaiñ kum ka sngi bad ki jaiñ ki la thaba kum ka jingshai ba phyrnai. ³Te la don ar ngut ki briew kiba la iakren bad u hangta. Ki dei u Moses bad u Elijah.

⁴U Petros u la ong ia U Jisu, “Kynrad, ka la bha ba ngin ia sah noh hangne. Lada me mon, ngan shna lai tylli ki iingjaiñ, kawei ia me, kawei ia u Moses bad kawei ia u Elijah.”

⁵Katba u Petros u dang kren, u lyoh ba phyrnai u la tap halor jong ki. Ka sur te ka la wan na uta u lyoh ka da ong, “Une u dei U Khun jong nga, uba nga ieid. Nga sngewbha katta katta eh ia u. To phin kohnguh ia u!”

⁶Ki synran kiba bad U Jisu ki la iohsngew ia kata ka sur. Ki la sheptieng shikat dei eh, kumta ki la dem ha ka khyndew. ⁷Hynrei U Jisu u la wan bad ktah ia ki. U la ong, “To ieng joit. Wat sheptieng.” ⁸Te ki synran ki la khmied shajrong bad ki la iohi ba U Jisu u la don sa tang marwei hangta.

⁹Katba U Jisu lem bad ki synran ki dang hiar arsut na uta u lum, u la hukum ia ki: “Wat iathuh hano hano ruh ia kaei kaba phi la iohi halor uta u lum. Ap tad haduh ba ia U Khun u Briew la pynmihpat ia u na kiba iap. Hadien kaba phi lah ban iathuh paidbah ia kaei kaba phi la iohi.”

¹⁰Ki synran te ki la kylli ia U Jisu, “Balei ba ki nonghikai ka hukum ki ong ba u Elijah u dei ban wan ha shuwa ba U Khrist un wan?”

¹¹U Jisu u la jubab, “Kaei kaba ki ong ka long kaba dei ba u Elijah un wan. Bad ka long kaba shisha ba u Elijah un pynlong ia kiei kiei kumba ka dei ia ki ban long. ¹²Hynrei nga ong ia phi, u Elijah u la dep wan. U paidbah un shym la tip uei u long bad ki la leh bymdei ia u, da kaba leh ia kata baroh kaba ki kwah ban leh. Kan long kumjuh bad U Khun u Briew. Kine kijuh ki briew kin pynjnjar ia u.” ¹³Te ki synran ki la sngewthuh ba U Jisu u kren shaphang u Ioannis u Nongpynbaptis.

U Jisu U Pynkhiah Ia U Khynnah Ba Shong Ksuid

(Mk. 9:14–29; Lk. 9:37–43a)

¹⁴U Jisu lem bad ki synran ki la leit phai pat sha u paidbah. Te uwei u briew u la wan bad u la mane dem hakhmat jong u. ¹⁵Uta u briew u la ong, “Kynrad, to sngewsynei lem ia u khun jong nga. U yjnjar palat na ka jingpangring. Bunsien u ju kyllon sha ka ding lane sha ka um. ¹⁶Nga la wallam ia u ha ki synran jong me, hynrei kim shym la lah ban pynkhiah ia u.”

¹⁷U Jisu u la jubab, “Phim don jingngeit satia. Ka jingim jong phi ruh kaba kynriang! Sa katno slem ba ngan iaisah bad phi? Sa katno slem ruh ba ngan iaishah bad phi? Wallam ia uta u khynnah hangne.” ¹⁸U Jisu te u la hukum tyngeh ia uta u ksuid uba hapoh jong uta u khynnah. Uta u ksuid te u la mih noh na uta u khynnah bad la pynkhiah ia uta u khynnah.

¹⁹Te ki synran ki la wan ha U Jisu ki da ong, “Ngi la pyrshang ban beh noh ia uto u ksuid na u khynnah, hynrei ngim shym la lah. Balei ba ngim shym la lah ban pynmih noh ia u ksuid na u?”

²⁰U Jisu u la jubab, “Phim shym la lah ban beh noh ia uto u ksuid, namar phim don ka jingngeit. To ngeit ia nga haba nga ong ia phi, ba lada ka jingngeit jong phi kan long tang kat u symbai tyroso phi lah ban ong ia une u lumbah, ‘Kynriah nangne shatai,’ te un kynriah. Phim lah ruh ban leh ia kano kano.” ²¹Hynrei une u jait mynsiem u mih noh tang da ka jingduwai bad kaba shah jingit.

U Jisu U Saham Ia La Ka Jingiap

(Mk. 9:30–32; Lk. 9:43b–45)

²²Kham hadien te, ki synran ki la iakynduh lang ha Galilaia. U Jisu u la ong ia ki, “Ia U Khun u Briew yn sa aiti noh ha ka bor jong kiwei pat ki briew ²³ki ba sa pyniap ia u. Hynrei ha ka sngi kaba lai un sa mihpat na ka jingiap.” Ki synran te ki la sngewsih haba ki la iohsngew ba yn sa pyniap ia U Jisu.

U Jisu U Hikai Shaphang Kaba Siew Khajna

²⁴Te U Jisu lem bad ki synran ki la leit sha Kapernam. Hangta ki briew kiba lum ia ka sanpew pisa ka khajna bai Templ ki la wan sha u Petros bad ki la kylli ia u, “Hato u nonghikai jong me u ju siew ia ka khajna bai Templ?”

²⁵U Petros u la jubab, “Hooi, u siew.”

U Petros u la rung pat sha ka iing ha kaba U Jisu u la don. Ha shuwa ba u Petros

un kren, U Jisu u la ong ia u, “Ki syiem jong ka pyrthei ki lum ia kiba bunjait ki khajna na ki brieve. Hynrei mano kita kiba siew ia ki khajna? Hato ki dei ki khun ki hajar jong u syiem ne ki raio? Me pyrkhata kumno?”

²⁶U Petros u la jubab, “Ki raio? Me kiñ.”

U Jisu u la phai ktien pat, “Te ki khun ki hajar jong u syiem kim donkam ban siew. ²⁷Hynrei ngim kwah ban pynsgewsih ia ki nonglum khajna. Me leh ia kane: Leit sha ka duriaw bad to khwai. Hadien ba me la ngat, plied ia ka shyntur jong kata ka dohkha, men shem shityngka ka pisa pliah bad to siew ia ka khajna ha ki nonglum na ka bynta jong me bad jong nga.”

Uei Uba Kham Khraw?

(Mk. 9:33–37; Lk. 9:46–48)

18 ¹Ha kata ka por ki synran ki la wan sha U Jisu bad ki la kylli, “Uei uba kham khraw ha ka hima ki bneng?”

²Te U Jisu u la khot ia uwei u khynnah rit halade bad u la pynieng ia u hakmat ki synran. ³U la ong ruh, “Da shisha nga ong ha phi, lymda phi kylla ka rukom pyrkhata bad long ruh kum ki khynnah rit phin ym ioh rung sha ka hima ki bneng. ⁴Uta uba khraw tam ha ka hima ki bneng u dei uta uba pynrit ialade kum une u khynnah.

⁵Uno uno uba pdiang ia u khynnah rit kum une ha ka kyrteng jong nga u pdiang ia nga.

U Jisu U Maham Shaphang Ki Daw Jong Ka Jingleh Pop

(Mk. 9:42–48; Lk. 17:1–2)

⁶“Lada iwei na kine ki khynnah kiba rit i ngeit ha nga bad uno uno u pynlong ia i ban leh pop, kan long kaba shyrkhei ia uba kum uta u brieve. Kan jin da la khambha ia u ban teh da u maw tylliat ha ka ryndang bad ban pynngam jyllap sha ka duriaw ba jylliew. ⁷Nga sngewsynei na ka bynta ki brieve ha ka pyrthei namar kita kiei kiei kiba pynlong ia ki ban leh pop. Kine ki dei ban jia, hynrei kan long kaba shyrkhei shikatdei eh na ka bynta uta uba long ka daw ba kine kiei kiei kin jia.

⁸“Lada ka kti ne ka kjat jong me ka pynleh pop, to maib bad bret noh ia ka. Kan khambha ia me ban duh noh shibynta ka dkhot met bad ban ioh ia ka jingim bymjukut ban ia kaba baroh ar tylli ki kti bad kjat bad ban shah bret pat sha ka ding ka bym julip junom la junom. ⁹Lada ka khmat jong me ka pynleh pop, to khlaw

bad bret noh ia ka. Kan khambha ia me ban don tang kawei ka khmat bad ban ioh ia ka jingim bymjukut ban ia kaba baroh ar tylli ki khmat bad ban shah bret pat sha ka dujok ding.

Ka Pharshi Shaphang Ka Langbrot Kaba La Jah

(Lk. 15:3–7)

¹⁰“To sumar bha. Wat pyrkhata ba kine ki barat ki long ki bym donkam. Nga ong ha phi ba kine ki don ia ki angel jong ki, kiba ia long lem bad U Kpa jong nga uba ha bneng. ¹¹Naba U Khun u Brieve u wan ia ka ban pynim ia kiba la jah.

¹²“Lada u brieve u don shispah tylli ki langbrot, hynrei iwei na ki ka jah noh, kaei un leh? Un ieh ia kiwei pat ki khyndaiphew khyndai tylli ki langbrot ha lum bad leit wad ia kata kaba la jah. Ym dei kumta? ¹³Bad lada u la shem, un kham sngewkmen namar kata kawei ban ia ki khyndaiphew khyndai tylli ki bym shym la jah. Nga pynthikna ia phi, ¹⁴ha kajuh ka rukom U Kpa jong phi uba ha bneng um kwah ba mano mano ruh na kine kiba rit kin jah noh.

Haba Mano Mano Ki Pynmong Ia Phi

(Lk. 17:3)

¹⁵“Lada u para ne ka para ha ka longiing U Blei ki leh ia kaei kaei kaba bakla, leit ban iasyllok ia ki. Leh ia kane tang haba bad ki hi. Lada ki sngap ia phi, te phi la iarap ia ki. ¹⁶Hynrei lada ki kyntait ban sngap, leit pat sha ki lem bad uwei ne ar ngut, te hangta kin don ar lane lai ngut ki ban iathuh ia kaei kaba la jia baroh. ¹⁷Lada ki kyntait ban sngap ruh ia ki, iathuh ha ka balang. Bad lada ki kyntait ban sngap ia ka balang, niew ia ki kumba phi niew ia ki ki bymtip ia U Blei lane ia ki nonglum khajna.

¹⁸“Haba phi pynbna ia ka jingbishar hangne ha pyrthei, kata ka jingbishar kan long ka jingbishar U Blei hi. Haba phi pynbna ia ka jingmab hangne ha pyrthei, kata ka jingmab kan long ka jingmab^a U Blei hi. ¹⁹Ha kiwei pat ki kyntien, Lada ar ngut na phi ha ka pyrthei phi iamynjur ia kano kano kaba phi ia duwai, U Kpa jong nga uba ha bneng un leh ia kata kaei

^a 18:18 haba phi pynbna ... ka jingmab U Blei Katba kum ka tynrai ka dei, “ia kiei kiei ruh kat kiba phin teh ha ka khyndew yn teh ia ki ha bneng bad ia kiei kiei ruh kat kiba phin pyllait ha ka khyndew yn pyllait ia ki ha bneng.”

kaba phi pan. ²⁰Hooiid, lada ar ne lai ngut ki ialum lang da kaba shaniah ha nga, hangta ngan don lem bad ki.”

Ka Pharshi Shaphang Ka Jingmab

²¹Te u Petros u la wan sha U Jisu bad u la kylli ia u, “Kynrad, haba uno uno u iaileh bakla pyrshah ia nga, katno sien ba ngan mab ia u? Hynñiew sien?”

²²U Jisu u la jubab, “Nga ong ha me, ba ka dei ban mab ia u palat ban ia ka hynñiew sien. Ka dei ia me ban iai mab ia u wat lada u leh bakla ia me haduh hynñiew phew sien ki hynñiew.”⁴

²³“Te ka hima ki bneng ka long kum u syiem uba la kut jingmut ban lum noh ia la ka spah na ki shakri kiba la kit ram ha u.

²⁴U syiem u la sdang ban lum ia la ka spah. Uwei na ki shakri u la kit ram bun hajar talent^b ki sbai rupa. ²⁵Um shym la lah shuh ban siew ia ka ram sha la u kynrad, uba long u syiem. Kumta u kynrad u la hukum ba ia u bad kata baroh kaba u don yn die noh, kynthup ia ka tnga bad ki khun jong u. Ia ka spah yn pyndonkam ha kaba siew dep sha u syiem kat kum kaei kaba uta u shakri u la kit ram.

²⁶“Hynrei uta u shakri u la dem ha la ki khohsiew bad kyrpad, ‘Iaishah bad nga. Ngan sa siew lut ia kata kaba nga shah ram.’ ²⁷U Kynrad te u la sngewsynei ia u. Kumta u la ong ia uta u shakri ba um donkam shuh ban siew. U la mab ia u.

²⁸“Kham hadien, uta ujuh u shakri u la shem ia uwei pat u para shakri uba la shah ram ha u shispah ki spai rupa. U la bat ia u na ka ryndang bad ong, ‘Siew noh ia ka ram kaba me la shah ha nga!’

²⁹“Uta uwei pat u shakri u la dem ha la ki khohsiew bad kyrpad ia u, ‘To iaishah bad nga. Ngan sa siew ia me baroh kata kaba nga kit ram.’

³⁰“Hynrei uta u shakri ba nyngkong u la kyntait ban iaishah bad u. U la iaathuh ha u nongbishar ba uta u shakri u la shah ram ia u bad kumta ia uta u shakri la set byndi tad haduh ba un da lah ban siew dep ia kata baroh kaba u la shah. ³¹Baroh kita kiwei pat ki shakri ki la iohi ia kaei kaba la jia. Ki la sngewsih namar uta u brieve.

Kumta ki la leit ban iaathuh ha u kynrad jong ki ia baroh kata kaba la jia.

³²“Te uta u kynrad u la khot ia u shakri jong u bad u la ong, ‘Me u shakri ba bymman. Me la kyrpad ia nga ban mab noh ia ka ram jong me bad nga la ong ba mem donkam shuh ban siew wat khyndiat ruh!’ ³³Me la dei ban leh isynei ruh kumjuh ia uta uwei pat uba la shakri ia me kumba nga la isynei ia me.’ ³⁴Te u kynrad u la bitar shikatdei eh, kumta u la set byndi ia ka ban pynshitom ia u. Bad u la hap ban shong hangta tad haduh ba un da lah ban siew dep ia kata baroh kaba u la kit ram.

³⁵“Kumta ruh U Kpa jong nga uba ha bneng un leh ia phi lada phim ia mab iwei ia iwei naduh ka dohnud.”

U Jisu U Kren Shaphang Kaba Iapyllait Tnga

(Mk. 10:1–12)

19¹Hadien ba U Jisu u la kren ia kine kiei kiei, u la mih noh na Galilaia. U la leit te sha ki phang jong ka Judia kaba ha kawei pat ka liang jong ka waw Jordan. ²U paidbah ba bun u la bud ia u. Te U Jisu u la pynkhih ia kiba pang hangta.

³Katto katne na ki Pharisi ki la wan sha U Jisu. Ki la pyrshang ban kem daw ia ki jingkren jong u. Ki la kylli ia u, “Ka long ne em kaba dei ia u brieve ban phet noh na la ka tnga namar kano kano ka daw?”

⁴U Jisu u la jubab, “Phi la pule da shisha ia kane ha ka Jingthoh Bakhuid: Haba U Blei u la dep pynlong ia ka pyrthei, ‘u la thaw ia u brieve bad hadien kata ia ka brieve.’ ⁵Bad U Blei u la ong, ‘Dei na kata ka daw u brieve un iehnoh ia la u kpa bad ia la ka kmie bad un iasoh bad la ka tnga. Bad ki ar ngut kin ia long kawei.’ ⁶Kumta kim long shuh ar ngut, hynrei kawei. U Blei u la pyniasoh lang ia ki, kumta uno uno ruh um dei ban pyniakhlad ia ki.”

⁷Ki Pharisi ki la kylli pat ia u, “Te balei ba u Moses u ai ka hukum kaba shah ia u brieve ban pyllait ia la ka tnga da kaba thoh ia ka kot pyllait tnga?”

⁸U Jisu u la jubab, “U Moses u la shah ia phi ban pyllait ia la ka tnga namar ka dohnud kaba runar jong phi. Hynrei kam shym long kumta naduh kaba mynnyngkong. ⁹Nga ong ha phi ba uno uno uba pyllait noh ia la ka tnga, lait noh namar ka pop awria bad ba u da shongkurim noh ia kawei pat ka brieve u long uba rem na ka jong ka jingklum.”

¹⁰Ki synran U Jisu ki la ong ia u, “Lada ka long tang na kata ka daw ba u brieve

^a 18:22 hynñiew phew sien ki hynñiew ka jingkheñ dak kaba khraw bha, kaba mut ba kam don ka jingbuh pud ia ka jingmab.

^b 18:24 bun hajar talent Katba kum ka tynrai ka dei, “10,000 talanta” ne “ki talent.” Ka shi talent ka ia ryngkat la kumno kumno kumba. ²⁷ haduh 36 kg ka ksiar, ka rupa, lane ki sbai tama.

u lah ban pyllait noh ia la ka tnga, ka la khambha ban ym shongkurim.”

¹¹Te u la jubab, “Kane ka jingong ka long kaba shisha na ka bynta ia ki katto katne, hynrei ym ia baroh—tanga na ka bynta kito ha kaba ia kane ka jingai la ai.
¹²Don ki daw kiba iapher balei ba katto katne na ki brieve kim shongkurim. Don ia kiba la kha ryngkat bad ka jingbymlah ban shongkurim. Ia kiwei pat la pynlong kumta hadien. Bad kiwei ki kyntait ban shongkurim namar ka hima U Blei. Kane ka dei ia kito kiba lah ban pdiang ia ka.”

U Jisu U Pdiang Sngewbha Ia Ki Khynnah

(Mk. 10:13–16; Lk. 18:15–17)

¹³Te kiba bun ki brieve ki la wallam ia ki khynnah sha U Jisu ba kumta un ioh ban buh ia la ka kti ha ki ban kyrkhu bad ban duwai na ka bynta jong ki. Haba ki synran ki la iohi ia kane, ki la pynsangeh ia ki.
¹⁴Hynrei U Jisu u la ong, “Shah ia ki khynnah ban wan sha nga. Wat khang ia ki, namar ka hima ki bneng ka long ia kiba kum kine.”
¹⁵Hadien ba U Jisu u la kyrkhu ia ki, u la mih noh nangta.

U Riewspah U Kyntait Ban Bud Ia U Jisu

(Mk. 10:17–31; Lk. 18:18–30)

¹⁶Uwei u brieve te u la wan sha U Jisu bad u la kylli, “Ko Nonghikai, kaei kaba bha kaba nga dei ban leh ban ioh ia ka jingim bymjukut?”

¹⁷U Jisu u la jubab, “Balei ba me kylli na nga shaphang kaei kaba bha? Tang U Blei u long uba bha. Hynrei lada me kwah ban ioh ia ka jingim bymjukut, kohnguh ia ki hukum.”

¹⁸Uta u brieve u la kylli, “Kano na ki?”

U Jisu u la jubab, “Mem dei ban pyniap, mem dei ban klim, mem dei ban tuh, mem dei ban kren lamler shaphang kiwei,
¹⁹me dei ban burom ia la u kpa bad ia la ka kmie,’ bad ‘to ieid ia la u paramarjan jong me kumjuh kumba me ieid ialade.”

²⁰Uta u samla u la ong, “Nga la kohnguh lut ia kine ki hukum. Kaei pat kaba nga dang donkam?”

²¹U Jisu u la jubab, “Lada me kwah ban long jana, leit bad die noh ia kita baroh kiba me don. Ai sha kiba duk, te men ioh ia ki spah ha bneng. Hadien kata wan bad bud ia nga!”

²²Hynrei haba uta u samla u la iohsngew ba U Jisu u ong ia u ban sam noh ia la ka spah, u la sngewsih. Um shymla kwah ban

leh ia kane, namar ba u la don shibun ka spah. Kumta u la mih bad leit noh.

²³Te U Jisu u la ong ha la ki synran, “Nga ong ha phi ia kaba shisha, ba ka long kaba eh than ia uba ieid spah ban rung sha ka hima ki bneng.
²⁴Hoooid, nga ong ia phi, kan kham suk ia ka ut ban rung lyngba ka thliw thyrnia ban ia u riewspah ban rung sha ka hima ki bneng.”

²⁵Te ki synran ki la sngew shaiong ban iohsngew ia kane. Ki la kylli, “Haba kumta mano u ban iohlait im?”

²⁶U Jisu u la peit sha ki bad ong, “Da ki brieve kata ka bym lah, hynrei da U Blei kiei kiei baroh ki long kiba lah.”

²⁷Te u Petros u la ong ha u, “Ngi la ieh lut baroh kat kaba ngi la don bad ngi la bud ia me. Te kaei kaba ngin ioh?”

²⁸U Jisu u la ong ha ki, “Haba ka por jong ka jingpynlong thymmai ia ka pyrthei kan wan, U Khun u Brieve un shong ha ka khet kaba khraw bad ba dap burom. Nga kular ia phi kiba la bud ia nga phin shong ha ki khatar tylli ki khet bad phin bishar ia ki khatar jait ki Israel.
²⁹Baroh uta uba la iehnoh ia la ki iing, ki hymen ki para shynrang bad kynthei, u kpa, ka kmie, ki khun, lane ka lyngkha ia ka ban bud ia nga un ioh khambun na kata kaba u la iehnoh. Bad kin ioh ka jingim bymjukut.
³⁰Kiba bun kita kiba long nyngkong mynta kin sa long khatduh. Bad shibun kiba long khatduh mynta kin ioh long nyngkong ha ka por ban sa wan.

Ka Pharshi Shaphang Ki Nongtrei Ha Ka Brisoh

20¹“Ka hima ki bneng ka long kum u brieve uba don ia ka brisoh. Ha kawei ka step, uta u brieve u la leit dang step phyrngap ban khot trei ia ki brieve ha ka brisoh waiñ jong u.
²U la iaak ban siew ia ki nongtrei kawei ka sbai rupa na ka bynta shisngi. Te u la phah ia ki sha ka brisoh waiñ ban trei.

³“Kumba khyndai baje uta u brieve u la leit sha ka jaka iew bad u la iohi katto katne ki brieve ba ki ia ieng hangta khlem kano kano ka kam.
⁴Kumta u la ong ha ki, ‘Lada phi leit ban trei ha ka brisoh jong nga, ngan siew ia phi katba kum ka dor jong ka jingtrei.’
⁵Kumta ki la leit ban trei ha ka brisoh waiñ jong u.

“Uta u brieve u la leit biang pat ha ka por khatar baje bad lai baje. Ha baroh ar kine ki por u la khot bylla ia ki ban trei ha ka brisoh waiñ jong u.
⁶Kumba san baje uta u brieve u la leit biang sha ka jaka iew. U

la iöhi katto katne ki brieve ba ki ia ieng hangta. U la kylli ia ki, 'Balei ba phi shu ia ieng hangne baroh shisngi khlem kam?'⁷"Ki la jubab, 'Ym don mano mano ba ai kam ia ngi.'

"Uta u brieve u la ong ia ki, 'Lada ka long kumta phi lah ban leit bad ban trei ha ka brisoh waiñ jong nga.'

⁸"Ha kaba kut jong ka sngi, uta u trai jong ka brisoh u la ong ia uta uba khmih ia baroh ki nongtrei, 'Khot ia ki nongtrei bad to siew ia ka nong jong ki baroh. Sdang da kaba siew shuwa na kita ki brieve kiba nga la khot khatduh eh. To siew ia ki baroh da kaba pynkut ha kita kiba nga la khot nyingkong eh.'

⁹"Ki nongtrei ia kiba khot trei ha ka por san baje ki la wan bad ki la iöh ia la ka jingsiew. Baroh na ki, ki ia iöh mar kawei ka sbai rupa. ¹⁰Te kita ki nongtrei ia kiba la khot nyingkong eh ki la wan ban iöh ia la ka jingsiew. Ki la pyrkat ba kin iöh khambun ban ia kiwei pat. Hynrei baroh na ki, ki la ia iöh mar mar kawei ka sbai rupa. ¹¹Haba ki la iöh ia la ka sbai rupa, ki la mudui sha uta u trai jong ka brisoh. ¹²Ki la ong, 'Kito ki brieve kiba me la ainong khatduh eh ki trei tang shikynta. Hynrei me la siew ia ki kumjuh kum ia ngi kiba la trei shitom baroh shisngi ha ka jingkhluut jong ka sngi.'

¹³"Hynrei uta u brieve uba long u trai ka brisoh u la ong sha uwei na ki, 'Lok, nga la leh hok bad phi. Phi la ia kut ban trei na ka bynta kawei ka sbai rupa. Ym dei kumta? ¹⁴Kumta to shim ia la ka jingsiew bad leit noh. Nga kwah ban ai ia uta uba nga la khot trei khatduh kumjuh kumba nga la ai sha phi. ¹⁵Nga lah ban leh kat kaba nga mon bad la ka spah jong nga. Balei te ba phi da sngewpihuiñ namar ba nga leh sbun?'

¹⁶"Kumta kita kiba khatduh kin sa long nyingkong bad kito kiba long nyingkong kin sa long khatduh."

U Jisu U Kren Pat Ia La Ka Jingiap

(Mk. 10:32-34; Lk. 18:31-34)

¹⁷Te U Jisu u la nangleit sha Jerusalem. Ki khatar ngut ki synran jong u ruh ki la long lem bad u. Katba ki dang ia iaaid, u la ialam kyrpang ia ki bad kren sha ki. U la ong, ¹⁸"Ngin ialetit mynta sha Jerusalem. Bad ia U Khun u Brieve yn sa die ha ki lyngdoh ba kham hakham bad ha ki nonghikai ka hukum bad kin sa bishar pynrem ia u sha ka ban iap. ¹⁹Kin sa aiti ia u sha ki Jentil, ki ban sympat bein ruh ia u da ki thri bad nangta kin sa pyniap ia u halor ka

diengphna. Hynrei ha ka sngi kaba lai yn sa pynmihpat ia u."

Ka Jinkyrapad Kyrpang Jong Ka Kmie

(Mk. 10:35-45)

²⁰Te ka tnga u Sebedi ka la wan sha U Jisu bad ka la wallam ia la ki khun jong ka. Ka la dem mane hakhamat U Jisu bad ka la pan na u ban leh ei ei na ka bynta jong ka.

²¹U Jisu u la ong, "Kaei ba pha kwah?"

Ka te ka la ong, "Sngewbha kular ba uwei na ki khun jong nga un shong ha ka liang kamon ha ka hima jong me bad uwei pat ha ka liang kadiang."

²²Te U Jisu u la ong ha kita ki khun, "Phim shym sngewthuh ia kaei kaba phi ia pan. Phi lah ban dih na ka khuri^a kaba nga dei ban dih?"

Ki la jubab, "Hooi, ngi lah!"

²³U Jisu u la ong sha ki, "Ka long kaba shisha ba phin sa dih na ka khuri kaba ngan dih. Hynrei kam shong ha nga ban ong mano ban shong ha kamon ne ha kadiang jong nga. U Kpa jong nga u la dep rai mano ban iöh ia kata. U la pynkreh ia kito ki jaka na ka bynta jong ki."

²⁴Kita kiwei pat ki shiphew haba ki la iöhsngew ia kane ki la ia sngewbatar ia kine ki ar ngut shipara. ²⁵Te U Jisu u la khot lang ia la ki synran. U la ong, "Phi ia tip ba ki nongsynshar jong kita ki Jentil ki ieid ban pyni ia la ka bor halor la ki brieve. Bad kita ki nongialam ba kham paw jong ki, ki ieid ban pyndonkam ia ki iktiar halor la ki brieve. ²⁶Hynrei kam dei ban long kumta bad phi. Uno uno uba kwah ban long u nongialam hapdeng jong phi u dei ban long u shakri jong phi. ²⁷Uno uno uba kwah ban long uba kongsan tam hapdeng jong phi u dei ban shakri shuwa ia baroh kum u mraw. ²⁸Kumba U Khun u Brieve um shym wan ba ki brieve kin shakri ia u. U la wan ban shakri ia kiwei bad ban ai ia la ka jingim ban pynim ia kiba bun."

U Jisu U Pynkhiañ Ia Ki Ar Ngut Kiba Matlah

(Mk. 10:46-52; Lk. 18:35-43)

²⁹Haba U Jisu lem bad la ki synran ki dang mih na Jerikho, u paidbah ba bun u la bud ia u. ³⁰La don te ar ngut kiba matlah kiba da shong harud lynti. Ki la iöhsngew ba U Jisu un sa wan nangta. Kumta ki la pyrta,

^a **20:22 Khuri** Ka dak jong ka jingshahshitom kaba thew ia kata ka jingpdang ia ka jingshahshitom kaba un sa iashem ha ka jingjia kaba shyrkhei tam ka ban sa wan. Kumjuh ha ka dkhot kaba 23.

“Ko Kynrad, me U Khun u Dabid, to isynei lem ia ngi!”

³¹Kita ki brier hangta ki la kynteit ia kita kiba matlah bad ki la sneng ia ki ban sngap jar. Hynrei ki la nang kham pyrta shuh shuh, “Ko Kynrad, me U Khun u Dabid, to isynei lem ia ngi!”

³²U Jisu la sangeh bad u la ong ia ki, “Phi kwah ba ngan leh au ia phi?”

³³Ki la jubab, “Ko Trai, ngi kwah ban iohi.”

³⁴U Jisu u la sngewsynei na ka bynta jong ki. Kumta u la ktah ia ki khmat jong ki bad hangta hi ki la lah ban iohi. Hadien kane ki la bud ia U Jisu.

U Jisu U Rung Sha Jerusalem Kum U Syiem

(Mk. 11:1–11; Lk. 19:28–38; Jo. 12:12–19)

21 ¹Haba U Jisu bad ki synran ki la poi kham hajan ia ka Jerusalem, ki la sangeh nyngkong ha Bethphage ha u lum ba la khot U Lum ki Olib. Nangta U Jisu u la phah ia ki ar ngut na ki synran jong u shapoh shngong. ²U la ong ia ki, “Leit shapoh ka shngong kaba phi lah ban iohi nangta. Haba phin rung shapoh, phin shem ia ka kadda bad u khun jong ka. To law ia ki baroh ar bad wallam ia ki sha nga. ³Lada mano mano kin kyli ia phi balei ba phi ia shim ia ki kadda, iathuh ia ki, “U Kynrad u donkam ia ki. Un sa phah biang pat ia ki shen shen.”

⁴Kane ka la pyndep ia kaei ba u nongiatuhlypa u la ong:

⁵ “To iathuh ia ki brier ka Seion, ‘Hakhmih u syiem jong pha u la wan sha pha.

U long uba sngewrit bad u da shong halor u kadda,

u khun jong ka kadda, ka mrad ba kit jingkit.” *Sekharaiah 9:9*

⁶Ki synran ki la leit bad ki la leh thik kumba la bthah da U Jisu. ⁷Ki la wallam ia ka kadda bad ia u khun kadda sha u. Ki da siang ruh ia ki da ki jaiñkup jong ki bad ba U Jisu u da shong halor. ⁸Ha ka lynti sha Jerusalem, ki brier ki la siang ia la ki jaiñkup ha ka lynti na ka bynta U Jisu. Kiwei pat ki la kheit ia ki tnaad na ki dieng bad ki la siang ia ki ha ka lynti. ⁹Katto katne na uta u paidbah ki la nang iaaid ha shuwa U Jisu. Kiwei pat ki la iaaid nadien jong u. Ki baroh te ki la ia pyrta,

“Hossana ia U Khun u Dabid!

‘Ngi pdiang sngewbha! Ia uta uba wan ha ka kyrteng jong U Trai!’

Salm 118:25–26

Hossana ha kiba jrong tam eh!”

¹⁰Te U Jisu u la rung sha Jerusalem. Baroh u paidbah ha ka nongbah u la khyntwin. Ki la ia kyli, “Uei une u brier?”

¹¹U paidbah uba la bud nadien U Jisu u la jubab, “Une u dei U Jisu, u nongiatuhlypa na ka shngong Nasaret ka Galilaia.”

U Jisu U Rung Sha Ka Templ

(Mk. 11:15–19; Lk. 19:45–48; Jo. 2:13–22)

¹²Te U Jisu u la leit sha ki phyllaw ka Templ. U la beh noh shabar ia kito baroh kiba iadie bad iathied hangta. U la pynkylla khongpong ia ki miej jong kito kiba iapeiñ sbai bad ia kito kiba iadie ia ki paro. ¹³U Jisu u la ong ia ki, “Ka Jingthoh Bakhuid ka ong, ‘Ia ka Templ jong nga yn khot ka iing jingduwai.’ Hynrei phi phi la pynkylla ia ka ‘ka jaka rieh ki nongtuh.’” ¹⁴La don te kiba matlah bad kiba dkoh kiba la wan sha U Jisu ha ki phyllaw ka Templ. Te U Jisu u la pynkhiah ia ki. ¹⁵Ki lyngdoh ba kham hakmat bad ki nonghikai ka hukum ki la iohi ia kiei kiei kiba phylla ba la leh. Bad ki la iohi ruh ba ki khyannah ka da iaroh ia u ha ki phyllaw ka Templ, ki da pyrta, “Hossana ia U Khun u Dabid.” Kane baroh ka la nang pynbitar ia ki.

¹⁶Ki la ong ia U Jisu, “Me iohsngew ia kaei ba kine ki khyannah ki ia ong?”

U la jubab, “Hooi. Ka Jingthoh Bakhuid ka ong, ‘Me la hikai ia ki khyannah bad ia ki khunlung ban ai jingiaroh.’ Phim ju pule ia kata ha ka Jingthoh Bakhuid?”

¹⁷Hadien kane U Jisu u la leit noh nangta sha ka shngong Bethania bad u la sah miet hangta.

U Jisu U Pyni Ia Ka Bor Jong Ka Jिंगngeit

(Mk. 11:12–14, 20–24)

¹⁸Dang step eh ha ka sngi kaba bud, U Jisu u la leit phai pat sha ka nongbah. Te u la sngewthngan. ¹⁹Haba u la iohi ia u dieng soh dumbur harud lynti u la leit ban iohi soh na u. Pynban ym shym la don soh ei ei ha uta u dieng hynrei tang ki sla. Kumta U Jisu u la ong ia uta u dieng, “Men ym pynmih soh shuh lano lano ruh!” Te hangta hi uta u dieng dumbur u la iap tyrkhong noh.

²⁰Haba ki synran ki la iohi ia kane, ki la sngewkyndit. Ki la ia kyli, “Kumno uta u

dieng u lah da kloï iap tyrkhong kumne kumne?"

²¹U Jisu u la jubab, "Da shisha nga ong ha phi, ba lada phi don ka jingngeit bad khlem da artatien, phin lah ban leh ia kajuh kumba nga la leh ia une u dieng bad phin leh ruh kham khraw shuh shuh. Phin ong te ia une u lumbah, 'Ko lumbah to leit bad hap sha ka duriaw' bad lada phi ngeit, kan long kumta. ²²Lada phi ngeit, phin iohpdiang kano kano kaba phi pan ha ka jingduwai."

Ki Nongialam Jiw Ki Artatien İa Ka İktiar U Jisu

(Mk. 11:27-33; Lk. 20:1-8)

²³Te U Jisu u la leit sha ki phyllaw jong ka Templ. Katba u dang hikai hangta, ki lyngdoh ba kham hakhmat bad ki basan ki la wan bad kylli ia u, "To iathuh ia ngi! Ka iktiar aiu me don ba me la leh ia kine kiei kiei baroh? Mano ba la ai ha me ia kane ka iktiar?"

²⁴U Jisu u la jubab, "Ngan kylli ruh ia phi ia kawei ka jingkylli. Lada phi jubab ia, te nga ruh ngan iathuh ha phi da ka iktiar aiu nga lah ban leh ia kine kiei kiei. ²⁵Iathuh ia nga: Haba u İoannis u pynbaptis ia ki briew, hato ka iktiar jong u ka dei na U Blei ne na ki briew?"

Ki te ki la İakren para ma ki shaphang ka jingkylli U Jisu bad ki la ia ong, "Lada ngi ong, Ka jingpynbaptis u İoannis ka long na U Blei,' te un sa ong, 'Te balei ba phim shym la ngeit ia u İoannis?' ²⁶Hynrei ngim lah pat ban ong ba ka jingpynbaptis u İoannis ka long na ki briew. Ngı sheptieng ia u paidbah, namar baroh ki ngeit ba u İoannis u dei u nongiathuhlypa."

²⁷Kumta ki la ong ia U Jisu, "Ngim tip ia ka jubab."

U Jisu u la ong, "Te nga ruh ngan ym iathuh mano ba la ai ha nga ia ka iktiar ban leh ia kine kiei kiei.

U Jisu U İathuh İa Ka Pharshi Shaphang Ki Ar Ngut Ki Khun

²⁸"İathuh ia nga aiu phi pyrkhata shaphang kane: La don uwei u briew uba la don ar ngut ki khun shynrang. U la leit sha uba nyngkong bad u la ong, 'Khun, khie leit bad to trei ha ka brisoh mynta ka sngi.'

²⁹"Uta u khun u la jubab, 'Ngam treh.' Hynrei hadien ba u la pyrkhata bha u la rai ban leit bad kumta u la leit.

³⁰"Hadien kata u kpa u la leit sha u khun uba ar bad u la ong, 'Ko Khun, khie leit bad to trei mynta ka sngi ha ka brisoh.' U te u

la jubab. 'To pa ngan leit.' Hynrei um shym la leit satia.

³¹"Uno na kine ki khun uba la kohnguh ia la u kpa?"

Ki la ong ha u, "U khun uba nyngkong."

Te U Jisu u la jubab sha ki, "Da shisha nga ong, phi kham sniew ban ia ki nonglum khajna bad ki nuti. Ma ki kin ioh ban rung sha ka hima U Blei ha shuwa jong phi. ³²U İoannis u la wan ban pyni ha phi ia ka lynti kaba dei ban im, pynban phim shym la ngeit ia u. Hynrei ki nonglum khajna bad ki nuti ki la ngeit ia u İoannis. Phi la iohi ba kata ka jia, hynrei phim shym la kylla. Phi İai kyntait ban ngeit ia u.

U Blei U Phah İa La U Khun

(Mk. 12:1-12; Lk. 20:9-19)

³³"To sngap ia kane ka pharshi: Don uwei u briew uba la don ia kawei ka brisoh. U la tei ia ka kynroh baroh sawdong bad u la tih ruh ia ka thliw na ka bynta ban shna ia ka kor tylliat soh. Hadien kata u la tei ruh ia ka İing ap phiira. U la aiwai ia ka sha ki nongsumar brisoh bad hadien kata u la mih noh ban leit jingleit. ³⁴Te haba la poi ka aiom ban kheit soh, u la phah ia ki shakri jong u sha kita ki nongsumar brisoh ban ioh ia la ka bynta.

³⁵"Hynrei ki nongsumar brisoh ki la kem ia kine ki shakri. İa uwei na ki, ki la shoh ia uwei ki la pyniap bad ia uwei pat ki la lynthem maw haduh ban da iap. ³⁶U trai brisoh te u la phah sa kiwei pat ki shakri kiba kham halor. U la phah khambun ban ia kaba u la phah ha kaba mynnyngkong. Hynrei kita ki nongsumar brisoh ki la leh kumjuh ia ki ruh kumba ki la leh ia kiba nyngkong. ³⁷Kumta uta u trai u la rai ban phah ia la u khun sha ki. U da pyrkhata, 'Lehse kin burom ba u dei u khun jong nga.'

³⁸"Hynrei haba kita ki nongsumar brisoh ki la iohi ia uta u khun, ki la İakren para ma ki, 'Une u dei u khun uba long u nongiokhynti jong kane ka brisoh. Lada ngin pyniap noh ia u, kane kan sa long ka jong ngi.' ³⁹Kumta kita ki la shim ia uta u khun, ki la shop ia u shabar ka brisoh bad ki la pyniap noh ruh ia u.

⁴⁰"Haba kumta kaei kaba u trai jong ka brisoh un leh ia kine ki nongsumar brisoh ynda un wan?"

⁴¹Ki lyngdoh bad ki basan ki la jubab, "Khlem pep un pyniap noh khoit ia kito ki nongsumar brisoh ba bymman. Hadien kata un aiwai pat ia ka sha kwei ki nongsumar brisoh, kiba lah ban ai ha u ia ka bynta jong u ha ka aiom kheit."

⁴²Te U Jisu u la ong ia ki, “Shisha phi la pule ia kane ha ka jingthoh Bakhuid:

‘U maw uba ki nongtei ki la kyntait
ban pdiang
u la kylla long u mawdong.
U Trai u la leh ia kane,
bad ka long kaba iphylla ha ngi.’

Salm 118:22-23

⁴³“Kumta nga ong ha phi ba ia ka hima U Blei yn shim noh na phi. Yn ai sha ki brier ki ban leh ia kaei kaba U Blei u kwah ha ka hima jong u. ⁴⁴Uno uno u ban hap ha une u maw yn pynkheih ia u, hynrei jar ha uba une u maw un hap yn pynlwet jin ia u.”

⁴⁵Haba ki lyngdoh ba kham hakmat bad ki Pharisi ki la iohsngew ia kine ki pharshi, ki la tip ba U Jisu u la kren shaphang jong ki. ⁴⁶Ki la kwah ban shem ia ka lad ban kem ia U Jisu. Hynrei ki sheptieng ban leh ei ei, namar ba u paidbah u n̄iew ba U Jisu u dei u nongiatuhlypa.

Ka Pharshi Shaphang U Paidbah Ba La Khot Sha Ka jingkhawai

(Lk. 14:15-24)

22 ¹U Jisu u la pyndonkam shuh shuh ia ki pharshi ban hikai ia u paidbah. U la ong, ²“Ka hima ki bneng ka long kum u syiem uba la pynkreh ia ka jingkhawai kyntiew kurim na ka bynta u khun. ³U la khot sngewbha ia ki katto katne ki brier sha ka jingkhawai. Haba ka la dei te ka por, u syiem u la phah ia la ki shakri ban iathuh ia ki ba kin wan. Hynrei ki la kyntait ban wan sha ka jingkhawai u syiem.

⁴Te u syiem u la phah shuh ia ki shakri jong u. U la ong ia ki, ‘Nga la dep khot sngewbha ia ki. Kumta to iathuh ha ki ba nga la dep pynkreh ia ka jingkhawai. Nga la dep pyniap ia ki jingri kiba sngaid bad ba kynsai tam ia ka ban bam doh. Kumta to wan sha ka jingkhawai kyntiew kurim kaba nga la dep pynbit pynbiang lut baroh.’

⁵Hynrei haba kita ki shakri ki la iathuh ia ki ban wan, ki la kyntait ban shahshkor. Ki baroh ki la leit ban leh ia kiwei pat ki kam. Uwei u la leit ban trei ha la ka lyngkha bad uwei pat u la leit sha la ka kam khaii. ⁶Katto katne na kiwei pat ki la kem ia ki shakri, ki la shoh bad pyniap ruh ia ki. ⁷Te u syiem u la bitar eh. U la phah ia la ki shipai jong u ban pyniap ia kito baroh kiba la pyniap ia ki shakri jong u. Bad ki shipai ki la thang ia kata ka shngong jong ki.

⁸“Hadien kata u syiem u la ong ia la ki shakri, ‘Ka jingkhawai kyntiew kurim

ka long kaba la pynkreh. Nga la khot sngewbha ia kito ki brier, hynrei kim long kiba bit nam ban wan sha ka jingkhawai jong nga. ⁹Kumta to leit sha ki kyndong jong ka lynti bah bad khot sngewbha ia kat uba phi iashem. Ong ia ki ban wan sha kane ka jingkhawai kyntiew kurim.’ ¹⁰Kumta kita ki shakri ki la leit sha ki lynti bah. Ki la lum ia baroh ki brier katba ki lah ban shem, kiba bit nam bad ki bym bit nam ruh kumjuh bad la wallam ia ki sha ka jingkhawai kyntiew kurim. Te la pyndap ia kata ka jaka da kita kiba la shah khot sngewbha.

¹¹“Haba u syiem u la wan ban iashem bad kita ia kiba la khot sngewbha, u la iohi ia uwei u bym shym la kup ha ki jaiñ kiba dei na ka bynta kata ka jingkyntiew kurim. ¹²U syiem u la ong, ‘Ko Lok, kumno me ioh ban rung hangne? Mem shym la kup ia ka jaiñ kyntiew kurim.’ Hynrei uta u brier um shym la kren ei ei. ¹³Kumta u syiem u la ong ia la ki shakri, ‘To khum ia une u brier. Bret ia u sha kaba dum tliw tliw, hangta ha ka ban long ka jingkdorit bad kyriat bniat.’

¹⁴“Hoodi, shibun la khot, hynrei tang khyndiat la jied.”

Ki Nongialam Jiw Ki Pyrshang Ban Riam Ia U Jisu

(Mk. 12:13-17; Lk. 20:20-26)

¹⁵Te ki Pharisi ki la mih noh na kata ka jaka ha kaba U Jisu u la hikai. Ki la subhuit ban ioh kem ia u ha ka jingkren jong u. ¹⁶Ki la phah katto katne na ki synran jong ki bad katto katne na kita kiba dei ki jong u Herod sha U Jisu. Ki la ong, “Ko Nonghikai, ngi tip ba me long u brier uba hok. Ngii tip ruh ba me hikai ia ka jingshisha shaphang ka lynti U Blei. Mem da salia than aiu kiwei ki pyrkhath shaphang jong me. Baroh ki ia long kumjuh ha me. ¹⁷Kumno me pyrkhath to iathuh ia ngi. Ka long kaba dei ne ka bymdei ban siew khajna sha u Kaisar?”

¹⁸Hynrei U Jisu u la tip ba kine ki brier ki pyrshang ban riam ia u. Kumta u la ong, “Phi kiba arsap! Balei ba phi ia pyrshang ban pynngat ia nga ha kaba kren sniew? ¹⁹Pyni ha nga ia u sbai ha kaba phi ju ia siew khajna.” Ki la pyni ha u ia u sbai rupa. ²⁰Te u la kylli, “Ka jongno ka dur ha une u sbai? Bad ka jongno ruh ka kyrteng ba la thoh hangne?”

²¹Ki la jubab, “Ka dur bad ka kyrteng jong u Kaisar.”

Te U Jisu u la ong ha ki, “Ai sha u Kaisar namar kata ia kaba dei ka jong u Kaisar bad ai sha U Blei ia kaba dei ka jong U Blei.”

²²Haba ki la iohsngew ia kaei kaba U Jisu u la ong, ki la sngewlyngngoh. Te ki la iehnoh ia u bad ki la leit noh.

Ki Saddusi Ki Pyrshang Ban Riam Ia U Jisu

(Mk. 12:18-27; Lk. 20:27-40)

²³Ha kata kajuha ka sngi katto katne na ki Saddusi ki la wan sha U Jisu. Ki Saddusi ki ngeit ba ym don ka jingmihpat jong kiba iap. Te ki la kylli jingkylli ia U Jisu, ²⁴“Ko Nonghikai, u Moses u la ong ba lada u briew u iap bad um shym la don khun, u para jong u, u dei ban shongkurim ia kata ka briew khnang ba kan ioh khun na ka bynta u hynmen uba la iap. ²⁵Don te hapdeng jong ngi hynniew ngut shipara. Uba nyngkong u la shongkurim hynrei u iap noh u bym shym la don khun. Kumta u para jong u u la shongkurim ia ka ruh. ²⁶Hadien kata uta u para ba ar ruh u iap noh. Kajuha ka la jia ia uba lai bad baroh kita ki hynniew ngut shipara. ²⁷Khatduh eh kata ka briew ruh ka la iap. ²⁸Hynrei baroh hynniew ngut ki la shongkurim ia ka. Haba kumta ha ka jingmihpat, ka tnga jongno kan long?”

²⁹U Jisu u la jubab, “Phi la bakla! Phim tip aiu ka jingthoh Bakhuid ka ong bad phim tip hi ruh ia ka bor U Blei. ³⁰Ha ka por ba ki briew kin mihpat na ka jingiap, kan ym don shuh ka jingshongkurim lane ka jingpynshongkurim. ³¹Da shisha phi la pule ia kaei kaba U Blei u la kren shaphang ka jingmihpat na ka jingiap. ³²U Blei u ong, ‘Nga long U Blei jong u Abraham, U Blei jong u Isaak bad U Blei jong u Jakob.’ U long U Blei jong kiba im te ym jong kiba iap.”

³³Haba ki briew te ki la iohsngew ia kane, ki la lyngngoh ia ka jinghikai U Jisu.

Kano Ka Hukum Kaba Kongsan Tam?

(Mk. 12:28-34; Lk. 10:25-28)

³⁴Ki Pharisi ki la tip ba ki Saddusi ki la sangeh na kaba pyrshang ban isaaid nia bad U Jisu namar ba u la pyniap nia ia ki. Kumta ki Pharisi ki la iakynduh lang. ³⁵Te uwei na ki, u riwshemphang ha ka Hukum u Moses, u la kylli ban tynjuh ia U Jisu. ³⁶U la ong, “Ko Nonghikai, kano ka hukum kaba kongsan tam na ki hukum?”

³⁷U Jisu u la jubab, “‘Men ieid ia U Trai U Blei jong me da ka dohnud jong me baroh, da ka jingim jong me baroh bad da ka jingmut jong me baroh.’ ³⁸Kane ka long ka hukum kaba nyngkong bad kaba kongsan tam. ³⁹Bad ka hukum kaba ar ka long kum ka hukum

kaba nyngkong: ‘Men ieid ia la u para marjan jong me kumjuh kumba me ieid ialade.’ ⁴⁰Ha kine ki ar tylli ki hukum la pynsdien ia baroh ki hukum bad ki jingthoh jong ki nongiatulypa.”

U Khrist U Dei U Khun Jongno?

(Mk. 12:35-37; Lk. 20:41-44)

⁴¹Katba ki Pharisi ki dang ialum lang, U Jisu u la kylli jingkylli ia ki. ⁴²U la ong, “Phi pyrkhata kumno shaphang U Khrist? U dei U Khun jongno?”

Ki Pharisi ki la jubab, “U Khrist u dei U Khun jong u Dabid.”

⁴³U Jisu u la ong, “Te balei pat u Dabid u khot ia u, ‘U Trai?’ U Dabid da ka bor U Mynsiem u la ong,

⁴⁴‘U Blei u la ong ha U Trai jong nga:

To shong sha ka liang kamon jong nga,
tad ynda ngan buh ia ki nongshun
jong me hapoh ki kjat jong me.’

Salm 110:1

⁴⁵U Dabid u khot ia U Khrist “U Trai”. Haba kumta kumno u lah ban long U Khun jong u Dabid?”

⁴⁶Ym don na ki Pharisi kiba lah ban jubab ia ka jingkylli U Jisu. Bad hadien kata ka sngi, ym don shuh kiba nud ban kylli jingkylli ia u.

U Jisu U Kynthoh Ia Ki Nongialam Niam

(Mk. 12:38-40; Lk. 11:37-52; 20:45-47)

23 ¹Hadien kane U Jisu u la kren sha u paidbah bad sha la ki synran. U la ong, ²“Ki nonghikai jong ka hukum bad ki Pharisi ki don ka bor ban iathuh ha phi ia kaei kaba ka Hukum u Moses ka ong. ³Ka long kaba dei ia phi ban kohnguh ia ki bad ban leh ia kata baroh kaba ki hikai ia phi. Hynrei ia ka jingleh jong ki phi wat ia pyrthuh bud. Ki ong ia phi ban leh ia kiei kiei, hynrei ialade kim leh. ⁴Ki thaw ia ki aih kiba pyrkhing bad kiba eh na ka bynta kiwei. Ki pynbor ruh ia ki ban kohnguh ia ki baroh. Hynrei ma ki dalade pat kim ju pyrshang ban leh ia kita.

⁵“Ka daw ba kongsan ba ki leh ia kita ka long khnang ba ki briew kin iohi ia ki. Ki shna pynneh ia kita ki synduk rit ba don ka jingthoh Bakhuid” kaba ki deng. Bad ki thaifi

^a **23:5 ki synduk rit ba don ka jingthoh Bakhuid** ki Synduk snieh kiba rit kiba don saw tylli ki jingthoh bakhuid. Don ki Jiw kiba teh ia kine ha ki shyllangmat bad ha ka kti kadiang jong ki ban pyni ia ka jingaiti jong ki sha U Blei bad ka Ktien jong u. Don ki Pharisi kiba kham pynneh ia kine ban pyni paidbah ba ki kham riwblei ban ia kiwei.

ruh ia ki jingkyrdoh ksai ha ki jaini jingduwai jong ki kiba jrong khnang ba ki brieve kin ithuh ia ki. ⁶Kine ki brieve ki ieid ban ioh ia ki jaka ba donburom ha ki iingkhawai bad ia ki jaka shong ba kongsan ha ki synagog. ⁷Ki ieid ba ki brieve kin leh burom ia ki ha ki jaka ieuw bad ban khot ruh ia ki 'Ki Nonghikai.'

⁸"Hynrei phim dei ban shah ba yn khot ia phi 'Nonghikai'. Phi baroh phi ia long mar ryngkat kum shipara. Phi don tang uwei u Nonghikai. ⁹Bad wat khot iano iano ha ka pyrthei 'U Kpa.' Phi don tang uwei U Kpa, uba ha bneng. ¹⁰Bad ym dei ban khot ia phi 'Kynrad.' Phi don tang uwei u Kynrad, uba U Khrist. ¹¹Uta uba kham khraw hapteng jong phi u dei ban long u shakri jong phi. ¹²Ki brieve kiba pynkhraw ialade yn pynpoh ia ki. Hynrei kita kiba pynpoh ialade yn pynkhraw ia ki.

¹³"Phi ki nonghikai ka hukum bad ki Pharisi, phi long kiba arsap! Kordit ia phi namar phi khang lynti ia kiwei ban rung sha ka hima ki bneng. Ialade phim treh bad ia kiwei ruh phim shah ban rung. ¹⁴Phi ki nonghikai ka hukum bad ki Pharisi, phi long kiba arsap! Kordit ia phi namar phi kniehnoh ia ki iing shong jong ki riengkynthei. Haden kata phi pynlong ki jingduwai kiba jlan ba kumta ki brieve kin iohi ia phi. Naba kumta phin ioh ka jingpynshitom kaba kham jur.

¹⁵"Phi ki nonghikai ka hukum bad ki Pharisi, phi long kiba arsap! Kordit ia phi namar phi leit sha shiliang ka duriaw bad sha ki ri kiba pher ban shem ia uwei u ban bud ia ki lynti jong phi. Bad haba phi shem ia u, phi pynlong ia u uba kham sniew ban ia phi hi. Bad phi long bymman haduh katta katta kat haduh ba ka dujok ka long ka bynta jong phi!

¹⁶"Phi ki nongialam ba matlah! Kordit ia phi namar phi ong, lada uno uno u smai ia la ka kular ha ka Templ, kata kam don jingmut ei ei. Hynrei lada uno uno u smai ia la ka kular ha ka ksiar jong ka Templ u dei ban bat ia ka.' ¹⁷Phi ki matlah kiba bieit! Hato phim lah ban sngewthuh ba ka Templ ka kham khraw ban ia ka ksiar ha ka? Ka dei ka Templ kaba pynlong kyntang ia ka ksiar!

¹⁸"Bad phi ong, 'Lada uno uno u smai ia la ka kular ha ka duwan, kata kam don jingmut ei ei. Hynrei uno uno uba smai ia la ka kular ha ka jingai kaba ha ka duwan u dei ban bat ia la ka kular.' ¹⁹Phi kiba matlah! Hato phim lah ban sngewthuh ba ka duwan ka kham khraw ban ia ka jingai kaba ha ka? Ka dei ka duwan kaba pynlong

kyntang ia ka jingai! ²⁰Uno uno uba smai ia la ka kular ha ka duwan, da shisha u smai ha ka duwan bad ha kata baroh kaba don ha ka. ²¹Bad uno uno uba smai ia la ka kular ha ka Templ, da shisha u smai ha ka Templ bad ha U Blei uba shong ha ka. ²²Uno uno uba smai ia la ka kular ha ka bneng, u smai ha ka khet U Blei bad ha uta uba shong halor jong ka.

²³"Phi ki nonghikai ka hukum bad ki Pharisi, phi long kiba arsap! Kordit ia phi namar phi ai ia kaba shipew na kata ka jingbam kaba phi ioh, wat ia u pudina, u soph bad u jira. Hynrei phim shym kohnguh pat ia kita ki jinghikai kiba kham kongsan jong ka hukum—ban leh bha, ban pyni ia ka jingleh isynei bad ka jinglong ba iaineh. ²⁴Phi ialam lynti ia kiwei, katba ialade phi long kiba matlah! Mutdur ia u brieve uba pjiar noh ia u skaiifi na ka jingdih jong u bad uba nguid pynban ia ka ut! Phi, phi ia long kumta.

²⁵"Phi ki nonghikai ka hukum bad ki Pharisi, phi long kiba arsap! Kordit ia phi namar phi sait pynkhuid ia kaba shabar jong ka khuri bad ka pliang. Hynrei ha kaba shapoh pat ka dap da kata kaba phi ioh na kaba shukor ia kiwei bad da ka jingkwah lalot. ²⁶Ko Pharisi matlah! Nyngkong eh pynkhuid ia kaba shapoh jong ka khuri bad ka pliang, te kaba shabar kan sa khuid hi.

²⁷"Phi ki nonghikai ka hukum bad ki Pharisi, phi long kiba arsap! Kordit ia phi namar phi long kum ka jingtep kaba la pushara lieh. Ha kaba shabar ki paw itynnad bha, hynrei ha kaba shapoh ki dap tang ki shyieng jong kiba iap bad ka pyut. ²⁸Ka long kumjuh bad phi. Ki brieve ki peit ha phi bad ki pyrkat ba phi long kiba riwblei. Hynrei ha kaba shapoh phi long kiba dap tang da ka jingarsap bad ki jingbymman.

²⁹"Phi ki nonghikai ka hukum bad ki Pharisi, phi long kiba arsap! Kordit ia phi namar phi tei ia ki mot jingtep na ka bynta ki nongiathuhlypa. Bad phi leh thawburom ia ki jingtep jong ki brieve kiba riwblei ia kiba la pyniap. ³⁰Bad phi ong, 'Lada ngin jin da la im ha ki por jong ki kpa tymmen jong ngi, ngin ym jin da la kubur ia ka jingpyniap ia ki nongiathuhlypa.' ³¹Kane ka pynshisha ba phi hiar pateng na kito kiba pyniap noh ia ki nongiathuhlypa. ³²Bad phin pyndep ia kata ka pop kaba ki kpa tymmen jong phi ki la sdang!

³³"Phi ki bseifi bad ki khun ki ksiew jong ki 'seiñpuh! Kumno phin iohlait na ka jingbishar pynrem U Blei bad na ka dujok

ding?³⁴Naba kumta nga ong ha phi ia kane: Nga phah ha phi ia ki nongiathuhlypa, ia ki riwestad bad ki nonghikai ka hukum. Ia kiba katto katne na ki phin sa pyniap noh. Katto katne phin sa sdien ha ka diengphna. Phin sympat ruh ia ki ha ki synagog jong phi bad phin beh kthong ruh ia ki na kawei ka shnong sha kawei pat.

³⁵“Te kumta phi long kiba rem na ka bynta ka jingpyniap ia ki briew kiba hok baroh ha ka khyndew, naduh u Abel haduh u Sekharaiah u khun jong u Barakhaiah ia uba phi la pyniap ia u ha marpdeng ka jaka kyntang bad ka duwan.³⁶Ngeit ia nga haba nga ong ba kine kiei kiei baroh kin jia ha phi ki briew kiba dang im haduh mynta.

U Jisu U Maham Ia Ki Briew Ka Jerusalem

(Lk. 13:34-35)

³⁷“Ah Jerusalem, Jerusalem! Pha kaba pyniap ia ki nongiathuhlypa. Pha lynthem maw ia kito kiba U Blei u la phah ha pha. Bun bunsien nga la kwah ban kdup ia ki khun jong pha kumba ka syiar ka kdup ia la ki khun, hynrei pham shym la shah ia nga.³⁸Mynta ia ka iing jong pha yn iehnoh iingjah.³⁹Nga ong ha pha, ba phan ym iohi shuh ia nga tad ynda phan ong, ‘To wan! Ngi pdiang sngewbha ia uta uba wan ha ka kyrteng U Trai.’”

U Jisu U Maham Shaphang Ka Por Ka Ban Sa Wan

(Mk. 13:1-31; Lk. 21:5-33)

24¹Te U Jisu u la mih na ki phyllaw ka Templ ia ka ban leit noh; te ki synran jong u ki la wan ban pyni ha u ia ki jingtei jong ka Templ.²U la ong te ha ki, Hato phi iohi ia kine ki jingtei? Da shisha nga ong ha phi, ba yn sa pynjot noh ia baroh. Uwei-pa-uweu u maw yn pynhap noh sha madan. Yn ym iehnoh ruh uwei u maw halor jong uwei pat.”

³Katba U Jisu u dang shong ha u Lum ki Olib. Ki synran ki la wan ha u. Ki la ong, “To iathuh ha ngi lano ba kine kiei kiei kin jia. Bad kiei ki dak jong ka jingwan jong me bad kaba wai noh jong ka pyrthei?”

⁴U Jisu u la jubab, “To sumar! Wat ai ba uno uno ruh un shukor ia phi.⁵Shibun te kin wan bad kin pynndonkam ia ka kyrteng jong nga. Kin ia ong ruh, ‘Nga long U Khrist.’ Bad kin ia shukor ia kiba bun.⁶Phin iohsngew ia ki jingialehthma ha kylleng ki jaka bad ruh ia ki jingsdang jong kiba bun ki thma. Hynrei wat sheptieng. Kine kiei kiei ki dei ia ka ban jia ha shuwa ba kaba

kut kan wan.⁷Ki jaitbynriew kin ialeh ia ki jaitbynriew. Ki hima ia ki hima. Kan don ruh ka nemsniew bad ka jingkynduh jingbam. Bad kin jia ki jingkhynriuh jumai ha kylleng ki jaka.⁸Kine baroh ki long tang ka jingsdang jong ki jingjynjar, kum ka jingsdang ka jingsuh khun jong ka kynthei ka ban sa kha ia i khun.

⁹“Te kin sa kem ia phi bad aiti ruh ia phi ia ka ban pynshitom bad ban pyniap. Ki briew na kylleng ka pyrthei kin shun ia phi namar ba phi ngeit ha nga.¹⁰Ha kaba kum kata ka por kiba bun ki bangeit kin duh noh ia la ka jingngeit. Kin ialeh pyrshah bad shun iwei ia iwei pat.¹¹Shibun ki nongiathuhlypa lamler kin wan mih bad kin pynlong ia ki briew ban ngeit ia kiei kiei kiba lamler.¹²Ka jingbymman kan kharoi ha ka pyrthei kat haduh ba ka jingieid jong ki bangeit kan man khriat noh.¹³Hynrei tang kita ki ban iaineh haduh kaba kut kin iohlait im.¹⁴Bad ia kata ka Khubor Babha kaba nga la ialap kaba long shaphang ka hima ki bneng yn ialap sha ka pyrthei baroh kawei. Yn pynsaphriang ia ka sha baroh ki kynja bynriew. Ynda kumta kaba kut kan sa jia.

¹⁵“U Daniel u nongiathuhlypa u la kren shaphang ka jingijli ba pynjot.’ Phin iohi ia kane ka jingijli ba ka da ieng ha ka jaka kyntang.” (Phi kiba pule ia kane phi dei ban sngewthuh ka mut aiu.)¹⁶“Ki briew kiba don ha Judia ha kata ka por ki dei ban phet iap sha ki lumbah.¹⁷Ki dei ban ia phet iap khlem da pynsepei ia ka por. Lada ki don ha ki tnum iing, kim dei ia ka ban hiar ban shim ei ei napoh iing.¹⁸Lada ki don ha ki lyngkha kim dei ban leit phai ia ka ban shim ia la ka jaiinkup.

¹⁹“Ha kaba kum kata ka por kan long kaba eh ia ki kynthei kiba punkhun, lane kiba don ia la ki khun rit!²⁰Duwai ba kan ym dei ha ka por tlang lane ha ka ngi Sabbaton haba kine kiei kiei kin jia ha kaba phi hap ia ka ban phet iap.²¹Namar ba ka long ka por jong ka jingjynjar kaba khraw ka bym pat ju jia naduh ba sdang ka pyrthei haduh mynta bad kaba kum kata kan ym jia shuh lano lano ruh.

²²“Hynrei U Blei u la thmu ban pynlyngkot ia kata ka por jong ka jingjynjar. Lada um leh kumta, yn ym don ki ban iohlait im bad u la pynlyngkot ia kata ka por na ka bynta kiba la jied jong u.

²³“Don ki ban ong ha kata ka por, ‘Hakhmih, hangtai u don U Khrist!’ Lane kiwei pat ki lah ban ong, ‘Utai hangtai!’ Hynrei wat ngeit ia ki.²⁴Ki khrist lamler

bad ki nongäiathuhlypa lamler kin wan bad kin leh äa shibun ki kambah bad ki dak khyllah, kin pyrshang ban shukor lada lah wat äa kiba la jied jong U Blei. ²⁵Mynta nga la maham äa phi shaphang kane ha shuwa ba kan jia.

²⁶“Kin don ki ban ong äa phi, ‘U Khrist u don ha ka ri khlaw!’Hynrei wat leit shata äa ka ban wad äa u. Kin don ki ban ong, ‘Hangtai ha ka kamra u don U Khrist!’ Hynrei phi wat ngeit äa kata. ²⁷Haba U Khun u Briew un wan, baroh kin iöhi äa u. Kan long kum ka jingthaba leilieh ha ka sahit bneng ha kaba baroh ki lah ban iöhi na kylleng kylleng. ²⁸Kan long kumba phi wad äa ka met kaba la iap: Phin shem äa ka hangta ha kaba ki pukni ki äalum.

²⁹“Kumne kumne ruh hadien ka jingjynjar jong kito ki sngi, kane ka dei kaei ka ban sa jia:

‘Äa ka sngi yn pynkylla dum
bad u bnai un ym ai shuh äa ka
jingshai.
Ki khlor kin hap na sahit bneng.
Bad baroh kita kiba ha ka
suiñbneng yn pynkhynñiuh.’

³⁰“Hadien kane te kan don ka dak ha ka suiñbneng ka ban pyni ba U Khun u Briew un wan. Baroh ki briew ha ka pyrthei kin lynñiar. Baroh ruh kin iöhi äa U Khun u Briew ba u wan ha ki lyoh ha ka sahit bneng ha ka bor bad ka burom kaba khraw eh. ³¹Haba ka turoi kaba jam kan sawa un phah noh äa la ki angel naduh kaba sdang ki bneng haduh kaba kut jong ki, ban lum äa kiba la jied jong u na sawdong ka pyrthei.

³²“To ioh jinghikai na ka pharshi u dieng dumbur: Haba ki tñad jong u ki la sdang ban khie lung bad ki sla ki la shylluit, te phi tip ba ka lyiur ka la hajan. ³³Ha kajuh ka rukom, haba phin iöhi äa kine kiei kiei ba ki jia, phin tip ba ka por ka la jan bha. ³⁴Da shisha nga iathuh ha phi ba kata ka pateng bynriew ka ban iöhi äa kine kiei kiei baroh kan ym leit noh tad ynda kan iöhi ba la pyndep äa ki baroh. ³⁵Ka bneng bad ka pyrthei kin leit noh, hynrei ki ktien jong nga kin sah junom.

Tang U Blei Uba Tip Lano Kata Ka Por Kan Long

(Mk. 13:32–37; Lk. 17:26–30, 34–36)

³⁶“Ym don mano mano ba tip lano kata ka sngi ne ka por kan long. U Khun bad ki angel ha bneng ruh kim tip. Tang U Kpa uba tip.

³⁷“Haba U Khun u Briew un wan kan long kumjuh thik kum kata kaba la jia ha ka por u Noah. ³⁸Ha kito ki sngi ha shuwa ka jingshlei um, ki briew ki äabam bad ki iadih, ki shongkurim bad ki ai äa la ki khun äa ka ban pynshongkurim wat haduh kata ka khyllimat ba u Noah u la rung shapoh ka iing lieng. ³⁹Kim shym la tip kaei ka ban sa jia, dei tad haduh ba ka jingshlei um ka lap äa ki bad la pynjot äa ki baroh phar.

“Kan long ruh kumjuh haba U Khun u Briew un wan. ⁴⁰Ar ngut ki briew kin iatrei ha ka lyngkha. Äa uwei yn shim bad äa uwei pat yn iehnoh. ⁴¹Ar ngut ki kynthei kin äa tylliit kew. Äa kawei yn shim bad äa kawei yn iehnoh.

⁴²“Naba kumta to long phi kiba la khreh. Phim tip äa ka sngi ba U Trai jong phi un wan. ⁴³Aiu te u trai iing un leh lada u la tip lano ba u nongtuh un wan? Un long te uba la pynkhreh bad un ym shah äa u nongtuh ba un prong shapoh. ⁴⁴Kumta ma phi ruh phi dei ban long kiba la khreh. U Khun u Briew un wan ha ka por kaba phim poi pyrkhata ba un wan.

Ki Shakri Babha Bad Ba Bymman

(Lk. 12:41–48)

⁴⁵“Mano uta u shakri uba stad bad ba lah ban shaniah? U kynrad te un shaniah ha uwei u shakri ban ai bam äa kiwei pat ki para shakri ha ka por kaba dei. Mano uta äa uba u kynrad un lah ban shaniah ban leh äa kata ka kam? ⁴⁶Haba u kynrad u wan un shem ba u dang leh äa kata ka kam ba la ai ha u, kan long te ka sngi kaba kmen äa uta u shakri. ⁴⁷Nga lah ban ong ha phi khlem jingartatien, ba u kynrad un jied äa uta u shakri ban sumar lut äa kata baroh kaba u don.

⁴⁸“Hynrei kaei ka ban jia lada uta u shakri u long uba bymman bad uba pyrkhata ba u kynrad jong u um pat kloj ban wan phai? ⁴⁹Un sdang te äa ka ban sympat äa kiwei pat ki para shakri. Un sdang ruh äa ka ban äabam iadih bad kita kiwei kiba la äa buaid. ⁵⁰Te u kynrad un wan ha ka por ba uta u shakri un shym poi pyrkhata bad long la kloj. ⁵¹U kynrad te un pynshitom äa uta u shakri. Un phah noh ruh äa u lem bad kiba arsap, hangta ha kaba ki briew kin lynñiar bad dait äa la ki bñiat ha ka jingkordit.

Ka Pharshi Shaphang Ki Shiphew

Ngut Ki Thei Sotti Nongshongsynran
25 ¹“Ha kata ka por ka hima ki bneng kan long kum shiphew ngut ki thei sotti kiba la leit äa ka ban ap äa u nongleit

kurim. Ki la shim lem bad ki ia ki sharak jong ki. ²San ngut na ki, ki dei kiba bieit bad san pat kiba stad. ³Kita kiba bieit ki la shim ia ki sharak lem bad ki, hynrei kim shym la rah tam lypa ia ka umphniang na ka bynta ki sharak. ⁴Kita kiba stad ki la shim ia la ki sharak lem bad ka umphniang ha ki tyndong jong ki. ⁵Haba uta u nongleit kurim u la slem ia ka ban wan, kita ki thei sotti ki la shoh samthiah bad ki la iohthiah.

⁶“Ha ka por shiteng miet la don uba pyrta, ‘U nongleit kurim u la wan! Wan ia ka ban iashem ia ul’

⁷“Te baroh kita ki thei sotti ki la khie joit. Ki la pynkhreh ia la ki sharak. ⁸Kita kiba bieit ki la ong ia kita kiba stad, ‘To ai ia ngi khyndiat na ka umphniang jong phi namar ka umphniang ha ka sharak jong ngi ka la jan lut.’

⁹“Kita kiba stad ki la jubab, ‘Em! Ka umphniang kaba ngi don ka lah ruh ban ym dap ia ngi, khie leit sha kito kiba die bad to thied na ka bynta ialade.’

¹⁰“Kumta kita kiba bieit ki la leit ia ka ban thied umphniang. Katba ki dang leit, u nongleit kurim u la wan. Kita ki kynthei kiba la long la kloj ki la leit ban rung lem bad u nongleit kurim sha ka jingkhawai kyntiew kurim. Te ia ka jingkhaw la khang.

¹¹“Hadien te, kita kiwei ki thei sotti ki la wan. Ki la ong, ‘Kynrad, kynrad! To plie ia ka jingkhaw ba ngin rung shapoh.’

¹²“Hynrei u nongleit kurim u la jubab, ‘Da lei lei ruh em! Ngam ithuh hi ruh ia phi.’

¹³“Naba kumta to long kiba la khreh. Phim tip ia ka sngi ne ia ka por ba U Khun u Briew un wan.

Ka Pharshi Shaphang Lai Ngut Ki Shakri

(Lk. 19:11–27)

¹⁴“Ha kata ka por yn pyniasyriem ia ka hima ki bneng kun u briew uba leit jingleit sha kawei pat ka jaka. Ha shuwa ba un mih u la iaikren bad la ki shakri bad u la ong ia ki ban sumar ia kita kiei kiei kiba long ki jong u katba u dang leit jingleit. ¹⁵U la rai katno uwei uwei u shakri un lah ban shim ka jingkitkhlieh. Te uta u briew u la ai ha uwei san pla ki sbai rupa. U la ai ha uwei pat ar pla ki sbai rupa. Bad ha uba lai u la ai shi pla ki sbai rupa. Kumta u la leit noh. ¹⁶U shakri uba la ioh san pla ki sbai rupa kloj lan u la leit ban khaai. Te kita ki san pla ki la pynkha sa san pla shuh shuh. ¹⁷Ka la long ruh kumjuh bad uta u shakri uba la ioh ar pla. U ruh u la leit ban

khaai bad u la ioh sa ar pla. ¹⁸Hynrei uta u shakri uba la ioh tang shi pla u la leit bad u la tih ia ka thliw ha ka khyndew bad u la buhrieh ia kita ki sbai u kynrad jong u hangta.

¹⁹“Slem hadien kata u kynrad u la wan phai iing. U la pan jingkheii na ki shakri kaei kaba ki la leh bad ki sbai jong u. ²⁰U shakri uba la ioh san pla ki sbai rupa u la wallam pat sa san sha la u kynrad. U la ong, ‘Kynrad, me la shaniah ia nga ia ki san pla ki sbai rupa. Kumta nga la pyndonkam ia ki bad pynroi sa san shah shuh shuh.’

²¹“U kynrad u la ong, ‘Me la leh ia kaba dei. Me long u shakri uba bha uba lah ruh ban shaniah. Me la leh bha bad kata kaba khyndiat, kumta ngan ai ha me ban khmih ia kaba khambun. Wan ban iohbynta bad nga na ka jingkmeng jong nga.’

²²“Hadien kata u shakri uba la ioh ar pla ki sbai rupa u la wan sha la u kynrad. U la ong, ‘Kynrad, me la ai ia nga ar pla ki sbai rupa. Kumta nga la pyndonkam ia ki bad pynroi sa ar shah shuh shuh.’

²³“U kynrad u la ong, ‘Me la leh ia kaba dei. Me long u shakri uba bha uba lah ruh ban shaniah. Me la lehbha bad kata kaba khyndiat, kumta ngan ai ha me ban khmih ia kaba khambun. Wan ban iohbynta bad nga na ka jingkmeng jong nga.’

²⁴“Hadien kane u shakri uba la ioh tang kawei ka pla sbai rupa u la wan sha la u kynrad. Uta u shakri u la ong, ‘Kynrad, nga tip ba me long u briew uba eh rang. Me ot ia kata kaba mem shym la thung. Me lum ruh ia kata kaba mem shym la bet. ²⁵Kumta nga la sheptieng. Nga la leit ban buhrieh ia ki sbai rupa jong me ha ka khyndew. Kane hangne kaba me la ai ha nga.’

²⁶“U kynrad te u la jubab, ‘Me u shakri uba bymman bad ba alhia! Me ong ba me tip ba nga ot ia kaei kaba ngam shym la thung bad nga lum ia kaei kaba ngam shym la bet. ²⁷Te balei ba mem shym la buh ia ki sbai rupa jong nga ha kiba ai sut. Ba hadien, haba ngan sa wan phai sha la iing, ngan ioh pat ia la ki sbai rupa bad ka sut.’

²⁸“Kumta u kynrad u la ong ia kita kiwei pat ki shakri, ‘To shim noh ia kata ka pla sbai rupa na une u shakri bad to ai ia ka ha uta uba la don shiphew pla. ²⁹Uwei-pa-uwei baroh uba pyndonkam ia kaei kaba u don un ioh shuh shuh. Kin ioh ruh khambun na kaba ki don. Hynrei kita ki bym pyndonkam ia kata kaei kaba ki don yn shim noh ruh na ki wat ia kata kaba

ki don.’³⁰Te uta u kynrad u la ong, ‘To bret noh ia une u shakri u bym myntoi shabar sha kaba dum, hangta ha kaba ki brier ki lynñiar bad dait ia la ki bniat ha ka jingkoordit.’

U Khun U Brier Un Bishar İa Ki Jaitbrier

³¹“Haba U Khun u Brier un wan pat ha ka jingkhrow bad ka burom Blei bad ki angel ruh kin wan lem bad u. Un shong kum u syiem ha ka khet kaba khrow bad badap da ka burom. ³²Baroh ki kynja bynrier kin ialum lang ha u. Te un pyniakhlad ia uwei-pa-uwei ha ki ar kynhun. Kan long te kumba u nongaplangbrot u pyniakhlad ia la ki langbrot na ki blang. ³³Un buh ia ki langbrot ha ka liang kamon jong u bad ia ki blang ha ka liang kadiang jong u.

³⁴“Te U Syiem un ong ia kita ki brier kiba riewblei ha ka liang kamon jong u, ‘To wan, phi kiba la kyrkhu jong U Kpa jong nga. Kata ka hima kaba u la kular kan long ka jong phi mynta. Ka dei kaba la pynkhreh na ka bynta jong phi naduh myndang long ka pyrthei.’³⁵Ka long kumta namar mynba haba nga thngan, phi la ai jingbam ia nga ban bam. Mynba nga sliang, phi la ai ia nga ban dih. Mynba ngam don jaka ban sah, phi la pdiang sngewbha ia nga sha la iing. ³⁶Mynba nga la long khlem jaiñ, phi la ai ia nga ka jaiñ ba ngan kup; mynba nga don hapdeng ki jingpang phi la sumar ia nga; mynba nga la don ha ka iingbyndi, phi la wan ban jingoh ia nga.’

³⁷“Te ki brier kiba riewblei kin ong, ‘Trai, mynno ngi iohi ia me ba me thngan bad ba ngi ai jingbam ia me? mynno ngi iohi ia me ba me sliang bad ba ngi ai ei ei ia me ban dih?’³⁸Mynno ba ngi iohi ia me ba mem don ka jaka ban sah bad ba ngi la pdiang sngewbha ia me sha iing? Mynno ba ngi la iohi ia me ba me long khlem jaiñ bad ba ngi la pynkup jaiñ ruh ia me?’³⁹Mynno ba ngi la iohi ia me ba me pang ne don ha ka iingbyndi bad ba ngi la sumar ia me?’

⁴⁰“Te u syiem un jubab ia ki, ‘Da shisha nga ong ha phi, kano kano kaba phi leh na ka bynta ki brier jong nga ha pyrthei, phi la leh ia nga keiñ.’

⁴¹“Te u syiem un ong ia kita ki brier kiba bymman sha ka liang kadiang jong u, ‘Phi kiba la rem to khie leit noh na nga sha ka jingpynshitom jong ka ding bym julip ba la pynkhreh na ka bynta u Soitan bad ki angel jong u.’⁴²Namar mynba nga la thngan, phim shym la ai jingbam ba ngan bam; haba nga la sliang, phim shym la ai

ei ei ia nga ban dih. ⁴³Haba ngam shym don ka jaka ban sah, phim shym la pdiang ia nga sha iing jong phi; haba nga la long uba khlem jaiñkup, phim shym la ai ka jaiñ ba ngan kup. Haba nga shitom bad don ha ka iingbyndi, phim shym la sumar ia nga.’

⁴⁴“Te kita ki brier kin ong, ‘Trai, Mynno ba ngi iohi ba me thngan ne sliang? Mynno ba ngi iohi ba me long khlem ka jaka sah? Lane mynno ba ngi iohi ba me long khlem ka jaiñkup lane ba me pang lane ba me don ha ka iingbyndi? Mynno ba ngi la iohi ia me ha kane baroh bad ba ngi khlem iarap ia me?’

⁴⁵“U syiem un jubab, ‘Da shisha nga ong ha phi, kano kano kaba phi kyntait ban leh na ka bynta ki brier jong nga ha pyrthei, phi la kyntait ban leh ia nga keiñ.’

⁴⁶“Te kine ki brier ba bymman kin leit noh sha ka jingpynshitom kaba bymjukut. Hynrei kita kiba riewblei kin leit bad kin lehkmen ia ka jingim ba bymjukut.”

Ki Nongialam Jiw Ki Suh Buit Ban Pyniap İa U Jisu

(Mk. 14:1-2; Lk. 22:1-2; İo. 11:45-53)

26¹Hadien ba U Jisu u la dep ban kren ia kine kiei kiei u la ong ia la ki synran, ²“Phi tip ba sa ar sngi hadien kane ka sngi kan dei ka Niam ka Jinglait. Ha kata ka sngi ia U Khun u Brier yn sa aiti ha ki nongshun jong u ia ka ban pyniap ia u da kaba sahnarphna.”

³Te ki lyngdoh ba kham hakhmat bad ki basan ki la iakynduh lang ha ka iingbah u rangbah lyngdoh uba kyrterng u Kaiaphas. ⁴Ha kata ka jingialang ki la wad ia ki lad kumno ban kem ia U Jisu khlem da don mano mano ba tip ia kaei kaba ki leh. Ki la suhbuit ban kem ia U Jisu bad ban pyniap ruh ia u. ⁵Ki la ong, “Ngim lah ban kem ia u ha ka Niam ka Jinglait namar ngim kwah ba u paidbah un bitar ioh ba kan long ka jingkhilwin.”

Ka Kynthei Kaba Pynsleh İa U Jisu

(Mk. 14:3-9; İo. 12:1-8)

⁶Te U Jisu u la don ha Bethania ha ka iing jong u Simon uba pang niangthohlieh. ⁷Katba u dang don hangta ka kynthei ka la wan sha u. Ka la don ia ka synduk alabastar ba la pyndap da ka jingiwbiñ kaba remdor bha. Ka la theh ia kata ka jingiwbiñ ha ka khlieh U Jisu katba u dang shong bam.

⁸Ki synran kiba la iohi ia kane ki la sngew dom ia ka. Ki la ong, “Balei ba pynlehohei ia ka jingiwbiñ?”⁹Lah ban die

ia ka ha ka dor kaba rem bad da kata ban iarap ei ia kiba duk.”

¹⁰Hynrei haba U Jisu u la iohsngew ia kane, U la ong, “Balei ba phi ia sngewthut ia kane ka kynthei. Ka la leh ia kaba bha na ka bynta jong nga.” ¹¹Kiba duk ki don man la ka por lem bad phi, hynrei phin ym ioh ia nga man ka por. ¹²Kane ka kynthei ka la theh ia ka jingiwbihi ha ka met jong nga namar ka jingpynkhreh ia ka ban tep ia nga. ¹³Ia ka Khubor Babha yn ialap sha ka pyrthei baroh kawei. Bad nga pynthikna ia phi ba shano shano ba yn ialap ia kane ka Khubor Babha, ia ka jingleh jong kane ka briew ruh yn iathuh, ia ka ban kynmaw ia ka.”

U Judas U La Iarap Ia Kiba Shun Ia U Jisu

(Mk. 14:10–11; Lk. 22:3–6)

¹⁴Hadien kane uwei na ki khatar ngut ki synran U Jisu uba kyrnteng u Judas Iskariot u la leit ban iakren bad ki lyngdoh ba kham hakmat. ¹⁵U la ong, “Nga lah ban iarap ia phi ban kem ia U Jisu, te phin ai aiu ia nga?” Ki lyngdoh ki la ai ia u laiphew ki sbai rupa. ¹⁶Hadien jong kata u Judas u la ap ia ka por kaba biang ha ka ban iarap ia ki ban ioh kem ia U Jisu.

Ka Jingkhawai Ka Niam Ka Jinglait

(Mk. 14:12–21; Lk. 22:7–14, 21–23; Io. 13:21–30)

¹⁷Ha ka sngi kaba nyngkong jong ka jingkhawai niam u Kpu ba khlem thiat, ki synran ki la wan sha U Jisu. Ki la kylli, “Hangno me kwah ia ngi ba ngin pynkhreh ia ka Niam ka Jinglait na ka bynta jong me?”

¹⁸U Jisu u la ong, “Khie leit sha ka nongbah sha uta u briew. Iathuh ia u ba U Nonghikai u ong, ‘Ka por ba la buh ka la jan. Te ngan bam ia ka Jingkhawai Niam ka Jinglait bad ki synran jong nga ha ka iing jong me.’” ¹⁹Ki la kohnguh bad leh ia kata baroh kaba U Jisu u la ong ia ki ban leh. Te ki la pynkhreh ia ka jingbam ka Niam ka Jinglait.

²⁰Ha kaba janmiet U Jisu u la shong ha ka miej bad ki khatar ngut ki synran. ²¹Katba ki dang iabam, U Jisu u la ong, “To ngeit ia nga haba ngan ong ba uwei na phi un sa aiti noh ia nga sha kita kiba shun ia nga.”

²²Ki synran te ki la sngewsih haba ki la iohsngew ia kane. Baroh te ki la ong, “Trai, da shisha ngam dei ma nga!”

²³U Jisu u la iathuh, “Uta uba la wiew ia la u kpu ha kajuha ka khuri lem bad nga u long uta uban sa aiti noh ia nga sha ki. ²⁴U

Khun u Briew un shah shitom kumba la ong ka Jingthoh Bakhuid. Hynrei kan long kaba kham shyrkhei haduh katta katta ia uta uba aiti noh ia U Khun u Briew ban shah pyniap. Kan kham bha ba ym shym la kha ia u.”

²⁵Te u Judas, uta u ban sa aiti noh ia U Jisu, u la kylli, “Ko Nonghikai, hato dei ma nga?”

U Jisu u la jawab, “Hoooid, me dei ma me.”

Ka Jingkhawai U Trai

(Mk. 14:22–26; Lk. 22:15–20; 1 Kor. 11:23–25)

²⁶Katba ki dang iabam, U Jisu u la shim ia u kpu bad u la ainguh ia U Blei. Ynda u la kdiah katto katne lyngkhot u la sam ruh sha ki synran, u da ong, “To shim bad to bam ia une u kpu. Une u long ka met jong nga.”

²⁷Nangta u la shim ia ka khuri, u la ainguh ia U Blei bad u la sam ruh sha ki. U la ong, “Baroh na phi to dih na ka. ²⁸Kane ka waiñ ka long ka snam jong nga, ia kaba la theh noh na ka bynta ban mab ia ki pop jong kiba bun bad ka jingsdang jong ka jingiateh jutang kaba thymmai kaba na U Blei sha la ki briew. ²⁹Nga kwah ba phin tip ba ngan ym dih shuh ia kane ka waiñ tad haduh kata ka sngi kaba ngin iadih ia ka waiñ kaba thymmai ha ka hima U Kpa jong nga.”

³⁰Ki baroh ki la iarwai ia ka jingrwai bad hadien kata ki la mih noh ban leit sha u Lum ki Olib.

U Jisu U Iathuh Ba Ki Synran Kin Sa Iehnoh Ia U

(Mk. 14:27–31; Lk. 22:31–34; Io. 13:36–38)

³¹U Jisu u la iathuh ia la ki synran, “Mynta ka miet phi baroh phin sa phai noh na kaba ngeit ha nga. Ka Jingthoh Bakhuid ka ong,

‘Ngan pyniap ia u nongsharai bad ki langbrot baroh kin sakma.’

Sekharaiah 13:7

³²Hynrei hadien ba la pyniap ia nga, ngan sa mihpat. Te ngan sa leit sha Galilaia bad ngan don hangta ha shuwa ba phin poi.”

³³U Petros u la jawab, “Baroh ki lah ban phai noh na kaba ngeit ha me. Hynrei ka jingngeit jong nga kan ym khiih da lei lei ruh.”

³⁴U Jisu u la jawab, “Da shisha nga ong ha me, ha kane ka miet men sa len ia nga lai sien ha shuwa ba u syiar un kynih.”

³⁵Hynrei u Petros u la jawab, “Da lei lei

ruh em ngan ym len ia me! Ngan iap ruh lem bad me!" Bad baroh kita kiwei pat ruh ki la ia ong lang kumjuh.

U Jisu U Dwai Marwei Ha Kper Gethsemane

(Mk. 14:32-42; Lk. 22:39-46)

³⁶Hadien kane U Jisu u la leit bad la ki synran sha ka jaka ba la khot Gethsemane. U la ong ia ki, "To shong hangne katba nga leit hangtai ban duwai." ³⁷U la ong ia u Petros bad ia ki ar ngut ki khun u Sebedi ban wan lang bad u. Te u la sdang ban sngewlynga pisa bad kordit. ³⁸U Jisu u la ong ia ki, "Ka dohnud jong nga ka khia eh da ka jingsngewpisa, Nga sngew kum ban iap. Ap hangne bad shong lem ruh bad nga."

³⁹Te U Jisu u la leit kham jngai khyndiat na ki. U la dem ha ka khyndew bad u la duwai, "Ko Pa jong nga, lada ka long kaba lah, wat ai ba ngan dih na kane ka khuri. Hynrei leh ia kata kaba me mon, ym ia kaba nga mon." ⁴⁰Hadien kane u la leit phai sha la ki synran bad u la shem ia ki ba ki ia iohthiah. U la ong ia u Petros, "Phim lah ban ia shong bad nga tang shi kynta ruh? ⁴¹To peitngor bad to duwai ruh ba phin lah ban ialeh pyrshah ia ki jingpynshoi. Ka mynsiem jong phi ka kwah ban leh ia kaba dei, hynrei ka met pat ka tlot."

⁴²Te U Jisu u la leit pat ha ka sien kaba ar bad u la duwai, "Ko Pa jong nga, lada ka long ka bymlah lait shuh ia nga na kaba dih ia kane ka khuri, to ai kan long kat kum ka mon jong me."

⁴³Hadien kane u la leit phai biang sha ki synran, u la shem pat ia ki ba ki dang iohthiah. Kim shym la lah satia ban peitngor. ⁴⁴Kumta u la iehnoh ia ki bad u la leit ban duwai biang kumjuh ha ka sien kaba lai.

⁴⁵Hadien nangta u leit phai sha la ki synran bad u la ong ia ki, "To nangthiah bad jahthait. Ka por ka la poi ba ia U Khun u Briew yn aiti noh sha ka bor jong ki briew kiba pop. ⁴⁶To ieng joit mynta! Ka dei ia ngi ban leit noh. Hakhmih u wan uta uba la aiti noh ia nga."

Ka jingkem ia U Jisu

(Mk. 14:43-50; Lk. 22:47-53; Jo. 18:3-12)

⁴⁷Katba U Jisu u dang kren, u Judas, uwei na kita ki khatar ngut ki synran u la wan. U la don lem bad u paidbah ba bun, kiba da rah ia la ki waitlam bad ki dieng tangon. La phah ia ki da kita ki lyngdoh ba kham hakmat bad ki basan jong ki Israel. ⁴⁸U

Judas u la shu pyni dak ia ki uno u dei U Jisu. U la ong, "Uta ia uba ngan doh u dei U Jisu. To kem ia u." ⁴⁹Kumta u la leit sha U Jisu bad u la ong, "Khublei, Nonghikai!" Hadien kata u la doh ia U Jisu.

⁵⁰U Jisu u la ong, "Ko Lok, pyndep ia kata ka kam kaba me la thmu."

Te kita ki briew ki la wan bad ki la kem ia U Jisu. ⁵¹Ha kata ka por, uwei na kita ki synran U Jisu u la sei ia la ka waitlam bad u la kynrup ia u shakri jong u rangbah lyngdoh bad mait ruh ia ka shkor jong u.

⁵²U Jisu u la ong ia uta u briew, "To buh noh ia ka waitlam jong me ha ka jingsop. Naba ki briew kiba ialeh da ka waitlam kin iap ruh da ka waitlam. ⁵³Hato mem tip ba nga lah ban ong ia U Kpa jong nga bad un jin da la phah palat ban ia ki khatar pyrton ki shipai angel. ⁵⁴Hynrei ka dei ban jia kumne khnang ban pyndep ia kaba la kren ha ka jingthoh Bakhuid."

⁵⁵U Jisu u la ong ia uta u paidbah, "Balei ba phi iawan ban kem ia nga bad ki waitlam bad ki dieng tangon la kumba nga dei u riew bymman. Man la ka sngi nga la ju shong ha ka phyllaw ka Templ ban hikai phim shym la kem ia nga. ⁵⁶Hynrei kine kiei kiei baroh ki la jia khnang ba yn pyndep ia kaei ba la kren da ki nongiathuhlypa." Hadien kata baroh na ki synran U Jisu ki la iehnoh ia u bad phet rieh.

U Jisu Hakhmat Ki Nongialam Jiw

(Mk. 14:53-65; Lk. 22:54-55, 63-71;

Jo. 18:13-14, 19-24)

⁵⁷Kita ki briew kiba la kem ia U Jisu ki la ialam ia u sha ka iing u Kaiaphas u rangbah lyngdoh. Ki nonghikai jong ka hukum lem bad ki basan ki la don lang hangta. ⁵⁸U Petros te u la bud ia U Jisu hynrei kham na jngai haduh ka phyllaw u rangbah lyngdoh. Haba u la rung shapoh u la shong lem bad kita ki nongap pahara. U da kwah eh ban iohi kaei ka ban jia ia U Jisu.

⁵⁹Ki lyngdoh ba kham hakmat bad ka dorbar baroh ki la wad ia ki sakti lamler pyrshah ia U Jisu khnang ba kin ioh pyniap noh ia U. ⁶⁰Hynrei ka dorbar kam shem kano kano ka daw wat la shibun ki nongsakti lamler ki la wan. Khatduh ar ngut ki briew ki la wan ⁶¹bad ki la ong, "Une u briew u la ong, 'Nga lah ban pynjot ia ka Templ U Blei bad ban tei pat ia ka tang hapoh lai sngi.'"

⁶²Te u rangbah lyngdoh u la ieng joit bad u la ong ia U Jisu, "Mem don ei ei ban jubab shaphang kine ki jingmudui baroh

pyrshah ia me? Hato ki iakren ia kaba shisha?"⁶³Hynrei U Jisu um shym la kren ei ei.

Te u rangbah lyngdoh u la ong pat ia U Jisu, "Nga pynsmai ia me ha U Blei uba im, ba men iathuh shai ha ngi la me dei shisha ne em U Khrist, U Khun U Blei."

⁶⁴U Jisu u la jubab, "Me la ong ia kaba dei. Hynrei nga ong ha phi, ha ka por ka ban sa wan phin sa iohi ia U Khun u Briew ba u da shong ha ka liang kamong jong U Blei bad ba u da wan ha ki lyoh."

⁶⁵Haba u rangbah lyngdoh u la iohsngew ia kane, u la kad ia la ki jaini ha ka jingbitar. U da ong, "Une u briew u la kren bein Blei! Ngim donkam shuh ia ki sakhi. Phi hi phi la iohsngew ia ki kyntien jingkren bein Blei jong u."⁶⁶Phi ia pyrkhath kumno?"

Kite ki la iathuh, "U long uba rem bad ka dei ia u ban iap."

⁶⁷Te la don hangta katto katne kiba la bynthiew ia ka dur khmat U Jisu bad kura ia u, kiwei pat ki la thap ia u.⁶⁸Ki la ong, "Ko Khrist! Iathuh ia ngi uei uba la shoh ia me!"

Ka Jinglen U Petros Ia U Jisu

(Mk. 14:66-72; Lk. 22:56-62; Jo. 18:15-18, 25-27)

⁶⁹Katba u Petros u dang shong shabar kata ka phyllaw, kawei ka shakri ka la wan sha u. Ka la ong, "Me la ju don bad U Jisu, u nong Galilaia."

⁷⁰Hynrei u Petros u la len ia kata hakmat kita baroh, u da ong, "Ngam tip pha kren ia kaei."

⁷¹Hadien ba u la mih noh na kata ka phyllaw. Te ha ka khyrdop kawei pat ka khynnah shakri ka la iohi ia u bad ka la ong ha kita ki briew kiba don hangta, "Une u briew u la ju don lem bad U Jisu na Nasaret."

⁷²Sa shisien pat, u Petros u la len ba u la ju don bad U Jisu. U da ong, "Nga smai ha U Blei ba ngam ithuh ia ul!"

⁷³Khyndiat por hadien kata kito kiba la ieng hangta ki la leit sha u Petros bad ki la ong, "Ngi tip ba me long uwei na ki. Ka long kaba shai na ka rukom kren jong me."

⁷⁴Hangta u Petros u la sdang ban tim. U da ong, "Nga smai ha U Blei, ngam ithuh ia ul!" Kumta kumta hi hadien ba u la lah ong ia kine ki kyntien, u syiar u la kynih.

⁷⁵Te u la kynmaw ia kaei kaba U Jisu u la ong ia u: "Ha shuwa ba u syiar un kynih, men sa len ia nga lai sien." Hangta hi u Petros u la mih shabar bad u la lynniar kthang eh.

La Ialam Ia U Jisu Sha U Pilat

(Mk. 15:1; Lk. 23:1-2; Jo. 18:28-32)

27¹Dang step eh ha ka sngi kaba bud, baroh ki lyngdoh ba kham hakmat bad ki basan jong u paitlang ki la iakynduh lang bad ki la rai ban pyniap noh ia U Jisu.²Ki la teh bad ialam noh ia u bad aiti ruh ia u sha u Pilat uba long u lat.

U Judas U Pyniap Ialade

(Ki Kam 1:18-19)

³U Judas uba la aiti noh ia U Jisu sha ki, haba u la iohi ba ki la rai ban pyniap noh ia u bad ba u da iohi ruh ia kaei kaba la jia baroh, u la sngewsih namar kaei kaba u la leh. Kumta u la pynphai noh ia kita ki laiphew ki sbai rupa sha ki lyngdoh ba kham hakmat bad ki basan.⁴U la ong, "Nga la leh pop ba nga la aiti sha phi ia ka snam jong uba lui lui."

Kite ki la ong, "Ngin tip aiu ma ngi ia kata! To tip hi ma me."

⁵Te u Judas u la bret noh ia kita ki sbai rupa ha ka Templ bad u la mih noh nangta ban leit pyniap ialade da kaba sdien phasi.

⁶Kita ki lyngdoh ba kham hakmat ki la shim ia kita ki sbai rupa. Ki la ong ruh, "Ka ain jong ngi kam shah satia ia ngi ban buh ia ki ha ka iing jingkyshew jong ka Templ, namar ka dei kaba la siew na ka bynta ka jingpyniap ia u briew."⁷Kumta ki la rai ban pyndonkam noh ha ka ban thied ia u lumjingtep ban tep ia ki nongwei.⁸Na kata ka daw ia uta u lumjingtep la khot haduh mynta u Lumjingtep jong ka Snam.⁹Kane ka pyndep ia ka jingkren u Jeremaiah u nongiathuhlypa:

"Ki la shim ia ki laiphew ki sbai rupa. Kata ka dei ka dor kaba ki briew jong ki Israel ki la rai ban siew na ka bynta ka jingim jong u."¹⁰Ki la pyndonkam ia kita ki laiphew ki sbai rupa ban thied ia ka lyngkha u nongthaw khiew, kumba U Trai u la hukum ia nga."

U Pilat U Kyli Tohkit Ia U Jisu

(Mk. 15:2-5; Lk. 23:3-5; Jo. 18:33-38)

¹¹U Jisu u la ieng hakmat u Lat, uba la kyli tohkit ia u, "Me long u syiem ki Jiw?"

U Jisu u la jubab, "Me la ong ia kaba dei."

¹²Pynban haba ki lyngdoh ba kham hakmat bad ki basan ki la wanrah ia ki jingmudui pyrshah ia U Jisu, um shym la ong ei ei.

¹³Kumta u Pilat u la ong ia u, "Mem iohsngew ia kine ki jingmudui pyrshah ia me? Balei ba mem jubab?"

¹⁴Hynrei U Jisu um shym la ong ei ei bad kane ka la pynlyngngoh da shisha ia u lat.

Ka Rai Pyniäp Ia U Jisu

(Mk. 15:6-15; Lk. 23:13-25; Io. 18:39-19:16)

¹⁵Man la ka snem ha ka Niam ka Jinglait u Lat u ju pyllait ia uwei na ki nongsah byndi ia uba ki paidbah ki kwah ia u ban pyllait.

¹⁶Ha kata ka por la don uwei u briew ha ka iingbyndi ia uba la tip ba u long u briew uba bymman haduh katta katta. Ka kyrteng jong u ka long u Barabbas.

¹⁷Haba u paidbah u la ialam hangta, u Pilat u la ong ia ki, "Ngan pyllait ia uwei u briew na ka bynta jong phi. Iano ba phi ia kwah ba ngan pyllait: ia u Barabbas ne ia U Jisu ia uba la khot U Khrist?" ¹⁸U Pilat u la tip ba ki la aiti ia U Jisu sha u namar ba ki da shun eh ia u.

¹⁹Katba u Pilat u dang shong hangta ha ka jaka ban bishar, ka tnga jong u ka la phah ia ka khubar sha u. Ka da ong, "Wat buh ia ka kti pyrshah ia uta u briew uba hok. Mynnin ka miet nga la phohsniew shaphang jong u bad ka la pynkhuslai shikatdei eh ia nga."

²⁰Hynrei kita ki lyngdoh ba kham hakhmat bad ki basan ki la pynkhih ia u paidbah ban pan ia ka ban pyllait ia u Barabbas bad ban pyniäp ia U Jisu.

²¹U Pilat u la ong, "Nga don ia u Barabbas bad ia U Jisu. Uno na kine ba phi kwah ia nga ba ngan pyllait sha phi?"

U paidbah u la jubab, "Pyllait ia u Barabbas!"

²²U Pilat u la kylli, "Haba kumta ngan leh kumno bad U Jisu, ia uba la khot U Khrist?"

Baroh te ki la ong, "To pyniäp ia u da kaba sahnarphna!"

²³U Pilat u la kylli pat, "Balei ba phi kwah ia nga ban pyniäp ia u? Kaei ka jingbymman kaba u la leh?"

Hynrei ki la pyrta shla, "To pyniäp ia u da kaba sahnarphna!"

²⁴Haba u Pilat u la iöhi ba um lah ban leh ei ei ia ka jingkhhiwin jong u paidbah, u la shim ia ka um bad u la sait ia la ki kti hakhmat jong ki baroh. U da ong, "Ngam long uba rem na ka snam jong une u briew uba hok. To khmih hi ma phi!"

²⁵Uta u paidbah u la ong, "Ngin shim ma ngi ia ka jingkitkhlieh baroh na ka bynta ka jingiäp jong u. To ai ba ka snam jong u kan long halor jong ngi bad halor ki khun ki kti jong ngi!"

²⁶Kumta u Pilat u la pyllait ia u Barabbas. Bad u la bthah ia ki shipai ban sympat ia U Jisu da ki shabuk. Hadian kata u la

aiti noh ia U Jisu sha ki shipai ia ka ban sahnarphna ia u.

Ki Shipai U Pilat Ki Leh Biria Ia U Jisu

(Mk. 15:16-20; Io. 19:2-3)

²⁷Te ki shipai u Pilat ki la ialam noh ia U Jisu na ka iingbah jong u lat. Baroh shikynhun ki shipai ki la ialam sawdong ia u. ²⁸Ki la law ia ki jaiñkup U Jisu bad ki pynphong ia u da ka jaiñkup kaba saw. ²⁹Nangta ki thain ia ka pansngiat na ki tnat dieng shiah bad ki la pynphong ha ka khlieh ka jong u bad ki la buh ruh ia u dieng lyngkhot ha ka kti kamong jong u. Nangta ki la dem hakhmat jong u, ki da leh biria ia u. Ki la ong, "Ngi khublei ia me, u syiem ki Jiwi!"

³⁰Ki la bynthiew ia u, nangta ki shim ia uta u dieng bad ki la tied ia u na ka khlieh.

³¹Hadien ba ki la dep ia ka ban leh biria ia u, ki shipai ki la law noh ia kata ka jaiñkup bad ki sa pynphong pat da ki jaiñkup jong u bad ki ialam ia u ia ka ban sahnarphna.

La Sahnarphna Ia Jisu

(Mk. 15:21-32; Lk. 23:26-39; Io. 19:17-19)

³²Katba ki shipai ki dang ialam ia U Jisu na ka nongbah, ki la iöhi ia u briew u nong Kyrimi uba kyrteng u Simon bad ki la pynbor ia u ban bah ia ka diengphna U Jisu.

³³Ki la poi ha ka jaka ba la khot Golgotha kaba mut "Ka Jaka Maloi Khlieh" ³⁴Hangta ki shipai ki la ai ia U Jisu khyndiat ka waiñ ba la khleh lang bad kaba kthang. Hynrei haba u la mad ia ka, u la kyntait ia ka ban dih.

³⁵Te ki shipai ki la sahnarphna ia U Jisu. Hadian kata ki la ia khalai ban iasam ia ki jaiñ jong u hapdeng para ma ki.

³⁶Kita ki shipai ki la shong hangta ban pahara ia u.

³⁷Ki la buh ia ka dak haneng khlieh jong u bad kata ka jingkyynnoh ba la thoh ha ka: "UNE U DEI U JISU, U SYIEM JONG KI JIW."

³⁸Ki la sahnarphna ruh lem bad u ia ki ar ngut ki nongkam bymman. Uwei sha kamong bad uwei pat sha kadiang. ³⁹Te ki briew kiba ia id nangta ki la kynshi ia U Jisu, ki da kyrngah ia la ki khlieh ⁴⁰bad ong, "Me ong ba me lah ban pynjot ia ka Templ bad ban tei pat ia ka lai sngi. Kumta to pynim ialade! Hiar na kato ka diengphna lada me long shisha U Khun U Blei!"

⁴¹Kita ki lyngdoh ba kham hakhmat, ki nonghikai ka hukum lem bad ki basan ki la don lang hangta. Ki ruh ki la kren biria ia U Jisu kumjong kum kita kiwei pat. ⁴²Ki la ong, "U pynim ia kiwei, hynrei um lah ban pynim ialade! Ki briew ki ong ia u ba u dei u syiem jong ki Israel. Lada u dei

shisha u syiem, u dei ban hiar mynta na ka diengphna. Te ngin sa ngeit ha u. ⁴³U la shaniah ha U Blei, lada shisha U Blei u mon ia u to un pynim ia u mynta. Namar u la ong dalade, 'Nga long U Khun U Blei.'" ⁴⁴Bad ha kajuha ka rukom kita ki nongkam bymman ia kiba la sahnarphna lem bad U Jisu ki la krenbein ia u.

Ka Jingiäp U Jisu

(Mk. 15:33-41; Lk. 23:44-49; Jo. 19:28-30)

⁴⁵Ha kaba shiteng sngi ka jingdum ka la tap ia ka ri baroh kawei bad ka la neh haduh lai kynta. ⁴⁶Kumba lai baje U Jisu u la pyrta da ka sur kaba jam, "Eli, Eli, lama sabakhthani?" Kane ka mut "U Blei jong nga, U Blei jong nga, balei ba me la iehnoh noh ia nga marwei?"

⁴⁷Katto katne na ki briew kiba ieng hangta ki la iohsngew ia kane. Ki la ong, "U khot ia u Elijah."

⁴⁸Kloi lan, uwei na kita u la mareh bad u la shim ia u kynja sponj. U la wiew ia uta ha ka wain kaba jew bad u la teh ha u dieng ba jrong bad u la ai ia U Jisu ban kjit. ⁴⁹Hynrei kiwei ki la ia ong, "Ieh shuwa, ngi kwah ban iohi la u Elijah un wan ne em ban pynim ia u."

⁵⁰Te U Jisu u la kyang pat sa shisien da ka sur kaba jam bad u la aiti noh ia la ka mynsiem.

⁵¹Haba U Jisu u la iäp, ka pyrda ha ka TempI ka la kad arliang wak naduh jrong haduh tbian. Kumjuh ruh ka khyndew ka la khyntiuh bad ki mawsiang ki la pdang. ⁵²Te ki jingtep ki la ang bad shibun ki riewkhuid ba la iäp ki la mihipat. ⁵³Hadien ka jingmihipat U Jisu kine ki la mih na ka jingtep bad ki la leit sha ka nongbah kaba khuid, ha kaba shibun ruh ki briew ki la iohi ia ki.

⁵⁴Uta u rangbah shispah lem bad ki shipai kiba ap pahara ia U Jisu ki la iohi ia ka jingkhyniuh jumai bad ia kaba la jia baroh. Kumta ki la sheptieng eh bad ki la ia ong, "Da shisha une u long U Khun U Blei!"

⁵⁵Bun ruh ki kynthei ki la ia ieng kham jngai na ka diengphna ban khmih. Kine ki kynthei ki dei kita kiba la wan bad U Jisu na Galilaia ban shakri ia u. ⁵⁶Ka Mari nong Magdala, ka Mari ka kmie u Jakob bad u Josis bad ka kurim u Sebedi ki la iadon hangta.

La Tep Ia U Jisu

(Mk. 15:42-47; Lk. 23:50-56; Jo. 19:38-42)

⁵⁷Ha kata ka janmiet u briew uba riewspah uba kyrteng u Joseph u la wan

sha Jerusalem. U la long u nongbud U Jisu na ka shnong Arimathaia. ⁵⁸U la leit sha u Pilat bad u la pan ia ka met U Jisu. Te u Pilat u la ai hukum ia ki shipai ban ai ia ka met U Jisu sha u. ⁵⁹Nangta u Joseph u la shim noh ia ka met bad u la sop da ka jain linen kaba thymmai. ⁶⁰U la buh te ia ka ha ka jingtep kaba thymmai kaba u la tih ha synrang u mawsiang na ka bynta ialade. Nangta u la khang ia ka da kaba pyntyllun ia u maw uba heh nakhmat ka jingtep. Hadien ba u la leh ia kane, u la leit noh. ⁶¹Ka Mari nong Magdala bad kawei pat ka kynthei kaba kyrteng ka Mari ki la shong hajan ka jingtep.

Ka Jingap Pahara Ia Ka Jingtep

⁶²Kata ka sngi ka long ka sngi kaba ki khot ka sngi jingpynkhreh. Te ha ka sngi kaba bud, ki lyngdoh ba kham hakhtam lem bad ki Pharisi ki la leit sha u Pilat. ⁶³Ki la ong, "Kynrad, ngi kynmaw mynba uta uba lamler u dang im u la ong, 'Nga sa mihipat na ka jingiäp hadien lai sngi.'" ⁶⁴Kumta to ai hukum ban ap pahara skhem ia ka jingtep haduh lai sngi. Ioh ba ki synran jong u ki lah ban wan bad ban pyrshang ban tuh ia ka met. Te kin sa pynbna sha baroh ba u la mihipat na ka jingiäp. Kata ka jinglamler kan long kham sniew ban ia kaei kaba ki la dep ong shaphang jong u ha kaba mynnyngkong."

⁶⁵Te u Pilat u la ong, "To shim katto katne ki shipai bad leit ban pahara skhem ia ka jingtep katba phi lah." ⁶⁶Kumta ki baroh ki la leit bad ki la ialam ia ki nongap pahara. Ki da shon muhor ha u mawkhang ban pynskhem ia ka jingtep bad pahara bha ia ka.

Ka Jingmihipat U Jisu

(Mk. 16:1-8; Lk. 24:1-12; Jo. 20:1-10)

28 ¹Ka sngi hadien ka Sabbaton ka dei ka sngi ba nyngkong jong ka taiew. Ha kata ka step la dang saw ka tyngab, ka Mari nong Magdala bad kawei pat ka kynthei kaba kyrteng ka Mari ki la leit ban khmih ia ka jingtep.

²Kynsan kynsan u angel U Trai u la wan bad ka la don ka jingkhyniuh jumai kaba jur bha. Uta u angel u la leit sha ka jingtep bad u la pyntyllun ia uta u maw khang bad u da shong halor jong u. ³Uta u angel u la long uba tyngshaii kum ka leilieh bad ki jainkup jong u ki long kiba lieh kum ka ior. ⁴Ki nongap pahara ia ka jingtep ki la sheptieng that namar uta u angel bad ki la long kum kiba iäp.

⁵Uta u angel u la ong ia kita ki kynthei, “Wat sheptieng. Nga tip phi ia wad ia U Jisu, uta ia uba ki la pyniap da kaba sahnarphna. ⁶Hynrei um don hangne. U la mihpat na ka jingiap, kumba u la ong. Wan ban khmih ia ka jaka ha kaba la pynthiah ia ka met jong u. ⁷Bad to leit kloï kloï bad iathuh ia kane ha ki synran jong u ba U Jisu u la mihpat na ka jingiap. U la leit ha shuwa jong phi sha Galilaia. Phin iohi ia u hangta. To kynmaw nga la iathuh ia phi.”

⁸Kumta kita ki kynthei ki la mih noh kloï lan na ka jingtep. Ki la sngewsheptieng, hynrei ha kajuh ka por ki la sngewkmen shikatdei eh. Ki la mareh ban leit iathuh sha ki synran jong u. ⁹Katba ki dang ia mareh, U Jisu u la ieng hakmat jong ki. U da ong, “Long ka jingsuk ia phi!” Kita ki kynthei ki la leit sha u, ki da bat ia ki kjat jong u bad mane dem ia u. ¹⁰Te U Jisu u la ong ia ki, “Wat sheptieng. Khie leit ban iathuh ia ki synran jong nga ba kin leit sha Galilaia. Kin iakynduh ia nga hangta.”

Ki Nongialam Jiw Ki Ioh Ia Ka Khubor

¹¹Katba kita ki kynthei ki dang ialeit, ki nongap pahara ia ka jingtep ki la leit sha ka nongbah ban iathuh sha ki lyngdoh ba kham hakmat ia kata kaba la jia baroh. ¹²Te kita ki lyngdoh ki la iakynduh ia ki

basan bad ki la ia suh buit. Ki la ai shibun ki sbai rupa ia ki shipai ¹³bad ki la ong ia ki, “Pynphriang ia kane ka khubor ba ki synran U Jisu ki la wan ha ka por mynmiet bad ki la tuh ia ka met jong u katba ngi dang iohthiah. ¹⁴Lada u lat u iohsngew ia kane, ngin sa iakren ma ngi ban iada ia phi.” ¹⁵Kumta kita ki shipai ki la shim ia kita ki sbai rupa bad ki la leh kumba la bthah ia ki. Bad kata ka khubor ka dang ia saphriang hapdeng ki Jiw haduh kine ki sngi.

U Jisu U Iakynduh Ia Ki Synran

(Mk. 16:14–18; Lk. 24:36–49;

Yo. 20:19–23; Ki Kam 1:6–8)

¹⁶Ki khatwei ngut ki synran ki la leit sha Galilaia, sha uta u lum kumba U Jisu u la iakut bad ki. ¹⁷Te haba ki synran ki la iohi ia U Jisu, ki la mane dem ia u. Hynrei don ruh napdeng jong ki synran ki bym sngewlah ngeit. ¹⁸U Jisu u la wan sha ki bad u la ong, “Ia ka iktiar baroh ha bneng bad ha ka pyrthei la ai ha nga. ¹⁹Kumta khie leit bad pynlong synran ia ki jaitbynriew baroh ha ka pyrthei. Pynbaptis ia ki ha ka kyrteng ka jong U Kpa bad ka jong U Khun bad ka jong U Mynsiem Bakhuid. ²⁰Hikai ia ki ban kohnguh ia kita baroh kiba nga la hukum ia phi. To sngewskhem ba ngan long lem bad phi borabor haduh kaba kut ka pyrthei.”